

# *KULI FUKUNUNA CHA KALUNGA*



Echa etu tutwalileho kwimana kaha tando yayindende shimbu etu kunongami mitwe yetu ha kulomba.

<sup>2</sup> Mwata Wetu Walikoji, etu tuli vene vakusakwilila lelo halisesa eli etu tuli nalwo mukukungulwila etu vavene hamwe hamavu shimbu kanda Kwiza cha Mwata. Echa etu twakekesa michima yetu lelo, ha Lizu Lyove, kaha talenu kachi etu tuli mu Lufwelelo, mangana etu tupwenga vakulizanga, nge, ola ya Kusoloka Chenyi. Nge etu twatela kupwa nge Chisoneka chahanjika nge nachiya nakupwa, “Vakwachilile hamwe, navaze vanasavala tulo, kaha kuliwana na Mwata muutangatanga, kaha hayamyaka nakupwa na Ikiye.”

<sup>3</sup> Etu twasakwilila Ove hali Shipilitu ya Mukakulishitu wamuchano uze ali muno mukaye, mukachi kavathu, nge vakiko hanga vafwelela Ove na Lizu Lyove. Shikaho etu twalombo kukisula Chove hali etu lelo, nge Ove muya nakusolola kuli umwe wetu uze etu tunatondo, nge etu tunahase kutukumwina ha Lizu, nge etu tunahase kukula nakwingila muvizachiso vyakuzachisa mu mavoko Ove, walikumbi lyamakumishilo. Mwomwo etu twalombo echi mu Lijina Iya Mwata Yesu Kulishitu, Kafunga ketu wamunene, nge etu tuli nakutala nakusoloka. Amena.

Echa mutwame.

<sup>4</sup> Kaha Ngwatondo kuhanjika nge Ngunatondo eli lisesa lyalinene chino chimene hakupwa hano cheka. Kaha ngukonekelenu etu katweshi na kapete kakutamo kakutwamamo. Kaha etu natuya nakweseka, ufukuuno, jino pwenu na kulomba hali vakakuviza; lelo, chimene chino, nachiya nakupwa chachikalu.

<sup>5</sup> Kaha—kaha Ngwapwile nakuya ku tepu ou Mujimbu lelo. Ngwa...Ou Mwata kusoloka kuzata na yami kuvuluka echi, mamalelo, kakweji mokomoko vavali kunyima okwo, kaha kunashimbula. Kaha Kangweshi na lwola lwakulovoka muno mukuliwana, mwomwo etu tunetavila chize nakuheta ku minyutu seti, fwote yakutanga. Kaha jino etu...Mwomwo ava vathu kupwa nakuya nakuzata na vyuma, Ngunawane kupwa chamwaza kachi nangunalingisa Mujimbu wami wawihi. Kaha vakiko kavapwile na lwola lwakulovoka kuze na kukopa echi, shgikaho Ngunashinganyeka Nanguvandamina palanga Ngukwechi mbalaka hano kaha jino kukopa echi kufuma hano. Kaha echi chili hahasuku chindende, kaha Ngunatachikiza ove unemana, kaha Nguli—Nguli nakuya mulumbushi nge omu Ngunahashila. Kaha, jino, enu kamweshi nakunguhaka mangana kachi enu muli navitwamo vyamalayiti,

mokomoko kalamwosena, chize nachiya—chize nachiya nakupwa mukukupuka nakwoloka mwosena na yami mwomwo eli linapu likumbi lize etu twapwilenga na kukopa.

<sup>6</sup> Kaha shikaho etu tukwechi mijimbu yainene kufuma kuchuma Mwata nalingi kufuma muwande, oloze etu natuya vene nakuhana chikumanyi uze ufuku unahichi omu etu tunahase chkumanyi lwola kuli echi, kupwa nalwola lwalunene lwakuhana.

<sup>7</sup> Kaha jino etu twafwelela nge Mwata mwaya nakukisula wosena muli enu. Ngunatachikiza michima yenu ili yakuzala na kuwahilila, kutala ha Kwiza cha Mwata. Kaha yami nawa, kuvweluka lika, kumona vyuma kusoloka mujila vikiko vyatela. Kaha—kaha ndombo ya lifuchi, kaha lize liuka mu seteko ilimo, kaha kumona vinjikizo vya Kwiza Chenyi, vosena kumujimba na mushipilitu, na kutachikiza nge lwola luno lwa Kusoloka Chenyi chili hakamwihi, echi kupwa kaha nakuzalisa muchima wetu na kuwahilila kutachikiza nge etu tuli nakuya nakupwa umwe wakwalumuka hali aze makumbi. Etu tuli nakuya nakupwa vakwalumuna kufuma kujitengeso jize etu tulimo.

<sup>8</sup> Jino, Ngwafwelela, kachi Ngunevwushisa, vakiko kupwa ku shinga kupwa kumwe, nge ou Mujimbu uli nakuya mu Phoenix na ku—na muvhanda vyakuhandunuka, ha shinga. Kaha shikaho jino etu twafwelela nge kachi echi chili ngocho. . . Ngunahono kutachikiza; kulweka chize shimbu kanda kwiza nakwingila. Kaha—kaha vathu vosena kuze vali vene nakuwahilila na kulikangula chamwaza na—na Upahu wa Mwata hali vakiko.

<sup>9</sup> Kaha jino—jino etu natuya nakusokoloka eli Lizu lya Mwata. Kaha chuma etu vosena hano ha kuwahilila etu vavene kaha kulilama chumamuka etu tuli. . . Etu—etu kanda twizenga hano kaha etu tuli. . . Naumwe ali hano atachikijile nge kala muthu nahase kutwama mwakuzuma nge ngana, kaha kupwa kaha na chishinganyeka hano. Etu tuli hano ha pungu yimwe, kaha echi chili, “hakamwihi na Kalunga.” Mukiko kaha etu tunahase kulinga, shina kufwelela Mwata Yesu ali na etu. Kaha etu tuli hano na—na kutambuka hakamwihi na Ikiye.

<sup>10</sup> Jino echi kuzuma chachindende hali yami. Ngukwechi nge muyachi wa kuzuma hauumu kulovoka kuze mu Tucson, chili. . . Chize kututa hano jino; kuzuma chetu kuze chili kuzuma chikuma kuhambakana echi, oloze kunomu. Kututa chetu lwolalumwe chili chipwa chimwe cha peseti yimwe, pamo, lwolalumwe nge ngachize, kupwa kaha nge kuyoyela mwishi ya mbalaka. Oloze hano echi chil na—na—na chikekeshi muli chize, kaha kulingisa enu kwivwa “kufumisa chosena,” nge etu twapwilenga nakuvuluka echi. Shikaho chinapu chachikalu hali enu, shikaho Ngunatachikiza chize, kaha enu va mama na vakemba vavandende kaha enu vathu kwimana, kashinakaji na

mukweze, kaha kuhaka hamwe nge ove uli. Kaha jino etu tuli—etu tuli nakatalilila nge Kalunga mwaya nakukufweta chikuma ha mulambu wove.

<sup>11</sup> Ngunevushisa nge Ndumbu walunga Roy Borders ali hano kumwe. Ngwamwivwile ikiye kutoleka, oloze Ngwashingtonyeka pamo ikiye kahashile kwingilamoko. Chosena chakwoloka. Uze ikiye fumbelo ya kuliwana.

<sup>12</sup> Shikaho jino etu tuli nawa nakutonda kuvilika chize umwe uze apwilenga mukachi ketu ayile nakupwa na Mwata chimene chino, lunga, Ndumbu walunga Jackson kufuma Sturgis, Michigan. Naumwe pimbi atachikiza omu ikiye mwaya mokomoko chumamuka hali echi. Ikiye apwile kaha nakulinga mwamwaza, kaha ikiye kupwa kaha...Ngwashingtonyeka vakiko vamuwanyine ikiye kupwa wakufwa, mokomoko chumachimwe. Ngwa—Ngwahono kupwa naunjiho wakuzala na echi. Kaha etu kupwa wakusakwilila kuli Kalunga nge Ndumbu walunga Jackson apwile Mukakulishitu. Kangwamwene ikiye ha myaka yayivulu, oloze ikiye kutwama mukachi ketu kaha ikiye umwe hali etu. Kalunga kunokesa mwono waundume! Kuya nge ngachize, etu twafwelela nge pamo nge chapwile chumachimwe, nge lwapwile lwola lwa ikiye kuya. Ou Mwata kanda lyehi atuhumune, mokomoko ikiye hali echi, ikiye kuya. Ize ikiko jila yakuya. Kaha Ngwatondo kuvuluka pwevo lyami washi washi nge Ngunahase, kaha kwambulula ushona wenyi. Kaha etu vosena twatondo kuhana kusakwilila kuli Kalunga ha chiyoyelo cha Vakakulishitu, kaha chumamuka ikiye nalumbununa hano hamavu, kaha chikumanyi kuli etu hano muliuka hano.

<sup>13</sup> Jino ufukuuno, Ngunahanjika kuze kuya nakupwa vakulombela mukakuviza na ufukuuno, kaha Nanguya nakuhanjika hali vakakuviza ufukuuno.

<sup>14</sup> Oloze hali luno lwola, echa kuya vene nakwingilamo mu Lizu jino, mwomwo kupwa na kuzuma. Etu natuya vene mukwoloka kuli eli Lizu. Ngwatondo kutanga kufuma muvihanda vivali vya Chsoneka na chimene, mukusuwa, shikaho nge kuya nakunguhana chikuku chachindende ha chumamuka Ngwatondo kuhanjika.

<sup>15</sup> Kaha, jino, Ngwatondo nge vakiko navaya nakukwata ha tepu, Ndumbu walunga Sothmann na vakiko, shimbu kanda kulanjisa, kachi chahashile, kaha Ngwa—Ngwatondo kwivwulila shimbu kanda etu...shimbu kanda kuya nakulikungumbuwa.

<sup>16</sup> Jino mu...Ngwatondo kutanga kufuma kuli Fwilipu, kapetulu wamuchivali, 1 mbwe 8; kaha Kolinde Wamuchivali 3, kuputukila 6, kaha kutanga mu kapetulu 4 wa Kolinde Wamuchivali, kupwa kaha chikuku. Jino mu Fwilipu, kapetulu wamuchivali, Nanguya nakutanga chatete.

Shimbu kanda kutanga, echa tulombe.

<sup>17</sup> Mwata Yesu, Lizu Lyove linapu Muchano. Kaha mumaukalu mu ola nge etu tuli nakuyoya, lifuchi kufumbukila lifuchi, maukalu, mindenda muvihela vyavivulu, michima ya vathu kuholoka, woma, etu kumona kusoneka jisona hambango. Jino, nge seteko yachisemwa, nge kaye kosena vatela kumona. Oloze jino kuli seteko ya mushipilitu, nawa, kaha etu twamono kusoloka chachinene, kaha etu twatondo kuhanjika hali vakiko lelo.

<sup>18</sup> Kisula Lizu Lyove kumichima yetu. Etu tunatachikiza kuze keshi muthuko muze Mwilu mokomoko mumavu kupwa wakatela kumbata Mukanda, kukasununa Tutachikijilo, mokomoko kutala hali Chize, numba. Oloze kuze kwapwilenga Umwe kusoloka, kujiha Mwanamukoko, wamanyinga, nge kwiza na kumbata Mukanda, kaha wakatela kaha kutela kupwa nakusokolola Echi. Ove Mukoko wa Kalunga, sokolola Lizu Lyove kumichima yetu lelo, mwomwo ya kuvendejeka. Etu twapwa vangamba Jove. Tukonekele jishili jetu, Mwata. Kaha kalachuma chize nachiya nakulama eli Lizu kufuma kuya na ngolo jajinene na kufungulula lelo ha viyoyelo vyetu, kufumsa, Mwata, kaha kala kuhonesa, nge etu twahase kupwa wakuzalilila na jikisu josena jakushika nakuhita muli etu kuhichila mu Lizu Lyove. Etu twalombo echi mu Lijina lya Yesu. Amena.

<sup>19</sup> Fwilipu 2:

*Shikaho kachi nge muli Kulishitu muli kulembelela, kachi nge muli kuvendejeka cha zangi, kachi nge muli kulikata cha Shipilitu, kachi nge muli muchima wa keke,*

*Katesenumo kuwahilila chami, mangana mujinenga chuma chochimwe kaha, mupwenga na zangi, yoyimwe namwono woumwe, na—na kujina chochimwe.*

*Kanda mukalinga chuma na chimwe hakulikindukilako chipwe hakulitohwesako chamokomoko; oloze hakulinyisa mumuchima muthu hi muthu amonenga atale mukwavo ngwenyi, anguhambakana ami.*

*Muthu himuthu kanda akokelanga kumukombe wenyi ukako, oloze muthu himuthu anukenga na vyuma vyavakwavo nawa.*

*Muli enu mupwenga nakujina echi, chize chapwile nawa muli Kulishitu Yesu nawa:*

*Ikiye, omu apwilenga kumutala ikiye Kalunga, ocho kweseka na Kalunga hamwe kachimwene nge hichuma chakuhukulako:*

*Oloze alilingishile kupwa nge wamokomoko, hakulitengeka kumutala nge ndungo, nakumulingisa kupwanganomu vapwa vathu:*

*Kaha hakumuwana nakufwana nge chauthu, alinjishile, ononokelenga palanga na kukufwa chikiko kufwa chakukulusu.*

<sup>20</sup> Jino kachi etu natufukununa jino ku Kolinde Wamuchivali, kapetulu 3, etu natuya nakuputuka na vasi 6, kaha kutanga echi ku kapetulu 18, na kushikumuka chihanda cha kapetulu 4.

*Ou ikiye vene uze natulingisa nawa kuhasa kupwa tuvakakuzachila kushika chachihya; keshi nge chamuze vasonekeleko, oloze cha mushipilitu: mwomwo muze vasonekele mweji kujihanga, oloze shipilitu eji kuyoyesanga.*

*Oloze milimo yakufwa, yize yakusoneka nakwola hamalolwa, kachi nge yejile naupahu, numba vana va Isalele vahone kushishika kumeso a Mose haupahu uze wapwilenga kumeso enyi; ou upahu kana wapwile nakuhita:*

*Ngwetu milimo eyi ya shipilitu kayahamabakana chikuma kupwa naupahuko?*

*Mwomwo kachi nge milimo yakuneha kupaya yapwile naupahu, kaha ngachilihi milimo yakuneha kwolokanyi yinahambakana chikuma upahu.*

*Mwomwo chamwenemwene ize vahanyine upahu oloze hoho vene kavayihanyine upahuko, ha mulonga haupahu uno wakulitulaho.*

*Mwomwo yize yakuya nakuhita kachi nge yejile naupahu, kaheyi yakutwamanga yinahambaka hali... chikuma muupahu.*

*Ngocho mwomwo tukwechi echi kutalilila changana, etu twatela mwamunene...shikaho tweji kuhanjikanga, nakumika chikuma.*

*Kaha katweshi nge Mose ko, uze aliwuwishile nachiwuwa kumeso eyi, kuchina vana va Isalele nava shishika nakukuma chauze wapwile nakuhita:*

*Oloze vishinganyeka vyavo wapwile vyakaluhwile: mwomwo nakulikumbi lya lelo lino hakutanga hakushishika chize chamwaka chiwuwa chochimwe chinasaleko; kavavawuulwile numba vamone ngwavo muli Kulishitu unahichi lyehiko.*

*Oloze nakulimbi lyalelo lino, chosena navatanga hamukanda wa Mose, chiwuwa chichili kumuchima yavo.*

*Oloze heshoho kwalumukila kuli Yehova, chiwwa navachifumisako.*

*Jino Mwata napu ikiye Shipilitu kana: kahoku kuli Shipilitu ya Yehova. . .kwoku vene kuli kulihehwa.*

*Oloze etu twosena, na meso etu akuwuulula lyehi hakutala upahu wa Mwata nge kuchitalilo, vali nakutwalumwina mweka mukulifwana chochimwe kufuma kuupahu waundende nakutwala kuupahu wauvulu mukiko mwakuli Mwata ivene Shipilitu.*

*Shikaho mwomwo tuli namilimo eyi, nganomu tunawane kututetela, katweshi kuzeyako;*

*Oloze vize vyakusweka vyasonyi tuwavimbili lyehi na kuzeneka kushishika, katweshi nakutambuka nakutangisako chipwe nakuhanjika mazu a Kalunga chamakuliko; oloze ha kulumbununa muchano tweji kulijimbulanga kuvivezu vyavathu vosena kumeso a Kalunga.*

*Kaha numba mujimbu wetu unapu wakuwua nawa, unapu wakuwua muli vaze vali nakunonga:*

<sup>21</sup> Echa Mwata ahake kukisula Chenyi kukutanga cha Lizu Lyenyi!

<sup>22</sup> Jino, mutwe wachihande chimene chino, Ngwafwelela nge Kalunga mwaya nakusolola echi. Kaha lwola lwosena, kachi enu namumbata jitepu na kwivwulila, kaha Ngwafwelela na kufwelela nge—nge enu muli na kwivwushisa cha mushipilitu hachuma chize Kalunga napunga nakweseka kupwa ha Liuka chakuzeneka kuhanjika hazevene. Talenu? Echi chili chuma, lwolalumwe, etu kupwa nakuhanjika chumachimwe chamuyachi nge mujila chinahase kukehesa, echi chihase kuneha vyuma vimwe, vamwe kuseza, kaha vamwe na—na—na kuhanjikaho. Oloze chize chinalingika na punga. Echi chatela kulinga mujila kana.

<sup>23</sup> Jino chihase kupwa nge vamwe vanahase kuhanjika, “Ove unatwale nge Kalunga nahase kulinga chuma nge ngachize?” Ikiye punduvene alingile. Ikiye alingile.

<sup>24</sup> Ikiye ambile ngwenyi likumbi limwe, omwo Ikiye apwilenga na masauzande nakujinguluka Ikiye, Ikiye ambile ngwenyi, “Kuvangila enu namulya Nyama ya Mwana Kalunga, mokomoko Mwana muthu, na kunwa Manyinga Eyi, enu kamweshi na Kuyoya muli enuko.”

<sup>25</sup> Muyachi uka wa hanjikiso unashinganyeka kulinga nge ndotolo wavitumbo mokomoko nashi, mokomoko kala muthu wakutanga kushinganyeka ha hanjikiso nge ngachize, mwomwo Muthu nge apwilenga na mulimo nge Ikiye apwilenga? Mwomwoika, ikiye kuhanjika, “Kulya nyama? Chize chikiko kulya nyama! Kunwa manyinga amuthu? Echi chinapu uloji!

Mujila ikwavo, Ikiye natondo kupwa vakakulya nyama na uloji.” Kaha likungumbuwa lyosena kutambuka nakufuma kuli Ikiye.

<sup>26</sup> Kaha kuze kwapwilenga kulinunga cha vakakuzata hamwe na Ikiye, wa seвете, uze vanasakula. Kaha Ikiye alumukile kuli vakiko, kaha Ikiye ngwenyi, “Chumamuka nauya nakushinganyeka omu ove uli nakumona Mwana muthu kukanduka kufuma kuze Ikiye kwiza nakufuma?” Jino, Ikiye keshi nakulumbununa ngachize. Ikiye kanda alumbunune *omu*; Paulu achilingile kufuma haze. Ikiye kuhanjika kaha hali Echi. Talenu? Kaha jino omwo echi, Ikiye ngwenyi, “Chuma muka ove muhanjika,” kuli vakakuzata, “omwo enu namumona Mwana muthu kwiza nakufuma kuze Ikiye ejile nakufuma?”

<sup>27</sup> Kukakasana chauchi vase malunga ngwavo, “Jino, tando yayindende. Mamalelo, etu tweji kulyanga na Ikiye. Etu vaishi na Ikiye. Etu twasavala na Ikiye. Etu—etu tunatachikiza okwo Ikiye asemukile. Etu twamono ukalu uze Ikiye—Ikiye apwilenga lilolwa. Kaha omu eji kulinganga ou Lunga... Echi chinapu kuhanjika chachikalu.”

<sup>28</sup> Kaha eyi Mbimbiliya ngwayo, “Vakiko kavatambuka hamwe na Ikiye chekako.” Vakiko vamusele Ikiye.

<sup>29</sup> Kahajino Ikiye apwile na twolufu. Ikiye asakwile twolufu, kaha umwe wavo apwilenga liyavolo, Ikiye ambile ngwenyi. Shikaho Ikiye avalumwine.

Kaha kuze kakweshi kulumbununa chumamuka Ikiye nahanjika. “Vakiko vali nakuya nakulya Nyama Yenya na kunwa Manyinga Eyi? Kaha Ikiye ejile nakusuluka, omwo Ikiye asemukile hano hamavu?” Talenu? Vakiko kavahashile kwivwushisa Echi.

Kaha jino Ikiye alumukile kuli vapositolo, kaha Ikiye ngwenyi, “Ove unatondo kuya nawa?”

<sup>30</sup> Kaha omu mukiko Kapositolo Petulu atangile hanjikiso yayinene, “Mwata, kuli ikiye mwaya?” Talenu? “Mwomwo etu tunasuuluka. Etu tunatachikiza punduvene nge Ove, kaha Ove ukawenyi, uli na Lizu Iya Kuyoya cha ino ola.” Talenu? “Kaha etu tunasuuluka na chize.” Talenu, vakiko kavahashile kulumbununa Chizeko. Vakiko...

Enu kamweshi kuhasa kulumbununa lufwelelo. Echi chinapu chumachimwe enu mwafwelela, kaha echi chinapu chakukola nge kakweshi chumako nachiya nakumbata echi chihela.

Shikangaho, vakiko vatachikijile nge Lizu lize vasoneka hali chize chisemunuino chize vakiko vapwile nakuyoyelamo, echi chisemununo cha Meshiya, chize Ikiye atelemo vene. Kaha chumamuka vakiko valingile nakuya mul vakiko muze mwakututa, mauka asalusalu nge omu vakiko veji nakulovokamo? Ngwenyi, “Kulihi etu natuya kuli?” Talenu?

“Etu tuli vakukunyuka nge Ove uli na Lizu Iya Kuyoya.” Talenu? Kaha vakiko—vakiko kavahashile kulumbununa Chizeko, oloze vakiko vafwelelele Chize. Talenu?

<sup>31</sup> Kaha Yesu ambile ahanjikile ha mwila kushikumuka lizavu Lyenyi, talenu, palanga Ikiye kuneha lizavu hamwe. Kaha kufuma muli vaze vathu, vakiko, valikumi naumwe muli vakiko jino kwivwushisa vene Hiya uze pwilenga Ikiye. Vakiko vatachikijile nge Ikiye apwilenga Kalunga, kaha Kalunga ukawenyi. Jino, va. . .

<sup>32</sup> Mutwe wami wachihande chimene chino chili kusolola, mokomoko, Kufukununa uze Kalunga.

<sup>33</sup> Kalunga lwola lwosena, mukala chisemunuino, nachisweke kunyima ya lihina, visemunuino vyosena, oloze Ikiye napunga Kalunga lwola lwosena. Talenu? Oloze Ikiye alamine Lyavene kufuma kwake, kaha kulisolola Lyavene ku Kusakula Chenyi, nge vapositolo ha likumbi lize. Jino, uze apwilenga Kalunga kuhanjika muli Kulishitu.

<sup>34</sup> Jino, muthu lwola lwosena, chinapunga chisemwa cha muthu, ikiye atondele kumona (mujimba) nge Kalunga. Ikiye apwilenga lwolalwosena atondelenga Echi. Muthu natungu vitengo vize vyakusooka nge Ikiye. Vakiko vashinganyekele nge. . . Vaze Ma indians veji kulifukula musana. Kaha—kaha etu tunawane, mu Africa, jijila jakuhandunuka, na vyangocho. Kaha helu. . . kumitondo ya totem mu Alasaka, kaha—kaha vyuma vyakuhandunuka vize vakiko kushinganyeka echi kupwa Kalunga kwingilamo. Nge omu ahanjikile Paulu kuze ku Athens luze lwola, ha Mars hill, kaha kuvalweka vakiko nge vapwilenga nakushingayeka hali ou Kalunga wakuzeneka kutachikiza, chize, vakiko vatachikijile Ikiye apwilenga kuze oloze vakiko kavamutachikijileko Ikiye.

<sup>35</sup> Kaha shikaho etu tunawane kunyima nge Yopa. Yopa atachikijile nge kuli Kalunga. Ikiye atachikijile chize. Kaha kakweshi nge—nge—nge muthu, muvishinganyeka vyavo vya kwoloka, oloze chumamuka vatachikiza nge kwatela kupwa Chumachimwe kumwe. Kaha, jino, Yopa atondele kuhanjika kuli Ikiye.

Kaha Ngwatondo enu katalisa chifwanyisa chize Kalunga asakwile kuhanjika kuli Yopa. Kalunga apwile wakufwika omwo Ikiye ahanjikile kuli Yopa. Ikiye apwilenga wakufwika mukakundukundu, kwiza nakushikumuka muze vene mukakundukundu. Enu mwafwelela nge Kalunga hanga eji kwizanga muze mukakundukundu nahase kwiza kuze ove mumona?

<sup>36</sup> Kuli vavavulu vanatwame hano, nambala, vaze vapwilenga na etu likumbi likwavo omwo Ikiye ejile mu kakundukundu. Atulwekele likumbi shimbu kanda, Ndumbu walunga Banks Wood na vakiko, omwo Ikiye ambile ngwenyi, “Mbata eli lilolwa,



limbile mupeho, na kuhanjika, ‘MUKIKO MWANAMBE MWATA! Enu namuya nakumona echi hazevene.’” Kaha Ngwambachile lilolwa, helu lya pili, kumbila mupeho, kaha . . . Mukiko vene, kwiza nakushikumuka, kaha kuputuka uze kakundukundu, talenu, kuvuluka chize.

<sup>37</sup> Enu mwatela kulinga chumachimwe mwomwo chumachimwe kukavangisaho. Yesu ambachile chihanda cha mbolo na kuhokola, jino kuvulisa kufuma muli chize chihanda cha mbolo. Ikiye ambachile meya, kuhingununa mumulondo. Elija ambachile mungwa, kuhaka musuwa; kuvatula mutondo, kuumbila hameya, kuumbila hameya. Echi chapwilenga chumachimwe chakupwa chifwanyisa.

Kaha kumbata lilolwa na kumbila nakuya mupeho, kaha kwiza nakuputuka uze kakundukundu.

<sup>38</sup> Likumbi lyashishileho, mwomwoika, kuze kwapwilenga mukakuzata hamwe na etu ha ungeji waunyanga. Ikiye manyine hakamwihi, kaha ikiye ahanjikile kuli yami, “Kumana Mwata eji kuhananga vimweno nge ngana, Ndumbu walunga Branham?”

<sup>39</sup> Ngwambile ngwami, “Eyo, oloze Ngweji kulovokanga hano kunoka.” Kaha jino chimweno chejile.

<sup>40</sup> Kaha Ndumbu walunga Borders, Ngwashingtonyeka ikiye ali kuweluka jino, ikiye apwilenga. Ndumbu walunga Banks Wood, Ngwashingtonyeka, kaha, mamalelo, vamwe vapwilenga kuze, eyiti mokomoko teni. Kaha Ndumbu walunga Banks Wood kutala hali echi. Hazevene ha pili, kuzauka na kufumamo, mukikove, pamo chimbwa cha miyilosi kuze Vangelo vatanu navavali kusoloka, nge muze Ngwafumineko nakuhana kuze, nge kunyima na kumulweka nge. . . pamo Tutachikijilo Tutanu. Kupwa kaha pamo chimbwa milosi kufuma kuli chize.

<sup>41</sup> Kaha jino likumbi likwavo, omwo echi chapwile nakuya, mwomwoika, va. . . Ngwambile ngwami kuli ndumbu walunga, ou ndumbu walunga, Ngwambile ngwami, “Ukalu wove uka, ove ukwechi lwola lwosena liso lyove. Vaze mandotolo vaneseke ha myaka yayivulu kwimika kaha vakiko kavahashile kuli kuchilingako. Vakiko ngwavo ove uli nakuya ku. . . echi chili nakuya nakulya liso lyove.” Kaha Ngwambile ngwami, “Oloze kanda kulizakaminako, Mwata Yesu navumbikile lufwelelo lwove.” Kaha ikiye aholokele uta wenyi. Kaha Ngwambile ngwami, “Mama yove,” ikiye apwilenga kaha chumamuka chinahenge na ikiye.

Kaha ikiye ngwenyi, “Ou ukiko muchano.”

<sup>42</sup> Ndumbu walunga Roy Roberson kufuma muliuka hano, kwimana, Ngwashingtonyeka enu vosena munatachikiza ikiye. Kutachikiza ikiye apwile mweyembo, kaha kutachikiza chuma muka nachiya nakusoloka, Ngwahakile livoko lyami hachifwiji

chenyi; Ngwambile ngwami, “Ndumbu walunga Roberson, pwako wakuvanguluka, tala, chumachimwe chili nakusoloka.”

<sup>43</sup> Ngwatambukile nakuhiluka kunyima kuze Ngwapwile kaha kuhasa kwimana, m kaha kulovoka kufuma mupeho kwiza mukakundukundu, kushikumuka muze muchana, kufuma helu, chize chapwile chachinene chikuma palanga kupila malolwa, eyiti mokomoko teni ichi kwingila, kulovoka kufuma helu lya pili, kaha kuvambila muchimbango nge handulendi kulovokamo. Kaha kusakwilila kapapa katatu nge ngachize, kaha Lizu lyejile kufuma kuli chize. Talenu?

<sup>44</sup> Kaha vosena vемanyine kuze. Ndumbu walunga Banks, hano jino, ejile kaha ngwenyi, “Muze mukiko ove wangulwekanga zau?”

Ngwambile ngwami, “Eyo, mwane, mukiko kaha.”

Ikiye ngwenyi, “Jino, chuma muka Echi kuhanjika?”

<sup>45</sup> Ngwambile ngwami, “Jino, echi chili kaha yami kutachikiza, Ndumbu walunga Banks, talenu, mwomwo chapwile. . . Echi nachiya nakuneha vathu.”

<sup>46</sup> Oloze Echi kuya lika kulutwe, kusoloka kupwa kaha wamundende. . . kutambuka kutwala kukuto. Wamundende, makumbi amandende Wavetele muze mukalungalwiji, kaha enu mwamwene chumamuka chasolokele nakujujuluka kuze ku Fairbanks. Chapwile chinjikizo cha kusopesa. Jino etu kuwana nge—nge Kalunga hanga. . . Ove tala, echi kupwa nakumbila vathu kuvengisa mukulipika. Kaha shikaho jino vakiko vapwile. . . Chize chatela kusoloka, talenu. Echi chatela kusoloka. Vyuma vize vyatela kusoloka chatela kusoloka, mwosena omwo. Talenu, echi chili nakuya nakusoloka, mwosena omwo.

<sup>47</sup> Mose lwola lumwe afwile kumona Kalunga, kaha Kalunga amulwekele ikiye kwimana ha lilolwa. Kaha, ha lilolwa, Mose emanyine kaha ikiye amwene Kalunga kuhita, kaha kunyima Yenya kusoloka nge nyima ya muthu. Kalunga apwilenga mu kakundukundu, kaha Kalunga. . . shimbu Mose emanyine ha lilolwa.

<sup>48</sup> Ngwashingtonyeka enu vosena kumona chifwanyisa kuze likumbi likwavo, etu tunemana ha lilolwa lyolimwe. Kaha hano hakiko hali chize Kumunyika, uze Kangelo ka Mwata, kuze vene Echi kusakwilila. Kwimana. . . Echi chakwoloka haze vene hachivaya lyakuvilikila jino, cheka.

<sup>49</sup> Tachikizenu, Yehova ka Tesitamende Yamwaka napu Yesu wa Tesitamende Yayihya. Talenu? Ikiye apwa Kalunga youmwe, kwalumuna chifwanyisa Chenyi.

<sup>50</sup> Jino, muthuumwe ngwenyi likumbi likwavo, nge—nge—nge mukakuzata wamu Mbauputishiti kulovoka mu Tucson, “Ove

muhanjika ngachilihi nge—nge Yesu na Kalunga kupwa Muthu youmwe?”

<sup>51</sup> Ngwambile ngwami, “Chamwaza, chinapu chachashi kachi ove muhasa kwecha vishinganyeka vyove kuvifumisako, kaha kushinganyeka mwaya Mbimbiliya ya echi. Vakiko vanapu muthu Youmwe. Kalunga ikiye Shipilitu; Yesu napu mujimba uze Ikiye aliwuvilemo. Talenu?” Ngwambile ngwami, “Nge hembo lyami. Kuli pwevo lyami, Ngwapwa lunga lyenyi. Kaha Nguli na mukweze wapwevo, Laveka, Yami tata. Kaha Nguli na muzukulu, kaha lijina lyenyi apwa Paulu, Ngwapwa kaka yenyi. Ngwapwa lunga, tata, na kaka. Kaha pwevo lyami keshi navyakutondako hali yami kupwa ise mokomoko kaka yenyi walunga; ikiye kutondeka chenye hali yami shina lunga lyenyi. Kaha mwanami wapwevo keshi na kuhanjika hali yamiko nge lunga mokomoko kaka; ikiye napu mwanami. Talenu? Oloze ava vathu vosena vatatu vali muthu youmwe. Talenu? Uze ikiye Kalunga; Tata, Mwana, na Shipilitu Wajila, ali kaha chisemunuino chakumuvuluka.” Kalunga apwa youmwe, Kalunga youmwe.

<sup>52</sup> Kalunga alyalumwine Lyavene, kwalumuna chifwanyisa Chenyi. Kachi enu namutalisa hano muli Vakafwilipu, Ikiye ambile ngwenyi, “Keshi nge chakuhukulako, oloze ambachile *chifwanyisa* cha muthu.”

<sup>53</sup> Jino, mu lizu lya Chingiliki kuze kuli chize *chifwanyisa*, Ngunapunga nakutala hali lize likumbi lyosena lyamuundu, kweseka kushinganyeka chumamuka chapwilenga, Ngunawane, kwiza na eli lizu lya *en morphe*. Valivuluka e-n m-o-r-p-h-e. Kutala mu Chingiliki, tunawane nge *en morphe* kupwa . . . Ngunahase kulivuluka mwakuhenga, oloze mulonga Nguli nakulivuluka hasona hasona, mangana omu tepu nayikalovoka, nge vathu navaya, vakakutanga kuya, kutachikiza mulihi Ngwa—Ngwatwale hali echi. Ikiye, omu uze *en morphe*, chize kulumbununa nge Ikiye alyalumwine Lyavene. Ikiye, Ikiye ejile nakushikumuka. Jino, lizu lya Chingiliki kuze kulumbununa, nge, “Chumachimwe chize vahonene kumona, oloze chili kuze, kaha jino chalumwine kaha na liso kumona chize.” Talenu?

<sup>54</sup> Nge Elija apwilenga, Ndatane. Talenu, uze—uze ngamba kahashile kumona vaze Vangelo vosena kuze, kaha Kalunga alumukile; keshi kuneha vangelo nakushikumuka, oloze Ikiye kwalumuna chize kumona cha ngamba. Kaha kuze kwapwilenga jipili jakuzala na Vangelo, na kakahya, kaha tuvalu vakakahya, kaha matemba akakahya, kujinguluka uze kapolofweto Kenyi. Talenu, vakiko, Ikiye alumwine kumona. Chize—chize chuma chili lyehi kuze.

<sup>55</sup> Shikaho, chize chuma Nguli nakweseka kuhanjika, nge Kalunga lwola lwosena apwilenga hano. Chuma chimwe kaha Ikiye alingile omwo Ikiye ejile nakupwa muthu, Ikiye alumwine

likishi Lyenyi. Talenu? Ikiye—Ikiye, uze *en morphe*, Ikiye—Ikiye kulyalumuna Lyavene kuchumamuka Ikiye apwilenga Ikiye hiya, mokomoko likishi Lyenyi, kuzata chikwavo.

<sup>56</sup> Nge muchisela chachinene. Nge omu Ngwapwilenga nakuhanjika chimene echi, muyachi wakukwata hali uze Shakespeare. Echi chili na lwola lwalusuku. Oloze omu Shakespeare asonekele chize—chize—chize chisela, uze... hali Mwangana James wamu England, omu ikiye... vize vilinga vyava Macbeth. Talenu, Shakespeare kahashile kufwelela valojiko; oloze mukuhemba, mwomwo ya mwangana kafwelelele muli valojiko, shikaho ikiye nakuhakilako valojo. Talenu? Kaha jino, mangana kuli echi, vakiko kwalumuna nakuvambila.

<sup>57</sup> Becky hano, mu *Carmen*, vakiko valingile nge muze—muze mu shikola kuze ikiye tele nakumisa mwahichile milungu yayindende. Jino, pamo muthu umwe kuhema kakatu momomoko muvihanda viwana. Mangana kulinga ngachize, ikiye—ikiye kwalumuna likishi lyenyi. Lwola lumwe ikiye ejile nakulovoka, ikiye *napu* vilinga; kaha lwola lukwavo ikiye alovokele, ikiye ali vilinga vikwavo. Oloze ali muthu yomwe lwola lwosena.

<sup>58</sup> Kaha uze ikiye Kalunga. Ikiye alumwine Lyavene kufuma—kufuma mu Panda ya mulangi wa Kakahya, kwiza nakupwa Muthu. Kahajino kwalumuna Lyavene kufuma muli chize, kukinduluka mu Shipilitu cheka, nge Ikiye nahase kutwama muli muthu. Kalunga kulinga muli muthu chuma Ikiye apwilenga vene. Yesu Kulishitu, apwile Kalunga kuzata muli Muthu, *muli* Muthu. Muli Muthu, muze mukiko Ikiye apwilenga. Ikiye alumukile kufuma mu Panda ya mulangi wa Kakahya, kaha jino ejile nakwingila; lize lyapwile lihina muze mupambo, lize lyaswekele Kalunga kufuma ku Isalele. Mose amwene chifwanyisa cha mujimba Wenyi, oloze vene Ikiye apwile wakusweka lwola lwosena kunyima ya eyi Panda ya mulangi wa Kakahya, ize yapwile Longosi ize yalovokele kufuma kuli Kalunga.

<sup>59</sup> Jino etu tunawane hano, jino kufuma ku Pendekosita, Kalunga keshi kulinga *muli* muthu ko, mokomoko kulinga... jino Ikiye ali nakulinga *kuhichila* muli muthu. Talenu? Ikiye apwilenga nakulinga *muli* Muthu jino, Yesu. Jino Ikiye ali nakulinga *kuhichila* muli muthu uze Ikiye nasakula hali eyi pungu. Kalunga, muchifwanyisa cha muthu, Ikiye alumwine Lyavene kufuma muchifwanyisa cha—cha...cha Kalunga, muchifwanyisa cha muthu.

<sup>60</sup> Ikiye ejile mu majina atatu, majina atatu a mwana. Ikiye ejile muli Mwana... lijina lya Mwana—wa muthu, Mwana Ndavichi, na Mwana Kalunga; majina atatu a mwana.

<sup>61</sup> Jino, Ikiye ejile chatete muli Mwana Da-...Mwana muthu, mwomwo Ikiye apwilenga Kapolofweto. Jino, Yehova Lyavene

amusanyikile Ezekele na tupolofweto, “Mwana muthu, chuma muka ove?” Yesu kahanjikile kuli Lyavene kupwa Mwana Kalunga; Ikiye avulukile Lyavene kupwa Mwana muthu, mwomwo ya—ya Visoneka kaveshi kavihokolako.

Kakweshi kukapwa chuma chakuhokoka mu Visoneka. Kala Lizu lyatela kupwa ngocho. Eyi ikiko jila Ngwafwelela echi. Omu mukiko mujila Chatela kupwa, keshi mwomwo Ngwafwelela echi, mwomwo Eli linapu Lizu lya Kalunga.

<sup>62</sup> Jino kachi enu namutalisa mukuputuka, Lizu limwe, lipapilo limwe mu Mbimbiliya, mu Kuputuka 1, etu tunawane nge vyosena . . . Misongo yosena, ushona wosena wosena, michima yosena, na vyuma vyosena vize navikasoloka kuli vathu, ejile mwomwo *umwe* muthu kuzeneka kufwelela Lizu *limwe*, kulingisa echi. Chize chikiko chatete mu Mbimbiliya. Mu Mbimbiliya yamakumishilo, Kusoloka 22, Kalunga youmwe ngwenyi, “Wosena mwakambata Lizu limwe kulifumisa muli Echi, mokomoko kuhaka lizu limwe kuli Chize.” Talenu, chatela kupwa Lizu ha Lizu, mujila kaha Echi chili.

<sup>63</sup> Shikaho, shikangaho, kaha kumbata chuma chachindende nge omu Nguli nakuya . . . muthuumwe lwola lwosena kuya kuli yami hali mapwevo kuteula jikambu javo. Jino, kuli yami, kachi kaha mwalinga ngachize, Kangwalizakaminako wapwa mukakujila muka nalingi ngachize chipwe atachikiza ika, ikiye hannga napu wakuhenga. Ikiye kuvwala jiputula na uvwalo nge ngachize; Kangwalizakaminako kala mwosena ikiye mwalinga, nahase kwimba ngachilihi, nyi mwatangisa ngachilihi, kalamwosena ikiye nahase kulinga ngachize, muyachi uka wa kuyoya ayoya, hanga linapu Lizu limwe kulihokola. Talenu? Talenu, lyatela kupwa Lizu lyosena. Keshi kutanga; Lizu, Lizu limwe! Shikaho, eyi Mbimbiliya kayeshi kulumbununa chakupengeko. Chatela kupwa Lizu ha Lizu, mujila Echi vachisoneka. Etu twatela kufwelela Chize.

<sup>64</sup> Kaha keshi kufwelela kaha Echiko, oloze kuyoya Echi. Kachi etu katute kuyoya Echi, jino etu katweshi kufwelela Echiko; etu keshi kuanjika kaha nge tweji kulinga. Nge Ngwa . . . Kukundamina kunyima kuze Ngwahanjikile, vaze tumbaji kavahashile kulumbununa Chizeko, oloze vakiko kufwelela Echi, kalamwosena, kaha vakiko kulingisa kwitavila chavo kaha kuyoyelamo. Omu vaze vosena kutambuka nakufumako kufuma kuli Chize, vakiko vatwamine na Chize! Vakiko kufwelela Chize! Omu mukiko mujila etu tweji kulinganga. Omu mukiko mujila enu mwatela kulinga. Chipwethuhu kala muthu mwalinga ngachilihi, etu twafwelela Echi kaha jino etu tweji kuzatanga hali Chize. Kachi enu namuhona kuchilinga, kahajino enu kamwafwelela Echiko.

<sup>65</sup> Jino tachikizenu jino nge omu Ikiye ejile, Ikiye atela kwiza nge Mwana muthu, mwomwo Chisoneka cha Kujila ngwacho nge

Ikiye mwaya, “Kalunga mwaya nakukatula Kapolofweto kuli vakiko.” Shikaho Ikiye kahashile kwiza nakulivuluka Lyavene kupwa Mwana Kalunga ko, mwomwo kachapwile chisemunuino kanako. Ikiye apwilenga Mwana muthu kupolofweta, kuzalisa, kaha kusolola kuli vakiko vyuma vyosena vize vyatela kulingika, kaha chifwanyisa Ikiye apwilenga. Kahajino Ikiye apwilenga hano hamavu nge Mwana muthu.

<sup>66</sup> Tala hali uze pwevo wa Sulyafwenyisha alahile kuli Ikiye, kaha ngwenyi, “Ove Mwana Ndavichi, nguvwile keke!” Ikiye kahashile kukatula namba mutwe Wenyo. Ikiye kapwile nakumuvulukankanako hali Ikiye nge Mwana Ndavichi. Ikiye apwile Mukakamafuchi eka naeka.

Kuhambakana kala mwana wapwevo kuvuluka yami kupwa lunga lyenyi; mokomoko, pwevo lyami, kuvulunga mwana wapwevo. Ohonyi, ikiye napu mwanami wapwevo na pwevo lyami, ikiye napu mwanami wapwevo mu Mujimbu wamwaza. Oloze, mavu, ikiye keshi na lisesa lya kungusanyika yami kupwa—nge tata. Talenu?

Jino talisenu, uze pwevo wa Vakamafuchi eka naeka kapwile na kuvuluka hali Ikiye kupwa Mwana Ndavichiko. Oloze kapuputa Mbalachimeu wakapuputa, talenu, ikiye apwilenga ka Yuleya. Jino, Ikiye ejile nge Mwana muthu.

<sup>67</sup> Enu mwatela kutachikiza awa mazu na vyuma evi. Tala hali Hattie Wright luze lwola, omwo Kukoka cha Muchitatu. Enu anukenu echi. Vyuma vyosena, uze pwevo ambile ngwenyi chuma chakwoloka. Ove watela kuhanjika echi chakwoloka, chuma chakwoloka kuli Kalunga.

<sup>68</sup> Tachikizenu jino, Ikiye ejile chatete nge Kapolofweto, kaha vakiko vamusukikile Ikiye. Venyi Ivene vamusukikile Ikiye. Ikiye ejile nge Mwana muthu.

<sup>69</sup> Kahajino hanyima ya kwiza cha Shipilitu Wajila, Ikiye apwilenga jino Mwana Kalunga. Kalunga napu Shipilitu. Ikiye apwilenga Shipilitu Wajila, Mwana Kalunga. Ikiye ayoyele kuhichila muvisemunuino vya mauka nge Mwana Kalunga.

<sup>70</sup> Jino, mu Likombakaji, Ikiye mwakaya nakupwa Mwana Ndavichi, kutwama ha Litanda lya Ise, Ndavichi. Ikiye napu Mwana Ndavichi.

<sup>71</sup> Jino, kaha, anuka, mukachi ka Mwana Kalunga... Mu chisemunuino cha liuka lya Lauchiseya, vakiko vamuhakile Ikiye kuweluka. Kaha mu Luka, Ikiye ambile ngwenyi Ikiye mwaya nakulisolola cheka nge Mwana muthu, uze Kapolofweto, kuzalisa vyosena evi. Talenu? Vize Visoneka vyeji kukasanga mwakukupuka hamwe. Mwana muthu, Mwana Kalunga, Mwana Ndavichi. Chuma muka echi? Ali Kalunga youmwe lwola lwosena, shina kwalumuna chifwanyisa Chenyi kaha, *en morphe*. Ikiye eji kwalumunanga echi. Echi chinapu chisela chachinene kuli Ikiye. Ikiye ali nakuchilinga.

<sup>72</sup> Ikiye ejile nge Mwana muthu, Kapolofweto. Alingile vene. Numba uze wamundende wa pwevo mujishili jenyi, haze halishima, ikiye amutachikijile Ikiye. Ikiye ambile ngwenyi, “Etu tunatachikiza Meshiya ali nakwiza, uze vavuluka ngwavo Kulishitu, omu mukiko Ikiye mwakaya nakulinga.” Talenu, ikiye atachikijile mwomwo ikiye apwilenga Mbuto ya kutongola. Kahajino ikiye. . .

Kuze, vase vosena vahonene kutachikiza Echi. Vakiko kavapwilenga nachuma chamutachikiza nachoko. Vakiko vapwilenga mushili, hakuputuka.

<sup>73</sup> Mwomwo, ha vilinga Vyenyi, Ikiye eji kwalumunanga chifwanyisa Chenyi. Kahajino Ikiye ejile chifwanyisa cha Mwana muthu.

Mwomwo chisemunuino cha vakakutungulula, Wesley, Luther, na kushikumuka nakuhita, jino etu tunawane nge vakiko vali vakukashiwa, kupwa kaha nge omu valingile va Isalele, palanga omwo Ikiye mwakeza nakusoloka mumakumbi akumakumishilo, mu chisemunuino cha Pendekosita, nge Shipilitu Wajila, vakiko Vamukanyine. Vakiko valingile chuma chochimwe Isalele alingile.

Kaha chuma muka Ikiye alingile jino? Kindulukenu kupwa Mwana muthu. Kaha jino, kufuma kuli chize, Mwana Ndavichi. Talenu omu chinapandama etu tuli? Mwana muthu, Mwana Ndavichi, Mwana Kalunga. Ikiye vamusolwele mumakumbi akumakumishilo nge Mwana muthu, kutesekeza na Malaki 4, vyosena maupolofweto kupwa kuli eyi ola. Cheka kuzata na liuka hanyima ya Ikiye. . . Vakiko vamuhakile Ikiye kuweluka; kusali, kungongomweza kuchikolo. Vamwe vakutongola Mbuto muze, oloze. Ikiye atela kupwa muli vakiko.

<sup>74</sup> Kaha Kalunga, muli muthu, nalimwangila Lyavene. Yowele 2:28, etu tunawane, Ikiye ngwenyi, “Nanguya nakuhingununa, mumakumbi akumakumishilo, Shipilitu Yami.” Jino, kachi enu namutalisa eli lizu kuze, lizu lya Ngiliki. Ngunahase kupwa na echi chakuhenga, oloze umwe Ngunahase kuwana. . .

<sup>75</sup> Enu mwatela kutala ha mazu. Eyi Ingilishi lwolalumwe kulum bununa kukakasana. Chochimwe nge lizu etu natuhanjika, “kalunga.” “Kalunga atengele melu na mavu,” Kuputuka 1. Oloze jino, mu Mbimbiliya, Ngwayo, “Mukuputuka Elohim.” Jino, Elohim, kusanyika cha Ingilishi “kalunga,” oloze kachapwile ngochoko. . . *Elohim*. . . Kalachuma chinahase kupwa *kalunga*, ku lizu kalunga, ove unahase kupwa likombelo lya kalunga, enu munahase kulingisa kaze kalyalya kupwa kalunga, enu munahase kulingisa kalachuma kupwa kalunga.

<sup>76</sup> Oloze echi kacheshi ngochoko mu lizu *Elohim*. Kulumbununa, “uze Umwe wakulimanyina Umwe.” Talenu? Uze kalyalya keshi kupwa wakulimanyina, kwauchi nawa vakulimanyinako. Shikaho, eli lizu *Elohim* kulumbununa,

“Ikiye lwola lwosena ayoya.” *Kalunga* nahase kulumbununa kalachuma. Talenu chihandwa mu lizu?

<sup>77</sup> Jino, omwo Yahanjikile hano nge Ikiye *alimwangile* Lyavene, mokomoko *kulihingununa*, jino, etu natuya nakushinganyeka nge echi, nge Ikiye “kusaza,” mu lizu lya Ingilishi *upololongwa*, mokomoko *kuhingunuka* kufuma muli Ikiye, talenu, chumachimwe chafumine muli Ikiye chize chapwilenga chakuhandunuka kufuma kuli Ikiye. Oloze eli lizu lya *kenosis*, mu Chingiliki, kalyalumbununa nge Ikiye “kusaza,” mokomoko vamwe. . . Livoko lyami kufuma, mokomoko liso Lyenyi kufuma, muthu mukwavo.

<sup>78</sup> Chize chikiko, Ikiye alumwine Lyavene, Ikiye “alimwangile Lyavene nakwingila,” (Amena!), mu likishi likwavo, muchifwanyisa chikwavo. Keshi muthu wekako alovokele muli Ikiye, asanyikile Shipilitu Wajila, oloze Apwile Ikiye Lyavene. Enu munachivwushisa? Ikiye Lyavene alimwangile Lyavene muli vathu. “Kulishitu muli enu!” Omu chawaha, omu chawaha, kushinganyeka, Kalunga kuhingununa Lyavene muli muthu, muli mukakufwelela. “Kuhingununa!” Chapwile chihanda cha chisela Chenyi, kulinga ngocho.

Kalunga, kuzalilila chosena, Ukalunga wosena mujimba wapwile muli ou Muthu, Yesu Kulishitu. Ikiye apwilenga Kalunga, kaha Kalunga ukawenyi. Keshi muthu wamuchitatu mokomoko muthu wamuchivali, mokomoko muthu watete; oloze *uze* Muthu, Kalunga alifwikile mumujimba wanyama.

<sup>79</sup> Chimoteu Watete 3:16, “Chakuzeneka kulipika chachinene chinapu mangana akuswamana a kalunga; mwomwo K-a-l-u-n-g-a, Elohim,” sona jajinene K-a-l-u-n-g-a, mu Mbimbiliya. Kutalisa kunyima, kalamuthu. Echi kwinyika, mu kuputuka, Chahanjikile, “Elohim.” “Mukuputuka, Elohim.” Talenu? “Kaha, Elohim, chakuzeneka jipami mangana akuswamana a Elohim; mwomwo Elohim vamutengele nakupwa musonyi, kaha etu twamukwata Ikiye.” Elohim, alifwikile munyama yamuthu! Uze wamunene Yehova uze afwikile chihela chosena, lwola, kaha kwosena, vamulingishile kupwa muthu. Etu twamukwata Ikiye, Elohim. “Mukuputuka, Elohim. Kaha Elohim vamutengele nakupwa musonyi, atwamine mukachi ketu.”

<sup>80</sup> Ika? Eyi ikiko jila Yenye, chihanda cha chisela. Omu mukiko mujila Ikiye atela kulinga, jila Yenye kulisolola Lyavene kuli etu kupwa muthu wakuhandunuka. Etu twapwa vathu kaha, kaha Ikiye atachikiza ngachize. Kaha etu tuli kaha kwivwushisa nge muthu. Etu tuli kaha nakutachikiza chauthu. Etu tuli kaha nge kushinganyeka kuya kuli etu kutachikiza, kaha vosena kachi etu kupwa nakufwela ha lufwelela. Etu twatela kuhanjika nge kuli Kalunga; chipwe etu twamumono Ikiye, mokomoko nduma, etu twafwelela echi, kalamwosena. Talenu? Chipwe kuli mokomoko



nduma, etu hanga twafwelela echi mwomwo Kalunga ahanjikile ngocho.

<sup>81</sup> Nge Apalahama, keshi kuhasako kumona uze mwana walunga, keshi vinjikizo, kwauchi lijimo lya—lya Sala, chipwa kuya kuzuvo yikwavo mokomoko kalachuma, oloze Kalunga nahanjika ngachize. Vitalilo vyosena, numba ikiye—ikiye mujimo lyenyi kupwa wakufwa na kuyoya chenyi muli ikiye chayile, kaha na—na kalwiji wakuyoya chenyi kuma, kaha kuyoya chenyi—chenyi kuma muli ikiye. “Kaha ikiye katalyangilileko ha lushiko lwa Kalunga kuhichila mukuzeneka kufwelela, oloze apwile wakuzama, kuhana kwalisa, kutachikiza nge Kalunga apwile wakutela kuzata kalachuma Ikiye ahanjikile Ikiye mwaya nakulinga.”

Kuli jila etu twatela kufwelela eli Lizu lelo. Nachiya nakupwa ngachilihi? Ngunahono kutachikiza. Kalunga ngwenyi echi nachiya nakupwa mujila kana, kaha mukiko kaha.

<sup>82</sup> Hiya ou Muthu wamunene wakuzeneka kumona? Hiya Ou Apalahama amwene vimweno? Hazevene kusongo, chipwe, Ikiye alisolwele mumujimba, shimbu kanda mwana ezenga. Kalunga Lyavene ejile kuli Apalahama muchifwanyisa cha muthu, mulwola lwamakumishilo. Kusoloka! Ikiye amwene Ikiye mu Kumunyika chachindende lwola lumwe; ikiye amwene Ikiye mu vimweno; ikiye ewvile Lizu Lyenyi; kusoloka. Oloze shimbu kanda mwana walushiko, ikiye amumwene Ikiye muchifwanyisa cha muthu, kaha kuhanjika kuli Ikiye, kaha amulisa Ikiye kulya na kunwa. Talenu? Talisenu, Kalunga Lyavene alifwikile mumujimba wanyama.

<sup>83</sup> Echi chinapu chihanda cha jila Yenye. Eyi ikiko jila Ikiye alisolwelele Lyavene kuli etu, kusoloka Lizu lya Hayamyaka, Kalunga, Yehova alilingishile kupwa musonyi. Nge muli Mukakujila Yowano 1, “Mukuputuka kwapwilenga Lizu, kaha Lizu lyapwilenga na Kalunga, kaha va... Mukuputuka kwapwilenga Elohim, kaha Elohim apwile... ejile nakupwa Lizu, kaha Lizu apwilenga Elohim. Kaha Lizu lyapwilenga Elohim.” Talenu? Echi chinapu chuma chochimwe, kulivungununa.

<sup>84</sup> Nge vilinga, talenu, vili muli Kalunga. Vishinganyeka vinapu vishinganyeka vyove. Kalunga mukuputuka, Hayamyaka, Ikiye kapwile numba na Kalunga ko. Ikiye apwilenga Hayamyaka. Ikiye kapwile numba Kalunga ko; *Kalunga* napu “chuma chakulifukula,” mokomoko chumachimwe. Talenu? Shikaho Ikiye kapwilenga numba ngachize. Ikiye apwilenga Elohim, uze Hayamyaka. Oloze muli Ikiye mwapwilenga vishinganyeka. Ikiye tondele kwiza nakupwa na vyuma. Kaha chumamuka alingile Ikiye kulinga? Jino Ikiye kuhanjika eli Lizu, kaha eli Lizu kusoloka. Chize chikiko chifwanyisa chosena, kufuma ku Kuputuka mbwe naku Kusoloka. Kwauchi chuma chakuhenga.

Napu Elohim kusoloka Ikiye kupwa wakukwachiwa, kwivwa. Kaha mu Likombakaji, kuli Elohim natwame ha Litanda, talenu, echi chakwoloka, na mitwe Yenyi yosena hali Ikiye, nge Ikiye atongwele shimbu kanda kwala chihela cha kaye.

<sup>85</sup> Nge muthu wakutunga chimino mokomoko kutunga chimino, kutunga. Ize ngezo yatela kwimba mwakuhandunuka kufuma kweka. Vize vitungiso vyovimwe, oloze chikumanyi chikungo, shikaho chikumanyi chikungo, chikumanyi fwelu, mangana yihane chize “kuvuma.”

<sup>86</sup> Omu mukiko mujila Kalunga alingile. Ikiye azakaminyine ou umwe kuli uze umwe, kuli ou umwe kuli uze umwe, kuli ou umwe na mukwavo, palanga Ikiye ahetele vene muze Ikiye atondele. Omu mukiko Ikiye ejile nakushikumuka. Kalunga alifukununa Lyavene mu Panda ya mulangi wa Kakahya kuhita muli tupolofweto, kahajino muli Mwana Kalunga, uze, Ikiye apwilenga Kalunga. Talenu, ali Kalunga youmwe kuneha vene, kufuma ku kukupuka, kufuma mu upahu nakuya mu upahu. Omu mukiko mujila Liuka kuya.

<sup>87</sup> Talisenu, kuhichila muvisemunuino, mujila yoyimwe, ha tupolofweto Jenyi, Ikiye alisolwele Lyavene. Vakiko kavapwile vene tupolofwetoko, vakiko vapwile tulunga. Ikiye ahanjikile ngocho. Mwomwo, chuma vakiko vahanjikile ngwavo Lizu lya Kalunga. Vakiko vapwile nyama ize Kalunga apwile wakufwika. Vakiko vapwile tulunga. Yesu ngwenyi, Lyavene, ngwenyi, “Nauya ngachilihi nakungupaisa Yami omwo Nanguhanjika Yami Mwana Kalunga, kaha lushimbi lwove kuhanjika hali vakiko vaze kwijililenga nge omu vapwilenga tulunga?” Talenu?

<sup>88</sup> Shikaho apwile Kalunga atungile muli muthu kumuvuluka kupwa kapolofweto. Talenu? Kaha lize Lizu lya Mwata lyejile kuli ou lunga, shikaho kapwile kapolofweto ko; uze kapolofweto apwilenga lize lihina, oloze Lizu lyapwilenga Kalunga. Eli lizu lya muthu kalyeshi kulinga ngachizeko. Talenu omu Ngwatwale? Echi kacheshi kulinga mujila kanako. Oloze chochimwe chapwile Kalunga. Talenu, Ikiye apwilenga Lizu lya Kalunga muchifwanyisa cha muthu, vavuluka “muthu.”

Talisenu, Ikiye kalumukile chisemwa Chenyi, chifwanyisa Chenyi. Hepeleu 13:8, ngwenyi, “Ikiye youmwe zau, lelo, na hayamyaka.” Shikaho Ikiye kalumwine chisemwa Chenyi omwo Ikiye ejile. Ikiye lwola lwosena uze Kapolofweto, kushikumuka nakuhita muchisemunuino, chuma chochimwe: eli Lizu, eli Lizu, eli Lizu, eli Lizu. Talenu? Ikiye keshi kuhasa kwalumuna chisemwa Chenyi ko, oloze Ikiye alumwine chifwanyisa Chenyi. Hepeleu 13:8, ngwenyi, “Ikiye youmwe zau, lelo, na hayamyaka.” Ikiye alumwine kaha likishi Lyenyi.

<sup>89</sup> Nge omu Ngwalumwine kufuma kuli lunga, omwo mwanami mwasemuka, kahajino Yami tata. Omu muzukulu wami nasemuka, Yami kaka yenyi walunga. Talenu? Oloze, Kangweshi

kwalumuka; chize hanga—hanga yami. Talenu? (Kaha uze ikiye Kalunga.) Echi chili kaha Ngwalumwine yami. . . Talenu, echi chinapu kwalumuna chifwanyisa chove. Talenu?

Talisenu. Kaha chisemwa kwalumuka nakushikumuka kufuma namukweze walunga vupu, nakutwala kuli kashinakaji. Kaha hazevene, enu mwamono, enu munalumuka kaha kufuma muchifwanyisa.

<sup>90</sup> Jino, enu kamweshi kuhanjika mukweze wamundende kwimana hano, myaka sikisiteni yakusemuka, kuhanjika ikiye apwile kaka. Ikiye keshi kupwa. Chifwanyisa kupwa chakwalumuka. Myaka yayindende kwalumuna echi, jino ikiye kwiza nakupwa kaka yenyi. Talenu chumamuka Ngwatwale?

<sup>91</sup> Oloze ali Muthu youmwe lwola lwosena, Muthu youmwe, Kalunga lwola lwosena. Muli eyi jila Ikiye alisolwele Lyavene kuli vathu Jenyi, mukulinga echi. Tachikizenu, kuhita muchisemunuino cha Panda ya mulangi wa Kakahya, Ikiye alisolwele Lyavene kuli vathu Jenyi. Mu chisemunuino cha—cha Yesu, Ikiye alisolwele Lyavene kuli vathu Jenyi. Mu chisemunuino cha Shipilitu Wajila, nge Mwana Kalunga. Mwana Ndavichi. . . Ikiye lwola lwosena eji kusolola Lyavene mujila kana kuli vathu Jenyi, kulingisa vathu kumutachikiza Ikiye. Ikiye alifwikile kunyima ya chumachimwe, talisenu, mujila yoyimwe, mokomoko chisemwa chochimwe, lwola lwosena.

<sup>92</sup> Kalunga afwikile muli Yesu, kulinga mulimo wa kusokola ha kulusu. Kalunga keshi kuhasa kufwako, nge Shipilitu. Ikiye napu Hayamyaka. Oloze Ikiye atela kuhaka likishi na kulinga chihanda cha kufwa. Ikiye alingile kufwa, oloze Ikiye kahashile kuchilingako muchifwanyisa Chenyi cha Kalunga. Ikiye atelele kuchilinga muchifwanyisa cha Mwana, nge Mwana muthu, hano hamavu. Talenu? Ikiye atelele kupwa Mwana. Kahajino omwo Ikiye akindulukile mu Pendekosita, Ikiye apwilenga Mwana Kalunga cheka. Talenu omu Ngwatwale? Mbatenu chishinganyeka? Ikiye apwilenga. . .

<sup>93</sup> Ikiye atela kwiza mumusonyi wauthu, ku. . . kaha naumwe pimbi, chakuzeneka kufwila chausunda. Mwomwo chize chinenjikiza cheka mujimbu wa mbuto ya linoka, talenu, “usunda,” mukikovene usunda. Keshi maapoko; usunda! Echi chakwoloka. Chize chatela kupwa. Tachikizenu hano, talenu, hali kala muthu wamwaza. . . Tala hali vaze tupolofweto kunyima kuze, oloze Ikiye atelele kupwa kapolofweto chikuma. Talenu? Mangana kulinga ngachize, Ikiye kwiza nakupwa sanda, kusolola usanda kwinjikiza. . . Ikiye kupwa wakusemuka usanda, kumbata changu, chize miluwa Waulembe. Talenu chumamuka Ngwatwale? Shikaho, chatela kupwa usunda. Ikiye achinjikijile echi mu kwiza Chenyi Lyavene; Ikiye ejile keshi mukufwila chausundako, oloze kuhichila mukusemuka cha

sanda. Kaha Ikiye alumwine likishi Lyenyi kufuma kuli Yehova kuli Yesu, mangana kumbata kuzata chakuzata muchilota nge Ikiye apwile nakuzata, muli Kalunga hakulusu.

<sup>94</sup> Va Ngiliki vatondele kumumona Ikiye. Muli Mukakujila Yowano 12:20, enu vavavulu mvevwa lyehi yami kunangula hali chize kuhanjika, “Mwane, etu natuya nakumona Yesu.” Enu mwachitalisanga chize?

<sup>95</sup> Jino, va Ngiliki vapwile vakakutanga, vakiko vapwile malunga vavanene. Kaha vakiko vapwile na—vakiko vapwilenga na—na kwivwa chachinene cha Kalunga, nge omu Paulu anangwile kuli vakiko ha pili ya Mars. Kaha vakiko vapwile, vakiko—vakiko vamutwaminyine—vakiko vamutwaminyine kaye mu sayasi na—na kutanga, vakiko vapwile vathu vavanene. Oloze vakiko kulifukula kaha kufwelela muvishimo na vyangocho, mikanda ya kusoneka na kulenga, na vyangocho.

<sup>96</sup> Oloze vakiko—vakiko—vakiko kusungamo hali Muthu walunga Uze mukakuhindula misongo kaha kuhanjika vyuma vinasoloka, nakulinga. Kaha vakiko kusunga, shikaho vakiko kwiza nakumumona Ikiye. Jino, tala kanawa jino, kanda kujimbalisa echiko. Talenu? Kaha vakiko vejile kaha vakiko vahanjikile kuli Fwilipu, uze apwilenga ku Mbetesete-, “Mwane, etu natuya nakumona Yesu.” Kaha Fwilipu na tumbaji vakwavo vamunehela kuli Yesu, kumona Yesu.

<sup>97</sup> Jino talisenu mazu osena aze Yesu ahanjikile kukinduluka kulivakiko, mwomwo vakiko vejile nakumona Hiya Ikiye apwilenga, kaha vakiko kavahashile kumumona Ikiye ko. Vakiko vamwene chifwanyisa, oloze Ikiye apwilenga mu tembele Yenyi. Kalunga apwilenga mu tembele Yenyi, alifwikile mumujimba wa nyama. Tachikizenu mazu Ikiye ambile ngwenyi, “Kuvangila linona lya tiliku naliholokela hamavu, talenu, kaha kufwa, nalitwama ukawenyi.” Talenu? “Luze lwola kwiza, palanga washiwashi kupwa Mwana muthu kumutohwesa, talenu, kaha Ikiye atela kuhita kufuma hamavu. Kaha kwitavila ola kwiza, ove kanda uyenga nakupwa nakumona Echi.” Talenu?

<sup>98</sup> Hano, mwomwo vakiko kavahashile kumona Yesu? Ikiye alifwikile likishi. Kalunga apwile nalikishi. Va Ngiliki vatondele Kalunga, kaha hano Ikiye apwilenga, oloze vakiko kavahashile kumumona Ikiye mwomwo ya lihina ko. Kaha chize chikiko chuma chochimwe na lelo, vakiko kaveshi kuhasa kumumona Ikiye mwomwo ya lihina. Echi chili kumeso avo. Vaze va Ngiliki valifwikile, mokomoko Yesu apwile nalikishi kuli vaze va Ngiliki.

<sup>99</sup> Tachikizenu, Ikiye ahanjikile kuli vakiko, “Kuvangila linona lya tiliku naliholokela hamavu, litwama ukawenyi.”

<sup>100</sup> Vakiko, vakiko kavahashile kwivwushisa omwo, mwomwoika vakiko vahonene kumona Ikiye. Kuze kwemanyine muthu. Vakiko vejile nakumona Kalunga, kaha vakiko vamwene

muthu. Talenu? Vakiko kavahashile kumona Kalunga mwomwo Kalunga apwile wakufwika kuli vakiko. Jino lamenu chize vishinganyeka vyove, Kalunga apwile wakufwika muli muthu. Vakiko vanahase kuhanjika, “Naumwe muthu nahase kulinga eyi milimo kuvangila apwenga Kalunga. Naumwe muthu wakuchilinga wauchi, kaha omu tunema hano lunga kaha milimo ya Kalunga kusoloka kuhichila muli Ikiye!” Talenu, vakiko kavahashile kwivwushisa nge Kalunga apwile wakufwika.

<sup>101</sup> Ikiye alifwikile muli muthu, nge omu Ikiye lwola lwosena apwilenga wakufwika. Oloze, Ikiye apwile wakufwika kuli vakiko, Ikiye apwilenga mu tembele Yenye. Kalunga apwilenga mutembele ya muthu. Jino, pwenu vakuvanguluka, jino Ikiye apwa youmwe zau, lelo, na hayamyaka. Talenu? Kalunga alifwikile, kulisweka Lyavene kufuma kukaye, alifwikile muli muthu. Talenu? Hano hapwilenga Kalunga! Vaze va Greeks ngwavo, “Etu tunahase kumumona Ikiye.”

<sup>102</sup> Kaha Yesu ngwenyi, “Linona lya tiliku lyatela kuholoka na kufwa.” Ove watela kufwa kuvishinganyeka vyenu. Ove watela kulovoka muvishinganyeka vyove.

Nge vaze tumbaji vapwile, vakiko kavahashile kulumbununa ha kulya mujimba Wenyi na—na kunwa Manyinga Eyi, oloze, talenu, vakiko vafwile kuvyuma kana. Vakiko vapwile vakufwa ku Jishimbi, vakiko vapwile vakufwa kuli Kulishitu. Chipwethuhu chumamuka chili, mokomoko omu chinapu chakuhonesa kusoloka nge Ikiye kupwa, vakiko hanga kufwelela Echi mwosena. Talenu? Vakiko tunahase kumona uze Lunga; uze Lunga uze alile, kunwa, kuta ishi, kusavala, vyumavimwe nawa, apwilenga wakusemuka hano hamavu, kaha atambukile navo, kuhanjika navo, kuvwala uvwalo nge vosena, oloze uze apwilenga Kalunga.

<sup>103</sup> Shikaho va Ngiliki kavahashile kumumona Ikiye ko, mwomwo Ikiye apwile wakuswama kufuma kuli vakiko, muli muthu. Tachikizenu Lizu Lyenyi kuli vakiko, “Kuvangila linona lya tiliku naliholokela hamavu.”

<sup>104</sup> Kalunga afwikile muchifwanyisa cha muthu, kulisweka Lyavene kufuma kumeso avo. Vakiko vanahase kaha kumona muthu. Oloze vaze Kutongola kumona Kalunga. Umwe amwene muthu, mukwavo umwe amwene Kalunga. Talenu? Kaha apwilenga Kalunga kulifwika muuthu, kupwa hamwe mwakwoloka, oloze lufwelelo muli chize chuma ove unahono kumona. Enu mwafwelela echi, mwosena omwo. Kalunga alifwikile muli muthu. Ikiye apwilenga mumusonyi, kaha nyama yapwile lihina Lyenyi. Lize lihina lyapulikile, talenu, nge Kalunga nahase kusoloka.

<sup>105</sup> Mu Tesitamende Yamwaka, Kalunga apwile wakusweka omwo Ikiye apwilenga ha chitwamo Chenyi; ha chitwamo cha

keke, ha lihina. Mu Tesitamende Yamwaka, Kalunga apwilenga mu tembele Yenyi. Oloze vathu vejile nakwingila na kulifukula nge ngana, oloze, anuka, kuze kwapwilenga lihina (amena) chize chakusweka Kalunga. Vakiko vatachikijile Kalunga apwile kuze. Vakiko kavahashile kumumona Ikiye ko. Ize Panda ya mulangi wa Kakahya kayasolokele chekako kuze. Enu munatachikiza? Kakweshi numba lwola lumwe mu Chisoneka, kufuma mulwola luze ize Panda ya mulangi wa Kakahya yayile kunyima ya lihina, chize Echi kusoloka cheka, palanga Echi kwiza nakufuma kuli Yesu Kulishitu. Kalunga apwilenga wakulifwika!

<sup>106</sup> Omwo Ikiye emanyine hamavu, Ikiye ngwenyi, “Ngwafuma kuli Kalunga kaha Nanguya kuli Kalunga.”

<sup>107</sup> Kahajino Paulu, (hanyima ya kufwa Chenyi, kufunda, na kusanguka), mujila yakuya ku Ndamashiku, kuze kwapwilenga ize Panda ya mulangi wa Kakahya cheka. Chuma muka Echi? Kufuma kunyima ya lihina! Upahu kuli Kalunga!

<sup>108</sup> Ikiye apwilenga kunyima ya lihina. Jino Ikiye apwilenga kunyima ya chumamuka? Lihina lya chikova. Talenu, “chikova cha chipupi,” kunyima ya lihina. Kaha omwo lize lihina yapulikile lize likumbi lya kusukika, lize lihina lize Ikiye apwile wakujingilika lize likumbi lya kusukika, chitwamo cha keke chosena chejile nakusoloka.

<sup>109</sup> Jino, va Yuleya kavahashile kwivwushisa omwo Kalunga nahase kupwa na keke hali mukashili, vathu vakulyonga nge omu tuli. Oloze vakiko kavahashile kumona ou Umwe Uze apwile nakuhana keke, mwomwo Ikiye apwile wakusweka. Ikiye apwilenga kunyima ya chitwamo cha keke, mukachi, na chitanda chachipi kusukama hamavu, kufwika Ikiye. Shimbu kanda . . .

<sup>110</sup> Shimbu kanda, kachi kala muthu atambukile kunyima ya lihina, chapwile kaha kufwa. Amena. Mamalelo, etu natuya nakulinangula hano mu munyutu, talenu, kachi enu munahase—enu munahase kutambula Echi. Kutambuka kunyima ya chize chikova . . . Numba umwe wa vana va tupilishitu kweseka kulinga lwola lumwe, kaha kufwa. “Kanda kuya kunyima ya lihinako.” Uze lunga atambukile kunyima . . . Mwomwoika? Kakwapwile kusokokako, muli chize. Echi chapwile vene. Echi chapwile chuma chivene. Kaha kalachuma kupwa *chivene* kupwa chumachivene, talenu, kupwa kaha chuma chivene. Echi chapwilenga kusokoka . . . Shili yapwilenga yakufwika, keshi yakujima, . . . kujimangana, kuhonesa, keshi kujimangana. *Kujimangana* ili “kulukulula na kufumisako.” Kaha shikaho manyinga ava mikoko na pembe kahashile kulinga ngachizeko, shikaho Yehova apwile wakusweka kunyima ya lihina. Jino, kunyima ya lihina kuze Ikiye apwile wakusweka, kwingila muli chize, muthu aholokele, kweseka kwingila muli Chize.

111 Oloze kufuma ha Pendekosita, kufuma Mukusukika, omu chize chiuva chafuma helu na kufwa, ha chisemunuino . . . Yesu apwilenga Kalunga, wakulifwika. Kaha omwo Ikiye afwile ha Kavali, Kalunga atumine kakahya na miveso, kaha kupula lize lihina kufuma kwishi, chize chitwamo cha keke chapwile hatoma to. Oloze vakiko vapwile tupuputa kumona Chize. Nge omu ahanjikile Mose hano, chipwe, mokomoko . . . Paulu ngwenyi, kutanga cha Mose, “Omwo Mose atangile, oloze, lize lihina hanga lili mumuchima wavo.” Mamalelo, ndumbu walunga, ndumbu wapwevo, omu mukiko va Yuleya valingile omwo lize lihina lyapulikile kaha kuneha Kalunga hatoma to, kusukama haze ha kulusu. Ikiye apwile hatoma to, oloze vakiko kavahashile kumonako Chizeko.

112 Chinahase kupwa chachashi nge Vakamafuchi eka na eka vanalingi chuma chochimwe? Ove Kalunga! Omwo vakiko vapwile na chisemunuino cha liuka, cha Mwana Kalunga; oloze omwo jino lize lihina lya vikungulwilo na vyuma, eli lihina lya chisemwa nge etu tukwechi kufuma ku Pendekosita, omu vize visemwa vya liuka vanavipulu, vyuma vize vathu vahanjikile, “makumbi a vikomwesa ahita lyehi, kaha vize vyuma,” kaha Kalunga ambachile lihina lyakufuma kuli Chize, kaha kuneha Echi hatoma to, kaha vakiko vapwilenga vakulizanga kusukika Echi cheka, kupwa kaha vene.

113 Uze Kalunga wakulifukununa, hatoma to, vakiko kachi vamumwene Ikiye kwimana kuze. Ohonyi Ikiye apwilenga wamwaza chikuma, Ikiye apwilenga muthu kaha. Vakiko kavahashile kumona Chizeko. Talenu, kuze kwemanyine muthu. “Chamwaza,” vakiko vambile ngwavo, “ou mukweze, shikola muka Ikiye ejile nakufuma?” Oloze, anuka, omwo lize likunga lyavetele mujimba Wenyi, nge Shipilitu amusele Ikiye, ze tembele . . . ize milambu’ kuinga nakufumako, kaha miveso kihita muze mutembele kaha kupula lize lihina. Chuma muka echi? Kuze kwapwilenga Kalunga kavo kusukama ha Kavali, kaha vakiko vapwile tupuputa kumona chize.

114 Amunehela Ikiye mukusokoloka, kaha hanga vakiko kaveshi nakumonako Echi! Vakiko vali tupuputa. Kalunga, alifwikile muli muthu!

115 Enu anukenu, Ikiye akindulukile kuli Paulu hanyima yachize, kaha kuli Petulu mukamenga, nge Panda ya mulangi wa Kakahya. Anuka chize?

116 Oloze mumakumbi akumakumishilo Ikiye atelele kukinduluka cheka, oloze Panda ya mulangi wa Kakahya yatela kwiza cheka nakusoloka Mwana muthu, talenu, kusolola Lizu, Kumunyika. Vize visemwa, vinapunga, navikaya nakufumako. Kuze kwakweshi chuma chakuyanjisa Echiko; echi chili nakuya nakulingika, kalamwosena Omwo. Kalunga kuvipula kaha vize visemunino kaha visemwa kushikumuka.

Muyachi wa Shipilitu muka Ikiye mwaya nakulinga na echi? Nge omu Ikiye alingile muchihela chatete. Tala chuma Ikiye alingile mumakumbi a Elija, mumakumbi a Yowano. “Kanda kushinganyeka kuhanjika mukachi kenu enu vavene ‘pwenu na Apalahama kuli tata,’ mwomwo Kalunga ali wakutela kufumisa kuli awa malolwa kukatula vana va Apalahama.” Talenu? Kanda kushinganyeka, “Mwomwo, Ngwapandama kuli *echi* kaha Ngwapandama kuli *chize*.” Talenu? Kalunga kupula lize lihina, talenu, kusolola Hiya Ikiye ali. Talenu, tala lihina omwo lyapulikile hano jino, etu tunawane jino.

<sup>117</sup> Jino, kaha lwola lumwe, kachi muthu kutambuka nakuhita lize lihina, chapwile kufwa kaha. Jino chapwile kufwa keshi keshi kuhita Chize! Amena. Kachi enu kamweshi kuhasa kuhokola lize lihina lya chisemwa, kuhokola kuhichila mumbango ya vikungulwilo, kumona Kalunga mu ngolo Jenyi, chinapu kufwa. Lwolalumwe chapwilenga kufwa kuya nakwingilamo, jino chinapu kufwa kuhona kwingilamo. Ize Chitwamo cha Keke yosena yinatwame hatoma to, kalamuthu nahase kumona Echi, lize lihina linapulikile. Upahu kuli Kalunga! Chitwamo cha Keke chosena kwiza nakupwa hatoma.

<sup>118</sup> Omu Kalunga ahashilenga kwivwa keke hali vakashili nge etu, omu Ikiye aliswekele Lyavene, chapwilenga mangana akusweka. Kaha jino Echi chili hatoma to, mokomoko mumeso, kusolola ha Lizu Lyenyi. Echi chapwilenga lwolawosena kupwa Lizu, kutwillaho, uze napu Kalunga. Eli linapu Lizu lize linasokolola. Kachi vaze vathu vatachikijile Lizu lya Kalunga lize likumbi omwo Yesu afwile, vakiko kachi vamwene Chitwamo cha Keke, vakiko kachi vamwene Hiya Ikiye apwilenga.

<sup>119</sup> “Hiya Chize jino? Mwomwoika lize lihina lyapulikile?” Anuka, yapwile kufwa nakwingila muli Chize. Naumwe pimbi ahashile kumona Chize. Mose amwene Chize muchifwanyisa, Chapwilenga kakundukundu...chapwile nge—nge nyima ya Muthu. Chamwaza, hano Echi chili, kuhita manyinga munyima, uze Lunga youmwe! Chuma muka Echi? Kalunga atondele kuvalweza vakiko Chitwamo cha Keke. Kalunga atondele kuvalwekesa vakiko Hiya. Shikaho lize lihina muze mutembele, kufuma mulivoko lya Kalunga, helu, lyapwile lyakupulika kufuma helu mbwe nakwishi, kaha kusolwesa Kalunga hatoma to. Apwilenga Yesu Kulishitu kusukama haze ha kulusu, chitwamo cha Keke. Kaha chuma muka echi? Vaze vathu vapwile tupuputa kumona Chize.

<sup>120</sup> Jino echi chineza cheka, visemwa vyavo! Omwo, kahajino, ha Likumbi lya Pendekosita, eli Lizu lyejile kaha apwilenga muchifwanyisa cha “Mwana Kalunga.” Kaha vakiko kuputuka kulivwasana mu Nicaea, Loma. Kaha, chuma chatete, vakiko vayile ku Mesondisiti, Mbaputishiti, Pulishiteliyani,



Pendekosita, na vyangocho. Chapwle visemwa vyakulivwasana palanga muthu kuhona kutachikiza halihi ikiye nemana.

Oloze, upahu kuli Kalunga, Ikiye ashikile mumakumbi akumakumishilo Ikiye mwaya nakulinga. Ikiye mwaya nakusolola Lizu Lyenyi hatoma to, sokolola kumeso etu cheka, talenu, kusokolola Echi.

<sup>121</sup> Kachi vakiko vatachikijile eli Lizu, vakiko kachi vatachikijile Yesu apwile Hiya. Kachi muthu atachikijile kaha Lizu Iya Kalunga, ikiye kachi atachikijile ola eyi etu tuli nakuyoyelamo kaha chumamuka chili nakulingika. Vakiko kukana kwivwulila ku Lizu. Visemwa vyavo! Chuma muka chava Yuleya kumona chize? Chumamuka? Kusoloka nge vakiko vahashile vene kumona, mwomwo chuma chapwile chakusokoloka. Chapwilenga wakupulika chikupu ha pungu kana.

<sup>122</sup> Kuhuizumuka chiliko jino? Nachifukila muka? Navachikisula ngachilihi? Kangwalizakaminako vakakulifwanyisa vanagahi, mokomoko kalchuma nawa, chize katweshi... Omu Mose ayile, kuze kwapwilenga lizavu lyakulifutula na ikiye. Oloze chumamuka chalingikile? Ali Yehova Lyavene kumbata lihina kufuma kuli Kalunga, kusolola chihandwa mukachi ka kwoloka na kuhenga. Hiya, Mesondisiti, Mbaputishiti, Pulishiteliyani, mokomoko hiya ali wakwoloka? Lizu Iya Kalunga lili Iya kwoloka! “Echa kala lizu Iya muthu lipwenga Iya makuli, kaha Lyami Muchano.” Kalunga katondele mukakulumbununako. Ikiye eji kulilumbununa Ivene. Ikiye alisolwelele Echi, kaha... cheji kuhana kulumbununa. Kalunga wakuzeneka kulifukununa Lyavene. Mamaah, yami! Mukachi ketu, etu twamono livoko Lyenyi lyalinene kulweka vyuma evi, kulinga vyuma evi.

<sup>123</sup> Ukwechi chumachimwe hali uze ufuku, talenu, omu kutala ha livoko Iya Kalunga, chuma Echi chalingika, omu Echi chili nakulivungununa. Talenu?

<sup>124</sup> Kaha vathu ngwavo, “Mamalelo, Chize chinapu chakuzeneka mangana. Chize chikiko kuzaluka. Kakweshi chuma chimwe kuli Chize. Chize chinapu chakuzeneka mangana. Uze Mbulezembule. Uze liyavolo. Uze mukakutahisa. Uze *ngana*.” Talenu, chuma chochimwe vakiko vahanjikile hali Ikiye.

<sup>125</sup> Ove liuka, kaha kachi eyi tepu nayiya nakulovoka, kaweshi nakumonako, vakakuzata vamu Mujimbu wamwaza, uli nakuyoya kulihi? Kamweshi kuhasa kumona ola ize etu tuli nakwingila? Kalunga, kulisolola Lyavene, kutwama kusali... Tala, Ikiye ambachile lize tembele na kuyipula muvihanda vihanda, mangana vakiko vahase kumona Kalunga hatoma to, kaha vakiko vapwile nawa tupuputa kumona Echi. Kaha Ikiye nalingi chuma chochimwe na lelo, kuhaka Lizu Lyenyi hazevene

kulutwe, chuma Ikiye ashikile. Kala lushiko luli mu Lizu, lulimo kumeso etu, luli hatoma to!

<sup>126</sup> Munatachikiza omwo liuka lya Vakamafuchi eka na eka kulinga? Chuma chochimwe liuka lya Yuleya valingile, nawa kapuputa kumona Chize. Mukiko kaha. Nachiya nakupwa mumichima yavo nge omu chapwile muli lize likumbi.

<sup>127</sup> Talisenu, kufwa, kutwama nakufuma kuli Echi jino. Enu mwatela kuya muli Echi kuhichila muli eli lihina, mokomoko enu kamweshi kuhasako. Omu Kalunga apwile na keke hali vakiko, oloze anuka chuma muka chapwilenga, chize kusoloka cha Kalunga chapwile kunyima ya lihina. Tala chuma muka chapwile kunyima ya lihina, lize Lizu! Chuma muka chalingikile? Eli Lizu! Chuma muka echi? Echi chili muwato. Lize lyapwile Lizu lize lihina lize lyaswekele. Talenu? Kaha Yesu apwilenga lize Lizu, kaha Ikiye napu lize Lizu, kaha lihina lya nyama Yenye lyaswekele Echi.

<sup>128</sup> Kaha lelo lihina lya chisemwa lyeji kusweka Lizu cheka, kuhanjika, “Echi kacheshi ngochoko.” Oloze Echi chili ngocho! Kalunga kwambulula Echi, kutohwesa Lyavene kupwa utoma nge musana, kumeso avosena, kaha vakiko kuhona kumona Chize. Kalunga, atutetele kuli etu.

<sup>129</sup> Muchifwanyisa, Mose ejile kufuma Kumeso a Kalunga, na Lizu lya Kalunga lya chize chisemunuino. Jino tala, etu tuli jino mu Kulovoka 19. Kanda kujimbalisa echi jino. Kulovoka 19, Mose ali nakwiza kufuma Kumeso a Kalunga, mokomoko 20 na 21, 19:20 na 21. Mose ali nakwiza kufuma Kumeso a Kalunga. Ikiye napunga mu Lizu. Eli Lizu vanalisoneka. Kaha ikiye, Kumeso a Kalunga, na Lizu, ikiye apwilenga na Lizu lya chize chisemunuino. Kuli Lizu lya chisemunuino. Kaha Mose ejile nakulovoka, meso eyi amwinyikile shikaho! Talenu? Eli Lizu lyapwilenga muli ikiye, wakulizanga kusoloka, kuhana kuli vathu.

<sup>130</sup> Eli Lizu lya muchano, Kalunga asonekele Echi, kaha Apwilenga na Mose. Tachikizenu, Lyapwilenga na Mose kaha apwile wakulizanga kusoloka. Ikiye apwilenga lize Lizu kuli vakiko, ikiye apwilenga Lizu lya kuyoya, kulisweka. Alifwikile lyavene, Mose alihakile lihina kumeso eyi. Mwomwoika? Ikiye apwilenga lize Lizu. Amena. Palanga lize Lizu kulitachikiza, Mose apwilenga na lhina lyavene. Amena!

Mwamono0 Echi? Kwosena kuloi Lizu, Lyapwilenga lyakufwika.

<sup>131</sup> Mose apwile na Lizu. Jino anuka, hanyima ya Lizu vali solokele, Mose apwilenga Mose cheka. Talenu? Oloze shimbu lize Lizu vali muli ikiye nakumuhana, ikiye apwilenga Kalunga; chamwaza, ikiye kapwile Mose ko chekako. Ikiye apwilenga na Lizu lya Mwata lya chize chisemunuino. Kakweshi chuma chinahase kumukwata ikiye palanga chize chapwilenga kuze;

chapwile na lize Lizu na ikiye. Shikaho, shikangaho, omwo ikiye ejile, vathu kwalumuna mitwe yavo; vakiko kavahashile kwivwushisa. Vakiko vapwile vakwalumuka. Ikiye apwile mukweze wakuhandunuka. Ikiye ejile na lize Lizu. “Kaha ikiye ahakile lihina,” eyi Mbimbiliya ngwayo, “kumeso eyi,” mwomwo ikiye apwilenga na Lizu. Kaha ikiye apwilenga lize Lizu kuli vakiko.

<sup>132</sup> Jino tala, kachi Mose. . . Ove ndumbu walunga, hano hali nakuya nakupwa wakasautu. Oloze kachi Mose. . . Nge omu ahanjikile Paulu hano mu Kolinde Wamuchivali, kapetulu 3. Kachi Mose apwilenga na lihina kumeso eyi na muyachi wa Upahu hali ikiye. . . talenu, mwomwo uze wapwilenga upahu wakumujimba, luze lukiko lushimbi lwashisemwa. Kaha kachi Mose, kutachikiza nge luze lushimbi lwatelele nakunonga, oloze uze Upahu wapwilenga waunene uze wafwikile na vathu, shikaho vakiko vahakile lihina kumeso eyi, nachikapwa ngachilihi na Uze? Upupututa wavathu wamushipilitu! Hu-huu. Uze upahu wapwile nakuhita, oloze ou Upahu kaweshi kuhitako. Talenu? Mose apwilenga na jishimbi jauthu, jakupaisa, likoji lyauchi, kwauchi chuma; shina kupaisa kaha. Oloze Ou uli nakuhanjikaho. . . Uze ukwechi kukonekela, uze ngwamilwekanga. Echi kumihana enu jila yakulovokela.

<sup>133</sup> Kaha omu lize Lizu kupwa lyakufukunuka, mamalelo, yami, kumeso muka Nachiya nakupwa? Echi nachiya kupwa nakufwika. Echi chatela kupwa chakufwika. Jino tachikizenu. Shikaho Shipilitu alifwikile mu tembele ya muthu, talenu, Ikiye kuhanjika mazu achisemwa na lihina lya chisemwa.

<sup>134</sup> Jino, Paulu kuhanjika hano jino, kaha muli echi—echi chishinganyeka, eli Lizu lya Shipilitu, “Etu twapwa vakakuzata, keshi va mukandako, lushimbi; oloze kupwa vakakuzata vamu Shipilitu,” nge Shipilitu kupwa nakusoneka na kusoloka Echi.

<sup>135</sup> Luze lwapwile lushimbi, enu mwatela kutala hali chize, kuhanjika, “Ove kaweshi kulinga ujilako. Ove kaweshi kukevwako. Ove kaweshi kulyongako. Ove kaweshi kulinga *echi, chize*, mokomoko *chikwavo*.” Talenu? Ove watela kutala hali chize.

<sup>136</sup> Oloze eyi yinapu Shipilitu yeji kwizanga ha Lizu lya lushiko *lwa* chino chisemunuino, na kuneha kusoloka na kusoloka, keshi jimesa jivali ja lilolwako, oloze Kupwa Kalunga wakuyoya. Keshi vishimoko kushinganyeka muthuumwe kupwa, mokomoko vamwe Houdini, mungalato; oloze lushiko lwa Kalunga kusoloka na kusoloka kumeso etu. Lihina lyamuyachi muka lyapwile kunyina? Kaha na—na kujimbalisa ngachize. . .

<sup>137</sup> Talenu, chize chapwile chachinene palanga nomu vathu ngwavo, vakiko vambile ngwavo omwo vakiko vamwene Yehova kwiza nakushikumuka mu Panda ya mulangi wa Kakahya, kaha aputukile kunyikisa mavu, kaha—kaha vyuma Ikiye alingile,

kaha pili hakakahya. Kaha numba kachi kalamuthu kweseka kuya kuze kupili, kunonga. Echi chapwilenga chachinene chikuma palanga numba Mose kwivwa uze mundenda. Kahajino, kachi luze lwola Ikiye anyikishile pili, lwola luno Ikiye mwakaya nakunyikisa melu na mavu.

<sup>138</sup> Ngachilihi hali Ou Upahu? Kachi chize chapwilenga chakufwika ha lihina lya chisemwa, echi chili vene... chakufwika ha lihina lya mushipilitu. Shikaho kanda kweseka kutala ha chisemwa; kuhokola mu Shipilitu na kutala okwo uli, talenu ola muka etu tuli nakuyoyelamo.

<sup>139</sup> Kumana Echi kupwa namangana kul enu? Talenu, Eli linapu lihina lya mushipilitu hali vaze vathu, kuhanjika, “Yami ngwapwa ka Mesondisiti. Ngwapwa wamwaza nge kala muthu. Ngwapwa ka Mbaputishiti. Kaha Ngwapwa ka Pendekosita.” Kamwatachikijile echi, nge linapu lihina lya chisemwa? Lili nakusweka Kalunga kufuma kuli enu. Chize chikiko chuma chize chili nakumihonesa enu kupwa na kuwahilila. . .

Mamalelo, enu ngwenu, “Ngweji kutambakananga na kutumbuka helu na hamavu.”

<sup>140</sup> Ikiye ngwenyi, “Kala Lizu!” Eva afwelelele kala Lizu oloze umwe. Talenu? Eli linapu Lizu lya kuzala cha Kalunga, lushiko lwa ino ola lunasoloka. Talenu?

<sup>141</sup> Talisenu jino nge etu kutwalilaho. Ngukwechi vyakulisala hano vyakuhanjikaho, oloze Ngukwechi pamo papailo twende, oloze echi . . . cha—cha visoneka, oloze Kangweshi—Kangweshi kuhanjika hali vakiko vosenka ko. Talenu, Nanguya nakuzangula.

<sup>142</sup> Ikiye ali wakufwika na lihina shimbu kanda ikiye ahase kuhanjika eli Lizu kuli vathu. Jino, Kalunga atela lihina Ivene, nge omu Ikiye ashikile, mumujimba wanyama. Kalunga! Enu munachivwushisa Echi? Kalunga atela kulifwika Lyavene munyama, kaha kuhaka lihina lyaushipilitu hali vakiko, (kuhanjika, “Chamwaza, Yami *echi* kaha Yami *uze*”), mangana kuhanjika kuli vathu. Omu lize lihina, lize linapu lihina lya chisemwa, kupula muvhanda, jino. . . chize chumamuka vakiko vahanjikile, “Mwomwoika, makumbi avikomwesa ahita lyehi.”

<sup>143</sup> Mukweze umwe ahanjikile kuli yami likumbi likwavo, nge—nge mukakunangula wamundende wamu Mbaputishiti kuze, kwiza kuli yami, Ndumbu walunga Green, kaha ikiye ngwenyi, “Ndumbu walunga Branham, hano hakiko hali chuma chimwe Ngunakufumbukila ove.” Ikiye ngwenyi, “Ove uli nakweseka kulingisa vathu. . .” Echi vachilingile mu Ramada Inn, omu etu kupwa nakuliwana kuze. Ngwenyi, “Ove uli nakweseka kulingisa vathu kufwelela muchisemunuino cha chipositolo, kuyoya lelo nge vakiko vapwilenga mu chisemunuino cha chipositolo.” Ambale ngwenyi, “Chisemunuino cha chipositolo chakumine na vapositolo.”

Ngwambile ngwami, “Chalingile?”

“Yaah.”

Ngwambile ngwami, “Hiya apwile mutoloki muze muchisemunuino cha chipositolo?”

Ikiye ngwenyi, “Vaze likumi navavali muze mukapete kahelu.”

<sup>144</sup> Ngwambile ngwami, “Jino Paulu alovokelemo.” Ngwambile ngwami, “Mutoloki apwilenga Petulu. Kaha Petulu ambile ngwenyi, ha Likumbi lya Pendekosita, omwo vakiko vamwene vyosena evi kuya, kaha Shipilitu Wajila kuzata, ikiye ngwenyi, ‘Luze lushiko luli kuli enu, na kuli vana venu, kaha kuli vaze vali kwakusuku, veshovo mwasanyika Yehova Kalunga ketu kwiza kuli ikiye.’ Kachi Ikiye hanga ali nakusanyika, kahajino Chuma chochimwe chili hano. Omwo chisemunuino cha chipositolo chakumine jino? Chize chisemunuino cha upositolo chakuma omu Kalunga echa kusanyika.” Ikiye kanda ahanjike chuma kana oloze ambachile litepa lyenyi kaha kutambuka nakuya.’

<sup>145</sup> Nachitondeka Lizu kulinga echi. Eli linapu Lizu. Yesu amulwekele Satana, “Echi vachisoneka.” Talenu? Mukiko kaha, “Echi vachisoneka.”

<sup>146</sup> Ngwambile ngwami, “Petulu ambile ngwenyi kacheshi kakumako. Kuli vosena vaze mwakasanyika Mwata, echi Kukisula chapwa chavo. Jino enu ngwenu, ‘Ikiye emanyine.’ Omwo?”

“Kwauchi ulembe walingikile?”

Ngwambile ngwami, “Nduma, mwane, keshi chindendeko. Yako kulutwe.” Huu-hu. Haze vene. Talenu?

<sup>147</sup> Petulu ambile ngwenyi chapwa cha vosena Kalunga mwakaya nakusanyika, mwakaya nakutambula Kukisula chochimwe cha upositolo. Chize—chize chinapu Lizu lya Mwata. Talenu?

<sup>148</sup> Jino lihina lya chisemwa. Kalunga, eli Lizu, lyafwikile mumujimba wanyama. Chuma muka echi? Kalunga apwile wakufwika muli Mose. Kalunga apwilenga muli Mose, alifwikile, kaha Kupwa cha Kalunga chapwile muli ikiye. Ikiye apwile wakukupuka na lize Lizu muli ikiye nge ngachize, palanga nomu ikiye apwilenga na lihina lyenyi. Kaha apwile kapolofweto wakwinjikiza uze afukunuine lize Lizu nakuvalweka, “Ove kawatela! Ove mukaya! Kaha ove kaweshi!” Talenu?

<sup>149</sup> Kuhana Lizu Lyenyi kuli chize chisemunuino, Ikiye alifwikile Lyavene kupwa muthu, mokomoko eli Lizu kachi kalyvelavishile navaze vakusanyika. Talenu? Numba vathu vaze vapwile kuze, vakiko kavahashile kwimana kumona chizeko. Mu—mu Kulovoka etu tunawane nge, vakiko ngwavo, “Echa Mose kuhanjika, keshi Kalunga ko.” Talenu mwomwoika eyi Panda ya mulangi wa Kakahya kayasoloka chikumako? Talenu?

<sup>150</sup> Kalunga ambile ngwenyi, “Ngwa—Ngwa—Nanguya nakulinga ngachize. Nanguya nakuvasangula Kapolofweto.” Amena! “Nanguya nakuvasangula umwe.” Kaha Ikiye ejile vene. “Nanguya nakukatuka, kaha Ikiye mwaya nakupwa, nakupwa Lizu.”

<sup>151</sup> Ikiye ambile ngwenyi, “Kachi vakiko vanatondo kumona lize Lizu lili. . .” Ambile ngwenyi, “Jino, Mose, Ngunalisolola kuli enu kuze, chiputa kuwema.” Ambile ngwenyi, “Nguli nakuya na kwiza nakushikumuka kaha kutwama kuze kupili yakakahya.” Ambile ngwenyi, “Vakiko navakaya nakumona nge ove unalweke muchano. Nanguya nakusoloka hano mu—mu—mu jila yoyimwe yakuwema. Nanguya nakusoloka hano na kwinjikiza kuli vathu, Nanguya nakwinjikiza mulimo wove.” Omu mukiko Ikiye amulwekele Mose hano, shikaho mazu amavulu.

<sup>152</sup> Tachikizenu, Ikiye ngwenyi, “Jino Nguli nakuya ku—Nguli nakuya nakutohwesa kumeso avathu.” Ambile ngwenyi, “Jino, ove wawalwezele vakiko nge Ngwaliwane na ove kuze ku chiputa chakuwema; jino Nguli nakuya nakwiza nakushikumuka, Kakahya kokamwe, kaha Nguli nakuya nakwecha vathu kumona nge ove kaweshi nakwongako hali Echi.” Ove unahase kwinjikiza Echi, numba, kachi ove unatondo. Talenu? “Nguli nakuya nakushikumuka na kwecha vakiko kutachikiza.”

<sup>153</sup> Kaha omwo Ikiye aputukile mikalateta, omwo Yehova aputukile mikalateta, vathu ngwavo, “Nduma! Nduma! Nduma! Kanda kwecha Yehova kuhanjika; etu natuya—etu natuya nakufwa.”

<sup>154</sup> Talenu, Ikiye atelele kupwa wakufwika, shikaho Kalunga alifwikile Lyavene muli Mose na kumuhana Mose lize Lizu. Kaha Mose ejile nakusuluka na kuhanjika Lizu lya Mwata, muli lihina kumeso eyi. Echi chakwoloka? Yehova alifwikile muchifwanyisa cha kapolofweto, mwomwo nachipwa vene. . . Kaha Kalunga ambile ngwenyi Ikiye keshi kuhanjika kuli vakiko chekako nge ngachize. Ikiye mwaya kaha nakuhanjika kuli vakiko ha kapolofweto. Ize ikiko kaha jila Ikiye mwahasa kuhanjika kufuma haze nakutwalilaho. Eyi ikiko jila Ikiye ahanjikile. Echi chakwoloka. Kanda kupwenga jila yikwavo. Ikiye kalyongako.

<sup>155</sup> Tachikizenu, Mose apwile na Lizu. Jino, kuze kakweji numba—numba lizavu lyakwiza nakushikumuka, kuze kakwapwile numba Kafwaliseu, mokomoko ka Salute, mokomoko kakwapwilenga na—na chihanda chimwe mokomoko muyachi. Apwile Mose! Ikiye akwechi lunga umwe. Ikiye keshi kuhasa kumbata vishinganyeka vivali mokomoko vishinganyeka vitatu. Ikiye eji kumbatanga muthu umwe. Mose apwile na Lizu, kaha Mose ukawenyi. Yoshiwa kapwile na Chizeko. Naumwe pimbi nawa apwile Nacho. Amena! Yoshiwa apwilenga na—na mukulwane; Yoshiwa apwilenga mukakuanjika hali

maswalale; Yoshiwa apwilenga mukakufwelela, Mukakulishitu. Oloze Mose apwilenga kapolofweto! Lize Lizu kalyeshi kuhasa kwiza kuli Yoshiwa ko; Lyatela kwiza kuli Mose. Ikiye apwilenga kapolofweto wamunene wa ola. Tachikizenu, eli Lizu kalyalingile kuli Yoshiwa ko palanga nomu Mose ayile. Nduma, mwane. Kalunga eji kuzatanga na lwola lumwe. Kalunga apwa umwe. Talenu? Jino, Mose apwile na Lizu, keshi lizavuko.

<sup>156</sup> Tala, Kalunga ahuhumwine kala vathu kuhona kweseka kukavangiza Mose muli lize lihina; vakakulifwanyisa. Talenu? Pweke, lunga, kapilishitu, kala mwosena chapwilenga, omu ukalunga, omu muthu, omu kavumbi, omu vakiko vapwilenga; Ikiye vamuhumwine, “Echa Mose ezenga ukawenyi! Kaha kachi kala muthu, chipwe kanyama, kukwata kuli chize, atela kumujiha hazevene.” Kanda lyehi kuhokoka shimbu kanda lize lihina. Lize lihina lyapwa lya muthu umwe. Ou Mujimbu unapu umwe. Talenu? Muze mutembele, lunga umwe ayilengamo kamwe kunahu mumwaka, wakuwawisa kaha wakujika nakwingilamo; keshi kunaha nakufumisa eli Lizu ko, oloze kulambula manyina. Numba kutambuka muze kumeso a Echi, umwe kaha. Kala muthu afwile. Talenu?

<sup>157</sup> Vakiko kufwa mushipilitu jino. Eli linapu lihina lya mushipilitu. Talenu? Lize lyapwile lihina lya chisemwa. Eli linapu lihina lya mushipilitu. Talenu? Vakiko veji kulamanga kutambuka nakuya kunyima kuze, enu munahase kuvalweka vakiko. “Mamalelo, Ngunatachikiza! Ngunatachikiza chize, oloze Ngwa . . .”

Ngwambile ngwami, “Yako kulutwe, echi chili chosena chakwoloka, echi chili kaha nakuhanjika . . .” Enu anukenu, musongo wamakumishilo mu Ejipitu wapwile kufwa, shimbu kanda kulovoka. Musongo wamakumishilo hano hamavu unapu kufwa cha mushipilitu, shimbu kanda kulovoka. Jino vakiko navakanonga nakukinduluka kulukungu, kaha wakwoloka navakaya nakutambuka uto wavo. Oloze chuma chamakumishilo chinapu kufwa cha mushipilitu, kukana Lizu.

<sup>158</sup> Jino tachikizenu, Kalunga ahuhumwine kala vathu kuhona kweseka kukavangiza Mose mulihina lya Kakahya. Mose atelele kupwa wakufwika, ikiye atela kwiza nakulovoka muze. Mose ayile nge Mose, ayile nakwingila mu Panda ya mulangi wa Kakahya; kaha omwo ikiye atambukile nakukinduluka, ikiye apwile wakufwika. Mwomwo, ikiye ayile Kuze, kulovoka muvisemwa vyavo, visemwa vya vakulwane. Ikiye *amwene* ize Panda ya mulangi wa Kakahya, oloze jino ikiye kuya *nakwingila* mu Panda ya mulangi wa Kakahya. Talenu? Amena! Kaha ikiye ejile nakulovoka, alifwikile. Lizu lya Kalunga muli muthu, valifwikile! Hano ikiye ejile nakutambuka nakulovoka, mamaah, yami, Ngunahase kumona echi. Kuhuhumuna kalamuthu nawa kweseka, kalamuthu

keshi kuhasa kufwanyisa Chizeko. Ove kawatelako. Talenu? Numba kapilishitu mokomoko muthu wakujila, kalamwosena chapwilenga, mukulwane, mbishopu, kalachuma nawa, kweseka kuya nakwingila mulihina, nakufwa. Kalunga avahuhumwine vakiko. Etu katweshi kupwa na kufwanyisako.

<sup>159</sup> Lizu Lyenyi valisolwele kuli umwe. Echi chili lwola lwosena, kapolofweto ejile na Lizu Iya Mwata, kala chisemunuino, lwola lwosena, kushikumuka nakuhita mu Chisoneka. Eli Lizu kwiza kuli umwe. Muakala chisemununo, chochimwe, numba muvisemunuino vya muka, kufuma muchatete mbwe nakumakumishilo. Veka vakwechi vihela vyavo, echi chakwoloka, talisenu, oloze fumenu kuli ize Panda ya mulangi wa Kakahya. Talenu? Kulinangula muka etu tweji kunangulanga hano! Talenu, kalamuthu ali nakutonda kupwa Mose, kaha muthu wosena. . .

<sup>160</sup> Enu anukenu Ndatane na vakiko ngwavo kuze? Vakiko ngwavo, "Jino, Mose, vandamina hano munyutu kaha! Enu mbatenu chikuma hali enu vavene, talenu. Jino, kuli malunga veka hano vaze Kalunga asanyikile."

<sup>161</sup> Ou unapu muchano. Vakiko, umwe wosena, vapwile nakukavangiza vene nge vakiko vali nakuya lika, oloze omwo umwe esekele kwenda na kumbata chihela cha Kalunga chize Ikiye amuhanyine Mose, uze apwilenga wakwinjikiza kaha wakutongola kuli uze mulimo, kweseka kupwa na echi, kakahya kwiza nakushikumuka na kusokolola mavu na kuvamina. Talenu? Talenu? Pwenu vakuvanguluka. Talenu? Pwako kaha wamwaza, Mukakulishitu wakumokomoko Kalunga, kufwelela eli Lizu. Talenu? Fumenu kuli ize Panda. Kulinangula kana!

<sup>162</sup> Kalunga alisolwele chatete kuli Mose muze muchiputa chakuwema, Kalunga apwile wakufwika mu Panda ya mulangi wa Kakahya. Jino ivwililenu kanawa jino ha munyutu kaha. Kalunga, chatete ejile kuli Mose, Ikiye apwile wakufwika. Kalunga apwilenga Panda ya Mulangi wakakahya, kuswama kunyima muze muchiputa, talenu; nge kunyima ya chikova, talenu, kunyima ha chitwamo chakeke kuze kukamenga. Talenu? Ikiye apwile wakufwika. Ikiye lwola lwosena alifwikile. Kaha omwo Ikiye ejile kuli Mose, Ikiye apwilenga mu Panda ya mulangi wa Kakahya, kulifwika mu Panda ya mulangi wa Kakahya. Oloze hano, kumeso avathu, Kalunga amunjikijile ikiye ha Panda ya mulangi wa Kakahya yoyimwe. Talenu? Mose ngwenyi. . .

<sup>163</sup> Jino tala. Enu muli nakutanga? Enu muli nakwechela vishinganyeka vyenu kuweluka? Munahase? Munahase. . . "Wose uze akwechi matwitwi, echa ikiye evwenga." Talenu?

<sup>164</sup> Omwo Kalunga alisolwele kuli Mose, chapwilenga mu Panda ya mulangi wa Kakahya, omwo Ikiye amusanyikile ikiye kupwa mulimo wenyi. Kaha Mose ejile nakumulweka vathu hali chize.



Vakiko kavahashile kufwelela chizeko, oloze ikiye alingile vikomwesa na vyuma. Oloze, lwola luno, Ikiye eji kutalyangila, kusoloka cha sayasi na kwinjikiza mulimo wa Mose kupwa Kalunga youmwe uze ahanjikile kuli ikiye, mwomwo Ikiye alisolwele muchifwanyisa cha Panda ya mulangi wa Kakahya na kuhaka pili ha kakahya. Kaha Chejile kuli Mose muze muchiputa, kuhanjika kuli ikiye. Chosena chakwoloka.

<sup>165</sup> Kalunga kusoloka chatete, kuli Mose, muze muchiputa chakuwema, lihina. Kumeso avathu, Kalunga alifwikile cheka na kwinjikiza Mose, ha lihina, ha lihina Lyavene na Kakahya kokamwe, Panda ya mulangi wa Kakahya kwiza nakusuluka. Kufuma—kufuma haze jino...Kufuma muli vakiko, shikaho vakiko vanahase kaha kwivwa Lizu Iya Kalunga. Enu munachivwushisa? Eli Lizu kaha, vakiko vevwile Lizu Lyenyi. Mwomwo, Mose apwilenga, kuli vakiko, lize Lizu Iya kuyoya. Mose! Talenu, Kalunga nenjikiza lize Lizu hali Mose! Talenu, Mose ngwenyi...Kalunga ahanjikile kuli Mose, “Yako kuze. Nanguya nakupwa na ove. Ikiye ali...Keshi chuma chimwe nachiya nakwimana kumeso oveko. NGWAPWA NGWAPWA.”

<sup>166</sup> Mose ejile nakusuluka, kaha ngwenyi, “Ove unahase kufwelela echi, pamo, oloze Kalunga alisolwele kuli yami mu Panda ya mulangi wa Kakahya kaha Ikiye angulwekele vyuma evi.”

<sup>167</sup> “Mamalelo, etu tukwechi miyachi ya vyuma nge kuyalika.” Fwalo ambile ngwenyi, “Mwomwika!” Pashita Fwalo ambile ngwenyi, “Chamwaza, ove ukwechi mingalato ya visava vyakuzeya. Mwomwoika, Ngukwechi vakavisava hano vanahase kwalumuna linoka kupwa...na mutondo—na mutondo kupwa linoka. Twaya hano, vakavisava.” Kaha vakiko vejile kuze na kulinga chuma chochimwe.

<sup>168</sup> Mose atachikijile. Nachimwe chakumukatalisa chauchi. Vangahi vakakulifwanyisa vapwilenga navo, kachanehele chihandwa ko. Mose emanyine kulu. Chuma chatete munatachikiza, vakiko kukalava nakujinguluka chindene, kaha, hazevene, Linoka Iya Mose kulya vosena. Talenu? Mwomwoika? Nge vaze vapositolo, vakiko kavahashile kulumbununa Chizeko. Mose katachikijileko omwo Kalunga apwile nakuya nakuchilinga, oloze Ikiye apwile nakuya nakuchilinga.

<sup>169</sup> Anuka, Ikiye ambile ngwenyi Yambele na Yane navakaya nakukinduluka mumakumbi akumakumishilo, talenu, kulifwanyisa. “Kaha vanahase kuhungumwisa navaze va Kusakula kachi chahashile,” Matewu 24:24. Talenu? Chochimwe vene na vyuma vyovimwe, kulinga vikomwesa vyovimwe na vyuma vyosena. Tala lize Lizu! Tala lize Lizu! Uze lunga ngwenyi ikiye eji kulinga chikomwesa kaha hanga natondo kufwelela

nge kuli Tulunga vatatu, kaha kuli vyosena evi; ove fuma muli chize. Etu tunatachikiza nge—nge chakuhenga, talenu, kakweshi chuma changochoko. Talenu? Eli Lizu, kala Lizu, kala Lizu lize nalilovoka mukanwa ka Kalunga! Kuputuka, Lizu limwe! Hano, ngwenyi, “Kanda kumbata mokomoko kuhaka lizu limwe.” Talenu, Echi chatela kupwa Lizu lyolimwe. Talenu?

<sup>170</sup> Tachikizenu, vathu vamwene chumachimwe chize chasolokele. Mose apwile wakufwika nge... Ikiye apwilenga kapolofweto, kaha Kalunga amwinjikijile Lizu Lyenyi jino, ayile kuze. Kaha ikiye amwene vinjikizo na vikomwesa. Kaha jino, chosena chakwoloka, ava vathu valihandununa vavene, liuka. Talenu, *liuka* kulumbununa “vakusanyika.” Talenu? Hanyima vakiko vavasanyikile kulovoka kufuma mukaye kaha kwiza nakupwa vathu, talenu, kahajino Kalunga echa Lyavene kumutachikiza nge Ikiye apwilenga ize Panda ya mulangi wa Kakahya. Ikiye enjikijile mujimbu wa Mose. Talenu? Ikiye apwilenga Panda ya mulangi wa Kakahya. Vakiko pamo vambachile chifwanyisa cha Echi, Ngunashunganyeka, kachi vakiko vapwilenga na camera, mwomwo chosena chapwilenga kakahya kaha. Oloze vakiko—vakiko enjikijile, Kalunga kwinjikiza nge Mujimbu wapwile wakwoloka. Mujimbu wapwilenga mulivoko, vyumavimwe, vakiko vapwilenga nakuya nakulovoka jino. Kufwika Kapolofweto Kenyi kuli vathu valinakulovoka.

<sup>171</sup> Vathu, kushinganyeka, kumona chumachimwe chasolokele kuli ikiye. Ikiye apwilenga jino wakuhandunuka kufuma ku Isalele vosena. Ikiye apwilenga wakuhandunuka, mujimbu wenyi wapwilenga wakuhandunuka, ikiye apwile wakuhandunuka kufuma kuli tupilishitu, ikiye apwile wakuhandunuka kufuma kuchuma chimwe. Talenu, ikiye apwilenga muthu wakuhandunuka. Vathu vamwene chumachimwe chasolokele. Kalunga alifwikile Lyavene muli kapolofweto Kenyi, kuhanjika Mazu Eyi kuli vakiko. Omu mukiko Ikiye alingile. Mose apwilenga lize Lizu lya kuyoya kuli vathu, valifwikile na Panda ya mulangi wa Kakahya, kuhanjika chumamuka chize vafwikile kunyima ya lilmbu lya chipupi. Talenu?

<sup>172</sup> Lize Lizu lyejile kufuma kuli Mose, chatete. Talenu? Mose apwile na Lizu. Vakiko vapwile vakusoneka kuli Kalunga, naumwe pimbi ahashile kulumbununa Vakiko, Mose atelele kulumbununa Vakiko, chatete. Ou ukiko mulonga ikiye alifwikile meso eyi, mwomwo ikiye... Enu mwamono Echi? Talenu?

*Hano* Echi chili. Etu tunahase kumbata Echi, kulongejeke Echi, kaha vyuma vyosena kuze, oloze Echi chatela kusoloka. Mangana kusolola, Mose atelele kwiza nakupwa Kalunga kuli vathu.

Enu ngwenu, “Chize chinapu chakuzeneka mangana.”

173 Mwomwoika, Ikiye amulwekele, amulwekele Mose, Lyavene, “Ove muya nakupwa Kalunga, kaha Alone kupwa kapolofweto kove!...?...” Talenu? Shikaho Ikiye ejile, talenu, Ikiye apwilenga na lihina Lyavene, mwomwo Kalunga lwola lwosena ali kunyima ya lihina. Mamalelo, yami! Enu mwamono Echi? Kalunga aliswekele kufuma mulikungumbuwa.

174 Ngwenyi, “Tata, Ngwasakwilila Ove, Ove unasweke Echi kufuma kuli vakamangana na vakakunangakana, kaha kusolola Echi kuli va kemba, kuli vakiko vaze vanatondo kulinangula.” Talenu?

175 Kalunga aswekele kunyima ya lihina. Mose alifwikile meso eyi. Mose apwile Lizu lya kuyoya lyakufwika jino. Vaze vathu vamwene ize Panda ya mulangi wa Kakahya, ngwavo, “Jino etu tunasuuluka.” Talenu? “Echa Mose kuhanjika.” Talenu? “Kanda kwecha Kalunga kuhanjika, kuchina etu natufwa.” Mose atambukile nakwingila mu Panda ya mulangi wa Kakahya. Talenu?

176 Kaha ngwenyi jino, Ikiye ngwenyi, “Jino Kangweshi—Kangweshi kuhanjika kuli vakiko chekako nge ngana. Nanguya nakuvahana kapolofweto.” Talenu? Kaha omu mukiko mujila Ikiye lwola lwosena alingile. Talenu? Ngwenyi, “Jino echa vakiko vayenga.” Oloze ou kapolofweto atela kupwa na eli Lizu. Kachi ikiye alifwikile na chisemwa, Kalunga kamutumine ikiye. Kachi ikiye alifwikile na Lizu, Kalunga mwaya nakwinjikiza Echi. Kalunga kulumbununa Lizu Lyenyi Ivane. Mose ahanjikile Vakiko; Kalunga kuvalumbununa Vakiko. Amena.

177 Mose ngwenyi, “Uze Mwata ahanjikile ngocho!” Kaha Mwata alingile chuma muka Ikiye ahanjikile. Chize chalingishile Echi chakwoloka.

178 Jino Ikiye ngwenyi, “Jino, Mose, enu munevwushisa. Ava vathu vevwushisa jino. Talenu, Ngunamilweke, Ngunakwinjikiza.” Kalunga alifwikile Lyavene muli ou kapolofweto, kuhanjika Lizu Lyenyi kuli vathu. Mose apwile Kalunga wakuyoya kuli vakiko, lize Lizu lya kuyoya lya Kalunga lyasolokele. Ou ukiko mulonga meso eyi ali akufwika. Talenu?

179 Kaha enu munatachikiza chuma chochimwe mu Mukakulishitu wamwenemwene ali wakufwika lelo, kuli vakakuzeneka kufwelela? Vakiko kumona vaze mapwevo na kambu jajisuku kaha vyuma, kuhanjika echi chili. . . “Tala haze ha chamwaka.” Mapwevo kuchongonona kambu javo kutwala kunyima, kuhanjika, “Ukwechi tayela yakupopoloka, mbata yeka hano.” Talenu, Echi chili chosena chakufwika. Vakiko vali tupuputa. “Mamalelo,” vakiko ngwavo, “Ngukwechi Ph.D, Ngukwchi. . .” Kangwalizakaminako chumamuka ove ukwechi, ove hanga uli wakuhona kutachikiza ha Lizu. Chakwoloka vene.

“Mamalelo, chize, nge kupwa na chumachimwe chachindende. Ngwa. . .” Mbata kulinangula chachindende chatete.

<sup>180</sup> Ngachilihi vathu vase veji kuhanjikanga nge vakiko vanapu vakufwika nakumeso a Kalunga, kaha kunangula vimwe vya chisemwa cha liuka? Mamalelo, keke, kuwaha! Echi hakako na kufuma, na vyuma vyosena nawa, ha kuhaka mitwe yavo na vishinganyeka vyavo, kaha keshi Lizu lya Kalunga ko, talenu, muyachi wa lihina muka? Vakiko vakwechi lihina lyavakakutanga. Kalunga nalipulu lize lihina nakufukununa!

<sup>181</sup> Vakiko ngwavo, “Kakweshi chuma chakufwana nge tupolofweto. Kakweshi chuma changochoko, mumakumbi akumakumishilo, nge vapositolo na tupolofweto. Kakweshi chuma chakufwana nge kuka cha Ukalunga. Kakweshi chuma chakufwana nge vakakumona, chekanawa. Kakweshi chumakanako nge Mako 16 kupwa yakuzalishiwa. Chisemunino cha upositolo chakuma.” Vakiko valifwikile Echi kufuma kuli vathu. Oloze Kalunga atambukile nakulovoka na Shipilitu Yenyi Wajila wa Kakahya, kaha kupula chuma kufuma helu mbwe nakwishi-. . . [Hatepu hapimbi—Muka.] Kalunga napulu lize lihina.

<sup>182</sup> Mose apwile lihina, lize Lizu lya kuyoya lya Kalunga lyafwikile kunyima ya nyama. Ize Panda ya mulangi wa Kakahya yapwile muli Mose, mukiko vene, kuhanjika chuma muka chapwilenga chakufwika kufuma kunyima ya mangwe, mwamono.

<sup>183</sup> Jino, chize, lize Lizu, lize Lizu valinehele, jino Valisonekele, jino Lyapwilenga lyakuhaka kunyima kaha hanga lyakufwika, mwomwo Kalunga lwolalwosena apwa mulilize Lizu. Amena! Ikiye napu Lizu, lwola lwosena. Ikiye apwilenga mu Lizu. Ou ukiko mulonga eli Lizu lyatela kupwa lyakufwika.

<sup>184</sup> Mamalelo, ndumbu walunga, ndumbu wapwevo, ove uli nakukuhukula Echi? Tala! Kaweshi nakumonako? Vanalifwika kuhichila muvisemunuino, kutesekeza na chumamuka Kalunga ahanjikile, kaha echi nauya nakusokoloka kumakumbi akumakumishilo, tuze Tutachikijilo Tutanu natuvali kupwa twakuhokoka, kaha Chumachakuzala nachiya nakwiza nakusoloka ha vathu, chumamuka chasolokele mukutwalilaho. Ize ola wa Mujimbu wamwaza wa kangelo wamuchitanu nakavali, palnga mangana akusweka a Kalunga kuwalingisa kupwa akutachikiyiwa muli uze Elija, muola yamakumishilo; omu Kulishitu vanamuhake muliuka Lyenyi, Mwana Kalunga; omu Ikiye vanachisolola kupwa Mwana muthu cheka; omu lize Liuka vatela kulihaka mu chiyulo, kaha vyumavimwe vya likumbi lyamakumishilo, kwauchi jishimbi jauthu, kwauchi chikungulwilo, kupwa kaha vene Lizu kuyoya muli muthu hakanji. “Nanguya nakumbata umwe, kaha kuseza umwe. Nanguya nakumbata *echi*, kaha kuseza *uze* umwe.” Talenu? Kuli

kaha . . . kakweshi lungoji, numba vikungulwilo, chipwe kukasa mokomoko chumachimwe; unapu muchima na Kalunga, kaha Ikiye ukawenyi. Talenu?

<sup>185</sup> Talisenu, wakufwika munyama yamuthu. Mose na Lizu, kuhanjika chumamuka chapwilenga chize vahakile kunyima ya chikova cha chipupi. Shikaho chize . . . Shikaho Kulishitu Mose ketu. Kulishitu napu Mose wetu. Ikiye apwilenga Kalunga wakuuwa munyama yauthu, wakuuwa mukukulikehesa, munyama. Echi chakwoloka. Kaha Ikiye youmwe zau, lelo, na hayamyaka. Ikiye apwile wakufwika mulilambu lya chipupi. Ikiye apwile wakufwika. Kaha lwola luno Ikiye apwilenga wakufwika muli Muthu. Talenu? Jino talisenu, “youmwe zau, lelo, na hayamyaka,” lushiko Lwenyi lwa Lizu kuli *chino* chisemunuino. Ikiye hanga apwa Kulishitu, lize Lizu lya lushiko kuli *chino* chisemunuino, valifwikile mumujimba wa nyama. Eli Lizu linapu Kalunga.

<sup>186</sup> Chize kuwavisa chinapu muthu. Eli lizu *Kulishitu* kulumbununa “umwe wakuwavisa,” talenu, “uze umwe wakuwavisa.” Kahajino, Mose apwilenga Kulishitu mumakumbi eyi, ikiye apwilenga umwe wakuwavisa. Yelemiya apwilenga Kulishitu mumakumbi eyi, na chihanda cha Lizu lya lize likumbi.

<sup>187</sup> Oloze omwo Yesu ejile, Ikiye ejile nge Mukakusokola Umwe Wakuwavisa; kaha vaze vapwile vosena vavali Mose kaha vosena vapwile muli Mose, kaha Lizu lyosena, kaha Ukalunga wosena apwile muli Ikiye. Ou ukiko mulonga tembele yosena yapulikile, kaha chitwamo cha keke chejile nakusoloka mwakukupuka, Ikiye apwile Umwe wakuwavisa.

<sup>188</sup> Talisenu jino, lize lihina muli muthu wa nyama, luze lushiko lwa Lizu lya chisemunino kutela nawa kupwa lyakufwika. Talisenu. Liuka lya vamembala na vakashili kaveshi nakumona Echi mwomwo ya lihina lya muthu.

<sup>189</sup> Ou ukiko mulonga vakiko vahonene kumumona Ikiye. “Mwomwoika, Ikiye apwa muthu. Kulihi Ikiye ejile nakufuma? Kati ya kulikata muka Ikiye ali nacho? Ikiye apandama ku Liuka muka lyeji kulinganga ika?” Ngwatondo kuhanjika hali chize ufukuuno, “Liuka muka lyeji kulinganga Ikiye apandama?” Talenu? Kaha shikaho, talenu, jino, “Chumamuka liuka nalilinga Ikiye kupwa, chumuka—chumamuka lizavu? Shikola muka Ikiye apwilemo? Kulihi Ikiye atambwile kutanga Chenyi kulihi? Chamwaza, ou Lunga asemukile, kutesekesa na chisemwa, mokomoko kutesekesa na—na kuhitamoni lyehi cha Ikiye kujinguluka hano, ou Muthu asemukile kufuma muchisaka chakujila. Mwomwoika, Ikiye, punduvene, Ikiye napu liyavolo. Talenu, Ikiye ali—Ikiye napu liyavolo. Ikiye apwile wakusemuka kufuma mu chisaka chakujila, kaha Yosefwa kupwa wakusomboka nakulama ikiye kuhona kupwa

wakwasa malolwa, mwomwo ikiye apwilenga mukauhule. Kaha uze Muthu kwiza akujinguluka nakulweka tupilishitu chumachakulinga?”

<sup>190</sup> Kaha kuze kwapwilenga Kalunga kwimana kuze, kusolola lize Lizu, kulila, “Kalunga Kami, mwomwoika Ove unanguseze Yami?” Ize myaso ivene vakiko vapwilenga nakwimba muze mutembele, nge Ndavichi navalingile mummyaka yayivulu akwo, vyakutwala Kulikulishitu. “Vifuwa Vyami vyosena vyakakachilile hali Yami. Vakiko vatuvile mumavoko Ami na mahinji Ami.” Kaha kuze vakiko vemanjine kuze, kwimba chize, kaha uze vene Lunga ali nakufwa ha kulusu. Kaha omwo vakiko vengilile na . . .

<sup>191</sup> Omwo Ikiye afwile, uze Kalunga wa Mwilu ejile nakusuluka, nge omu Ikiye alingile ha Pili ya Shinayi, na Kakahya Kajila, kaha kwocha lize lihina lya mutembele kufuma helu mbwe nakwishi, kulipula muvihanda. Kaha chuma muka vakiko valingile? Tala hazevene kufuma mu tembele ya njanene, ha Kavali, kaha kuze kwapwilenga Kalunga hatoma to, Mulambu.

<sup>192</sup> Oloze vakiko kavachimonako Echi, lelo. Kalunga mulikumbi lyamakumishilo atela kupula visemwa nawa, kaha kuneha eli Lizu lyachino chisemunuino hatoma to, kaha vakiko hanga vanahono kutachikiza Echi. Vakiko vanahono kutachikiza Echi. Echi chili—echi chili chachashi. Talenu, echi chili chachashi. Echi chili chikuma kufuma ku vyuma vya kaye.

<sup>193</sup> Ngwanangwile likumbi likwavo ha kukunguluka chimwe, cha “Hakupwa nati.” Likumbi limwe hamakumbi awa Ngwatondo kuhanjika hali chize, “Hakupwa nati.” Etu tunapu vosena nati hali muthuumwe, shikaho—shikaho Nanguya nakupwa umwe wa Kulishitu. Paulu ambile ngwenyi ikiye “vamulava kupwa chileya.” Punduvine, enu mwatela kupwa. Talenu, cheji kumbata nati kukwachilila vyuma hamwe. Talenu? Echi chakwoloka.

<sup>194</sup> Shikaho talisenu lize lihina, muthu wanyama. Nduma, jino, vathu vashili kavahashile kumona chizeko. Vaze vathu vakakulifukula visemunuino, vakiko kavahashile kumona ngachize, mwomwo Ikiye apwilenga muthu. Mwomwoika? Ize nyama muthu kusweka Kalunga.

<sup>195</sup> Jino, kachi Ikiye apwilenga Panda ya mulangi wa Kakahya ize yejile nakushikumuka, talenu, Panda yayinene ya mulangi wa Kakahya yejile nakushikumuka na kuvalwekesa nge omwo Ikiye apwilenga, nge Ikiye apwilenga eyi Panda ya mulangi wa Kakahya, vakiko vanahase kufwelela chize; kachi Yehova mwaya nakujinguluka.

Oloze mwamono chuma Ikiye alingile, shikaho Ikiye nahase kuhita hali vakiko vautongwe, vathu vakamangana, Ikiye alisolwele Lyavene nge Ikiye ashikile Mose, talenu, “Nanguya nakuhanjika kuli vakiko kuhichila muli Kapolofweto.” Kaha

Ikiye apwilenga Mwana muthu, Kapolofweto. Kaha vamwe vavo vatachikijile Chize, pamo wani handulendi peseti ya wani handulendi muno mukaye, vakiko vafwelelele Chize; vosena mulivakiko kavahashileko. Oloze, Ikiye apwilenga, mwomumwe.

<sup>196</sup> Oloze kwapwile Kalunga Waundume kwimana mukuzalilila, Chitwamo cha Keke! Ikiye afwile omwo vana Venyi Ivene kuhanjika . . . Vana Venyi Ivene kuze, kuhanjika, “Etu katweshi kupwa na Ikiye ko! Muli na Ikiye!” Kumufwijila Ikiye.

<sup>197</sup> Chifwanyisa, kunyima okwo, omwo Ndavichi apwile nakuseza tembele, mwangana wakuhunga. Kuya nakushimuka kuhita mujila, kaha wamundende, chitonji wamwaka kukalava nakuya, kamuzangileko, ikiye amusanyikile ikiye “mukakulyonga wamwaka” mokomoko chumachimwe, kumufwijila kumeso eyi. Kaha uze mukakumulama kusolomona poko, ambulengwenyi, “Ngwechenga mutwe waou kawa kumutwe wenyi; kaha nakufwijila mwangana wami?”

<sup>198</sup> Ndavichi ambile ngwenyi, “Echa ikiye ukawenyi, Kalunga amulwekele chize.” Ndavichi pamo katachikijileko nomu ikiye ahanjikile. Ayile kupili, kutala kunyima, kulila.

<sup>199</sup> Myaka eyite handulendi kufuma kuze, uze Mwana Ndavichi apwilenga nakunyina pili yoyimwe, kutala kuweluka, kulila hali Yelusalema, Mwangana wakuhunga. Kaha vakiko vamufwijila kumeso Eyi.

<sup>200</sup> Kamweshi nakumonako? Echi chinapu chuma chochimwe. Talenu eli Lizu kwiza nakushikumuka, kukavangiza lelo? Lwola lwosena wakukana kuli vavavulu, talenu, kaha kufwelela muli vavandende.

<sup>201</sup> Jino, talenu, vakiko kavahashile kufwelela Chizeko. Vaze va Ngiliki, vakiko kavahashile kumumona Ikiye ko, Ikiye apwilenga mutembele Yenyi. “Mwomwoika,” vakiko ngwavo, “eli lijina lya muthu Yesu; Ikiye ejile kufuma ku Nazaleta.”

<sup>202</sup> Jino, vakiko vapwile na lijina limwe mumakumbi aze. Nge, “Yowano, Jim,” vakiko ngwavo, “Yowano kufuma ku Jeffersonville, Jim kufuma ku New Albany,” mokomoko chumachimwe nge ngachize, mwamono.

<sup>203</sup> Ikiye ambile ngwenyi, “Ou ikiye Yesu wakufuma ku Nazaleta. Echi vachifwelela nge naye Yenyi apwile wakwimishisa kuli liswalale.” Talenu? Kaha jino chize chikiko vakiko vafwelelele. Punduvene! Kaha kuhanjika vakiko ngwavo, jino, “Kaha ou ikiye Yesu waku Nazaleta.” Enu mwamono? “Ikiye Hiya?” Talenu, vakiko kavahashile kwivwushisa Chize ko.

<sup>204</sup> Oloze, mwomwoika, eli Lizu lya lize likumbi, omwo Ikiye apwilenga nakunangula, ngwenyi, “Tondenu mu Visoneka. Muli Vakiko enu munashinganyeka kupwa na Kuyoya cha

Hayamyaka, kaha Vakiko kwambulula Yami Nguhiya. Kachi enu kamweshi kuhasa kufwelela Yami; nguvulyamine Yami, nge lihina, kufwelela eli Lizu lize lili nakwiza. Vavali napu chinjiho,” Ikiye ngwenyi, “Nanguhanjika kaha Tata kuhanjika hali Yami.” Amena. Echi chakwoloka.

205 Nanguhanjika ha Lizu lya lelo, kaha Tata kwinjikiza Echi. Jino echi chinapu chinjiho kuli enu? Echi chili, talenu. Omu mukiko chatela kuzalishiwa.

206 Tachikizenu mu Kolinde Wamuchivali jino, va...mu Kolinde Wamuchivali, kapetulu 3, vasi 6, ize tembele yamwaka kupwa zuvo ya Kalunga kunyima ya chikova, kufuma muli Vayuleya. Omu lize lihina lyamwaka valipulile, hanga vaze Vayuleya...kwilavisa meso kuli Uze Ikiye apwilenga, na Uze Ikiye kanda lyehi. Kaha jino Pendekosita kusolola Hiya napu muchano na Kalunga wakuyoya apwilenga, omu lize lihina lyapwilenga lyakuvatula muvali, na Kalunga, kufuma helu. Mwomwoika lize lihina lyalingile ngachize? Mwomwoika chalingile echi?

207 Mwomwoika veji mu Mujimbu wangachize lelo kulinga chuma Echi chalingikile? Mwomwoika Echi chejile? Mwomwokika?

208 Kuze kwapwile muthuumwe kuya nakungusanyika, likumbi limwe hano keshi kunyima chikumako, atondele kulipika na yami ha—ha chisemunuino cha liuka, chize, “Kalunga apwilenga muliuka Lyenyi lyajila,” kaha vyuma nge ngachize. Kaha Ngwawanyine nge apwile mukakunangula umwe, kaha Ngwawulyamine chize. Talenu, kachi kunapunga muthu umwe uze apwilenga nakuya nakupwa wakwoloka, kachi chunapu mweka. Oloze, shikaho, oloze mulimo uka wakuya nakuhita mulifuchi likwavo kuze, omwo Ngwatela kuseza kuliwana hano kulinga echi, mwamono? Shikaho Ngwechenu ukawavo. Uze kapuputa kutetekela kapuputa, vakiko—vakiko vosena vaholokele muwina.

209 Shikaho, shikaho jino muli echi chisemunuino, omu vikungulwilo vyamwka na lihina lya chisemwa vanalipulu, kufuma mu Lizu lya Kalunga, shikaho Chinahase kusoloka! Enu mwamono omu Ngwatwale? Chisemwa ngwacho, “Vyuma vyosena vinahichi.” Echa Echi chingile chindende. “Vyuma vinahichi.” Oloze, muli lino likumbi, lize lihina lya chisemwa linafwiki muvihanda, kaha hano kwimana Panda ya mulangi wa Kakahya. Talenu? Hano Ikiye ali, kusolola Lizu lya lelo. Lize lihina linapulikile.

Jino, aka kaye, hanga vakiko kavafwelela Echiko. Chipwethuhu chumamuka, vakiko kaveshi nakumonako Echi. Vakiko kaveshi nakumona Echi. Chize kavachitumine kuli vakikoko.



210 Anuka, Mwana Kalunga kavasolwele ku Satome ko; miluwa vavali vapwile. Echi chakwoloka.

211 Oloze, echi, Kalunga Lyavene mumujimba wanyama vamusolwele kuli Apalahama, va Kusakula. Kaha tala chuma Ikiye alingile kusolola Lyavene. Kaha jino Apalahama atachikijile, omwo Ikiye atachikijile chuma muka chapwile mu kushinganyeka cha Sala, ikiye ambile ngwenyi, amusanyikile Ikiye, “Elohim! ngamba Yove. . .”

212 Tachikizenu jino, shikaho chinahase kusoloka. Lize Lizu linapu lihina helu lya Echi hamyaka yosena, kuli vathu, “Echi kacheshi kulingikako.”

213 Enu anukenu kutangisa Ngwanangwile chimene omwo Ngwasele hano lwola lwatete, hali Ngolyate na Ndavichi? Ngwambile ngwami, “Tala hali mukakuhonesa kuze, kuhanjika nge ‘makumbi avikomwesa ahita lyehi.’”

Tala jize jitepu nge vakiko kwiza nakushikumuka, tala umwe wosena, omu Chejile nakuhambakana hatoma kaha hatoma; kachi enu muli namatwitwi akwivwa, talenu, meso akumona.

Chumamuka? Ngwambile ngwami, “Uze nemana haze kaze kaye kavakakwambulula, kuhanjika muli chino chisemunuino cha sayasi, nge kacheshi kulingikako.” Oloze Ngwambile ngwami, “Kalunga. . .” Mu Kumunyika, shimbu kanda Vachimbate, oloze kamwe; kanda lyehi vamumbate jino. Chize chalingikile kusali yakalwiji; vakiko kavambachile chifwanyisa hali Echiko. Talenu? Ngwambile ngwami, “Ikiye angulwekele nge nachiya nakulingika; Ikiye mwaya nakusanyika kaha nachiya nakukomba mafuchi.”

214 Kaha numba Ndotolo Davis, ambile ngwenyi, “Ove, nahanjikiso kana ya shikola, yakuhita mumango seveni, kuya nakulembelela vamyangana na namawata, na kuputuka kuhizumuka nachiya nakukomba mafuchi?”

Ngwambile ngwami, “Omu mukiko Ikiye ahanjikile.”

215 Kaha vanachilingi. Talenu? Talenu, vanachilingi. Chize chikiko chuma, chili, Ikiye katondele kulumbununako. Ikiye nachilingi. Talenu, Ikiye nalingi lyehi echi, chize kulumbununa chivene, talenu, kusanyika Chenyi cha Kusakula, talenu, kufuma—kufuma mukutambuka chosena. Jino chinasoloka.

216 Ngwambile ngwami Ndavichi kwimana kuze, wamundende, chindende, mukweze wakufwakuluka kaha na nyima yakuningama, namalekenyi mulivoko lyenyi. Kaha, mwomwoika, Saulu atalile hali ikiye, mutwe wa lizavu lya vakakuzata, ambile ngwenyi, “Mwomwoika, ove kaweshi numba wa kulongesa!” Ikiye ambile ngwenyi, “Echa ngumone kachi Nangukuhana Ph.D. mokomoko vyuma vimwe.” Kuhaka vyajita hali ikiye, echi. . . Ikiye kuwana nge katelemoko uze muthu wa Kalunga.

217 Ambile ngwenyi, “Mbata chuma chakufuma kuli yami.” Ambile ngwenyi, “Ngunahono kutachikiza chuma chimwe hali chize.” Ambile ngwenyi, “Echa nguyenga mujila ize Ngunatachikiza, chuma Ngwazungishile nacho ndumba, chama Ngwazungishile nacho mulusu.” Ikiye apwilenga nge muthu wa muchipapa. Ikiye ngwenyi, “Echa yami nguyenga muli eyi jila.”

218 Kaha uze kashinakaji Ngolyate ngwenyi, “Enu namungutumina kawa azunge na yami?” Ambile ngwenyi, “Nanguya nakukumbachila kusongo ya likunga lyami na kusukika nyama yove kuze kaha kwecha tujila kuyilya.”

219 Ndavichi ambile ngwenyi, “Enu muli nakuliwana na yami nge ka Fwilishite, kaha chitwa na likunga, kaha Nanguya nakukuwana ove mu Lijina lya Mwata Kalunga ka Isalele.” Tala kapolofweto, Ndavichi, ngwenyi, “Lelo Nanguya nakuvatula mutwe wove kufuma hachifwiji chove.” Amena! Mamalelo, yami! Ikiye atachikijile chuma muka ikiye apwilenga nacho, Ikiye afwelele, kaha apwile wakukunyuka Ikiye apwile wakatela kulama chize ikiye alingile kuli Ikiye. Talenu? Shikaho chasolokele mwosena omwo.

220 Uze kashinakaji kuhanjika, “Makumbi avikomwesa ahita lyehi,” jimbango vajipulile! Yehova hanga emana mukusoloka hatoma, kusolola Lizu Lyenyi, Umwe wakulifukununa. Echi chakwoloka. Talisenu.

221 Uze Mukamafuchi eka naeka napunga wakufwika kufuma kulihina, hanyima yakulipula na kusolwesa Kalunga, lize lihina lyakwambulula. Ngachilihi? Ha kufwika cha lize Lizu mumujimba wauthu cheka. Chize chinapu vene chuma Isalele ahonene kumona. Kachi kwapwilenga vamwe Vangelo mokomoko chumachimwe, Isalele kachi vafwelelele Echi. Oloze hakupwa keshi Kangelo ko, atela kupwa muthu. Amena!

Kalunga keshi kuhasa kuhokola Lizu Lyenyi. Mumakumbi akumakumishilo chatela kupwa chuma chochimwe cheka. Talenu? Chumamuka chenehele upuputa hali Isalele? Uze Lunga. “Ove uli Muthu kulilingisa Ove lyavene kupwa Kalunga.” Omu mukiko vakiko vamujihile Ikiye, kaha, lelo, mwomwo Mujimbu kwiza kuhichila muli muthu kaha keshi Vangeloko. Talenu? Kalunga keshi kuhasa kwalumuna jila Yenye ko, kwalumuna Lizu Lyenyi. Ikiye ngwenyi Ikiye kalumukileko. Talenu? Talisenu, ashikile! Kaha Vakamafuchi eka na eka vali kaha tupuputa lelo nge omu vapwilenga va Isalele, mwomwo (ika?) lize lihina. Kalunga kulifwika mumujumba wauthu, kufwika Isalele.

Talisenu, ali kapuputa umwe. Umwe, Nachiya nakupwa kapuputa; mukwavo, Echi nachiya nakusolola Muchano. Echi chinapu hakamwihi na meso amwe, kaha kusokolola meso aveka.

222 Tala, Yesu emanyine na kuhanjika ngwenyi, “Chamwaza, lijina lyove linapu—linapu—linapu Shimona, kaha lijina lyove lya tata lyapwile Yona.”

Ikiye ngwenyi, “Mwata Kalunga!” Talenu? Fwilipu . . .

Ikiye ambile ngwenyi, “Ngachilihi Ove unatachikiza?”

Ikiye ambile ngwenyi, “Tala ka Isalele, muli ikiye kamweshi numba likuliko!”

Kaha ikiye ngwenyi, “Lapi, Ove wangutachikijile yami?”

223 Ikiye ambile ngwenyi, “Shimbu kanda Fwilipu akusanyike ove, omwo wapwilenga mwishi ya mutondo, Ngwakumwene ove.”

224 Ikiye ngwenyi, “Lapi, Ove yove Mwana Kalunga. Ove yove Mwangana wa Isalele.”

225 Chamwaza, kuze kwemanyine vase kuze, ngwavo, “Ikiye napu Mbelezembule.” Talenu? Chuma muka Chalingikile? Sokolola meso, kapuputa mukwavo. Nyi tupilishitu vahanjikile ika? “Mwomwoika, uze Mukweze napu Mbelezembule!”

226 Uze pwevo wamundende ngwenyi, “Ngunatachikiza Meshiya ali nakwiza, uze vavuluka ngwavo Umwe Wakuwavisa. Talenu, uze Wakuwavisa Umwe mwakeza. Etu katweshi na tupolofwetoko. . . Ove watela kupwa kapolofweto. Oloze Umwe Wakuwavisa mwaya nakwiza. Etu tuli nakutala hali Ikiye. Awa anapu makumbi akumakumishilo a Vakamafuchi eka na eka. . . mokomoko hali va Yuleya.” Ngwenyi, “Eli linapu likumbi lya makumishilo.” Talenu, vosena vaka Samaliya na va Yuleya vapwilenga nakutala hali Meshiya. Talenu? Ngwenyi, “Elu lunapu lwola lwa Ikiye kusoloka. Etu tunatachikiza, omwo Ikiye mwakeza, Ikiye mwakaya nakulinga vyuma evi. Ikiye mwakaya nakutulweka etu vyuma kana.”

Yesu ngwenyi, “Yami Vene.”

Meso eyi apwile akusokoloka, vase tupilishitu vapwile tupuputa.

227 Omu mukiko Mujimbu wamwaza lwola lwosena weji kulinganga. Chize chasokolwele meso avamwe, kusolola Muchano kuli vamwe, shimbu Ou upuputa kwilavisa veka; ikiye akwechi ulumbununo uvali. Vamwe vanahase kumbata Mwana na kutala muli Chize, kaha kuya nakupwa kapuputa; veka vanahase kumbata Echi na kutambuka nakulovoka na Echi, chinapu chakuhandunuka.

228 Nge omu chalingikile mukala chisemunuino, Ukalunga kulifwika mumujimba wanyama. Tachikizenu, Ikiye alingile. Vaze tupolofweto vapwile Ukalunga, valifwikile. Vakiko vapwile Lizu lya Kalunga (echi chakwoloka?) alifwikile mumujimba wanyama. Shikaho, vakiko kavamwene nge Mose wetu chipwe, kumona, Yesu.

229 Talisenu kulifwika kunyima ya lilambu lya muze mutembele yamwaka, lyapwilenga Lizu, lyapwilenga Lizu kusoloka hamesa ya lilolwa.

230 Jino, Nguli nakuya nakweseka kufumisako nakwingila pamo minyutu twende jino, kachi Ngunahase, kuchilingisa kupwa chibwa cha eleveni. Tachikizenu, kachi enu namutalisa kanawa, Ngunalumuka mapapilo amwe hano, mwamono, kulama kufuma...shikaho Nangulilama kufuma kukuvatula... kuhambakana kuchilingisa chachisuku. Nangutachikiza nge kwazumu, kuzeya.

231 Kunyima ya tembele, muli lize lihina, chumamuka chize chapwilenga kuze? Chumamuka chapwilenga Yehova? Chumamuka chapwile chakusweka kunyima kuze? Nyi lize lihina lyaswekele ika? Mamalelo, haleluya! Nyi lihina lyaswekele chumamuka? Chapwile nakusweka eli Lizu. Lize lihina, chikova chamwaka chachipupi, chapwile chakusweka, kusweka lize Lizu kumeso avao, authu. Kunyima kuze, nawa, yapwile mbolo yakusolola. Kunyima kuze, nawa, yapwile Upahu wa Shikina. Oloze Wapwilenga wosena wakusweka kufuma kuli vakiko. Wapwilenga wosena wakusweka. Kaha Upahu wa Kalunga wapwilenga wakwoloka kunyima yachize chikova cha chipupi, echi chakwolka, vyosena kupwa vyakusweka kumeso authu.

232 Echi chili lelo, nawa. Vachivuluka kupwa "lizavu lya vakakujila vakulyalanga, vakuvayangila," oloze vakiko vanahono kutachikiza chuma chakusweka kunyima kuze. Omu mukiko vanahono kutachikiza. Talenu?

233 Kahajino omwo Kalunga, mu keke, kupula lihina hali vakiko mangana vamone, vakiko vapwilenga vakukupilika muvisemwa vyavo...yapwile lika lyakusweka kufuma kuli vakiko, nakulikumbi lyalelo.

234 Chochimwe jino! Uze Upahu, Ngolo ja Shipilitu Wajila, Upahu wa Shikina uze eji kwizanga hali mukakufwelela, jino Ngwatwale muli mukakufwelela wamwenemwene, uze eji kulingisa milimo ya Kalunga na lufwelelo kwiza muli ikiye, kufwelela eli Lizu lya Kalunga, chize chikiko chakusweka kuli vakiko meso. Vakiko ngwavo, "Vyuma vyosena vinahichi." Mwamono, vakiko hanga vali nakuyoya kunyima ya lihina.

Enu kamweshi kunyimako yalize lihina chekako, Vaze vavandende, Kalunga neza mukusoloka hatoma kuli enu.

235 Likumbi likwavo, Ndumbu walunga Fred Sothmann, Ndumbu walunga Tom Simpson...Ngunahono kutachikiza nge ikiye ali hano mokomoko keshiko. Etu vavavulu twapwile ku liuka lya Mbaputishiti, kaha mukakuzata ambile ngwenyi chumachimwe chize chevwakana kuwaha. Etu vosena vambile ngwavo, "Amena!" Muthu wosena muliuka kujinguluka shingo yavo na kutala kunyima. Talenu? Talenu? Etu tunawane liumbu linafumu kunyima ya Shekina kuze, munatachikiza, kaha

etu twapwilenga muyachi wakuwahilila kupwa na echi. Etu ngwavo, mujila ikwavo, “Ngwasakwilila Ove, Mwata!” Talenu? Kaha, omwo vakiko valingile, vaze vakweze vapwile vakufwika vakiko vavasehele. Vakiko kavatachikijileko chamuka Echi chapwilenga kwosena. Talenu? Vakiko hanga vali vakufwika. Shikaho, kuze kuli vamwe mukachi na vyuma kuweluka. Kaha shikaho. . . Oloze Kalunga napu lika hatoma kuli etu, kuswama. Mwomumwe jino!

<sup>236</sup> Kahajino omwo Kalunga, mu keke Yenyi, kupula lihina, Ikiye vamunehela hatoma to. Oloze, vakiko vapwile vakujingilika mu visemwa vyavo, Ikiye apwilenga wakusweka kufuma kuli vakiko.

Chochimwe jino! Vosena vaze Upahu, kusweka, chili chakusweka muli Kulishitu, eli Lizu, Eyi ikiko Tembele yetu.

<sup>237</sup> Mamalelo, jino, Nguli nakuya nakupwa nakufula hamavu muli echi chindende. Ngukonekelenu hakupwa omu nguli chimene chino, oloze, mamalelo, Ngukwechi—Ngukwechi kutonda kuhana echi chikuma, Ngwa. . . chili kaha nakukasa muli yami. Talenu?

<sup>238</sup> Talisenu, Upahu wosena uze uli muli Kalunga uli muli eli Lizu. Jikisu josena jize jili muli Kalunga jili muli eli Lizu. Echi chili chakusweka, kuli vakakuzeneka kufwelela, ha visemwa. Talenu omu Ngwatwale? Oloze Echi chili chosena muli Kulishitu. Vosena vaze Kalunga apwilenga, Ikiye *alimwangile* Lyavene, “kenos,” kaha ejile muli Kulishitu; kaha etu, muli Kulishitu, kunyima ya lihina.

<sup>239</sup> “Chamwaza, Nguli muli Kulishitu,” enu ngwenu. Kaha jino fwelela nge kuli Tulunga vatatu? Kujimika mu lijina lya “Tata, Mwana, na Shipilitu Wajila”? Fwelela muli evi visemunuino vyosena na vyuma vize enu mwafwelelamo, vya vakulwane? Nduma, ove hanga uli kunyima ya lihina. Talenu? Twaya nakwingila mulihina. Ikiye, Kulishitu, napu Lizu.

<sup>240</sup> “Ngachilihi? Kangwafwelela mukuka cha Ukalunga. Kangwafwelela muli evi vikomwesa na vyuma nge ngachize.”

<sup>241</sup> Chamwaza, mwamono, enu muli—enu kamweshi, mukachi ka lihina. Enu kamwatachikijileko chuma chimwe hali Echi. Talenu? Kulishitu napu Lizu! Kaha omwo etu tuli mu Lizu, etu tuli muli Kulishitu. Kaha Nangupwa ngachilihi muli Kulishitu, kukana Kulishitu? Chize chapwilenga Ikiye ahanjikile ngachize, “Keshi limwe lizu navakahasa kuhakilako mokomoko kufumisako.” Nauya ngachilihi nakufumisako na kuhakilako, jino? Talenu, chinasoloka lihina chumamuka enu mukwechi kufumisa. Talenu?

<sup>242</sup> Etu muli Ikiye! Kahajino etu, hakupwa muli Ikiye, etu hanga tuli vakufwika ku kulifukula cha kulifukula na kulivuluka cha kaye. Talenu, Upahu wetu uze etu tunapu nawo na kuwahilila nawo, etu hanga wakufwika kuli vakuweluka. Vakiko

kushinganyeka nge “kuzaluka, nati,” cheka. Talenu? Talenu? Echi chakwoloka. Oloze etu tuli muno, muli Kulishitu, kujimika muli Ikiye, (Kolinde Watete 12), muli Ikiye, etu tuli vakutambula ku Upahu. Talenu? Oloze keshi kuwelukako; ove hanga uli nakutala, kukana Chize. Talenu?

<sup>243</sup> Shikaho jino etu vanatusanyika muli Ikiye, kupwa vakutambula kuli vosena vase Ikiye ali. Etu vanatusanyika muli Ikiye, chize chinapu chakusweka kuli vakakuzeneka kufwelela, ha lihina lya nyama ya nyama. Talenu? Vakiko vanatachikiza nge Upahu, vakiko veji kutanganga Echi, Chili mu Lizu hano, “uze Upahu wa Kalunga” na vyuma nge ngachize, chinapu kaha lizu kuli vakiko. Kuli etu, chinapu kusoloka! Talenu? Echi kacheshi cheka lizu ko; chinapu muchano! Amena!

<sup>244</sup> Kalunga ngwenyi, “Echa kupwenga kumunyika,” lize lyapwile lizu. Oloze jino kuli kumunyika. Echi kacheshi lizu ko; chinapu kumunyika. Talenu omu Ngwatwale?

<sup>245</sup> Jino echi kacheshi Lizu lya kusoneka kuli etu, chinapu muchano. Etu tuli muli Ikiye. Jino etu tuli nakuwahilila. Jino etu twamumono Ikiye. Jino etu twamumono Ikiye, eli Lizu, kulisolola Lyavene. Echi chili chakusweka, kuze, mwomwo (mwomwoika?) Echi chili chakufwika mumusonyi wauthu. Talenu?

<sup>246</sup> Mamalelo, vakiko kuhanjika, “Lize lizavu lya vathu, vayililile kulihi shikola? Chumamuka—chumamuka kutanga muka vakiko vatwama nacho? Kulihi, chumamuka—chuma muka vakiko vejile kufuma? Chumamuka—chumamuka—chumamuka lize lizavu veji kulinganga?” Talenu? Huu! Talenu, vakiko kavambachile Echiko.

<sup>247</sup> Lunga umwe ahanjikile kuli lunga mukwavo, likumbi likwavo, ngwenyi, “Ove watela kupandama ku chikungulwilo kupwa Mukakulishitu.”

<sup>248</sup> Ikiye ambile ngwenyi, “Yami ngu Mukakulishitu; Kangwapandama kuli vakikoko.” Huu-hu. Ngwenyi, “Kalunga ambachile kansa kufuma muli yami,” ngwenyi, “jino ove mushinganyeka ngachilihi hali chize?” Apwile ndotolo. Ikiye ambile ngwenyi, “Ngulweke yami vikungulwilo kulinga chize.” Talenu? Chosena chakwoloka. Talenu? Echi chili hanga chakufwiki.

<sup>249</sup> Etu tuli mukachi ka Kulishitu. Jino, nge jino, vakakufwelela vamuchano vosena vamuchano talenu Ikiye, eli Lizu lya lushiko lya likumbi lino, kusoloka kusoloka hatoma. Lize likiko lizu lyalinene kachi ove unahase kupwa nacho. Talenu? Talenu? Vakakufwelela vosena vamuchano, vase vali mu Lizu, talenu Kalunga asokoloka. Lize lihina valipulile, kaha Kalunga kwimana hatoma kumeso enu, kulisolola. Talenu? Kalunga, kulisolola, hatomato.

250 Mangana kuli echi, lihina visemwa vyetu vya vikungulwilo vya mwaka lyatela kupilika cheka., Mangana kumona chuma muka Echi chili, enu mwatela kwiza nakulovoka kufuma mukachi ka vyuma kana. Talenu? Enu kamweshi kulinga echiko; vakiko navakaya nakukoka lize lihina kufuma kuli enu, kalalwola, “Mamalelo, kakweshi chumachimwe na Chizeko.” Oloze hano Echi vachisoneka, kaha hano Echi chinasoloka, mwamono. Talenu?

251 Jino, ngachilihi nge mukweze mwakana kumona musana, kuhanjika, “Mamalelo, kuze, Ngunatachikiza Kalunga ngwenyi, ‘Echa kupwenga kumunyika,’ oloze kakweshi chuma changochoko. Nguli nakuya nakushikumuka kunyima. Ngwa—Ngunakane kumona echi?” Uze mukweze ali wakuzaluka. Kuli chumachimwe chakuhenga na ikiye.

252 Kuli chumachimwe chakuhenga na lunga mokomoko pwevo, nahase kumona lushiko lwa Kalunga na, talenu Echi kusoloka, kaha jino kukana kufwelela Echi mwomwo chikungulwilo kukoka lihina hamavu. Talenu, kulifwika!

253 Mangana kulinga echi, lihina lya chisemwa cha chikungulwilo chetu lyatela kuhokoka, ha Shipilitu ya Kalunga ya Kakahya na Poko yauvela kuvali, eli linapu Lizu Lyenyi. Lwola lwosena Lizu Lyenyi linapu Poko Yeniyi. Talenu? Kaha Ikiye ambachile Poko Yeniyi yauvela kuvali lize likumbi, wakuzala na Kakahya, kaha kupula lihina kufuma kwishi. Ikiye eji kulinga chuma chochimwe na Poko yauvela kuvali lelo! Keshi “kunangula chami, mukanda wami wa jishimbi jauthu, katekijimu yami—yami.” Oloze Poko yauvela kuvali ya Mwata, talenu, lihina lyakufula hamavu, kaha enu namumona Kalunga kwimana hatoma to, kusoloka mu Lizu Lyenyi. Omu chawaha hakuchitala! Talenu? Echi wosena. Shipilitu Wajila wa Kalunga na Kakahya, Poko Yeniyi yauvela kuvali, kupula. Eli Lizu kupula lihina lya chikungulwilo.

254 Chamwaza, kachi ove wahanjikile kaha, “eli Lizu,” kaha Lizu kalyazatako? Kuwaha muka cha Poko yauvela kuvali hano, kaha kuhanjika, “Kayeshi kuhasa kupulako”? Kuhanjika, “Uh,” kaha kayeshi kuhasa kupulako?

255 Oloze omu enu namuhaka ize Poko yauvela kuvali ya Kalunga kuze kaha kumutala ikiye kupula, ikiye—ikiye kukwata na livoko lyakutongola lyakutuma kulinga ngachize. Talenu, kupula na kusokolola, kaha kuze Ikiye kupwa. Haze chasolwesa Kalunga hatoma mukusoloka, uze Yehova wamunene. Chize chinapu Lizu Lyenyi kupwa nakusoloka, chihanda chize vashikile chalino likumbi. Enu munachivwushisa Echi? Talenu? Omwo ize Poko yauvela kuvali, lushiko lwa lelo, muli lino likumbi, chuma muka chatela kupwa, kaha Kalunga kumbata Poko Yeniyi yauvela kuvali kupula lize lihina lya chikungulwilo kaha kukoka kunyima, kaha kulisolola Lyavene na kusolola

nge Ikiye ali kuze, hanga ize Panda ya mulangi wa Kakahya. Talisenu, chize chili Lizu kupwa lyakusoloka ha jishiko jalelo.

<sup>256</sup> Etu twamono Echi nge omu alingile Petulu omwo ikiye ahanjikile, “Mwata, kuli ikiye mwaya, hanyima ya kumona Echi?” Kulihi etu natuya? Liuka muka naliya nakulinunga, omwo etu twasemuka muli Umwe? Talenu? Chuma muka enu. . . Chikungulwilo muka enu munahase kulinunga hanyima ya kutachikiza Muchano, talenu, omwo vakiko (vosena) kukana Echi? Vosena! Kangweshi na umwe uze mwaya nakuhanjika mokomoko kulinga chuma hali Chize. Chakwoloka. Echi chakwoloka.

<sup>257</sup> Ngwaputukile hali uze mushipili nakushikumuka hano, kuze mauka fwote tu muchihela chimwe mwapwilenga mbwembwe; omwo Ngwahetele kuze, Kangweshi naumweko. Vosena vambile ngwavo, “Ikiye afwelela mu kukingiwa cha Hayamyaka.” Nge echa vakashimbi kuya. Umwe ambile ngwenyi, “Ikiye kujimika mu Lijina lya Yesu.” Chize kwecha vyosena hali vakiko, talenu. Shikaho, umwe wavo ambile ngwenyi, “Ikiye afwelela mu mbuto ya linoka. Uze linoka keshi na mbuto ko!” Chize echa. . .

<sup>258</sup> Eyi Mbimbiliya ngwayo, “Nanguya nakuhaka kole mukachi ka Mbuto na linoka.” Talenu? Talenu kuze?

<sup>259</sup> Echi, lize—lize lihina, vanazundula kufuma mu Lizu. Talenu? Echi chakwoloka. Echi vanachisolola kuli va kemba. Echi chili—echi chili chakuzunduka. Vakiko kumona Echi. Kaha mwaya nakupwa, nge lwolalumwe ahanjikile. . . Chize chakwoloka. Kahajino nachiya nakupwa, nge omu ahanjikile, “Omwo enu namumona,” omwo eli lihina linafumu mu Lizu, visemwa vanafumisa mu Lizu, nge omu ahanjikile Yesu, “Omwo enu namumona Yami, enu mwamono Tata.” Talenu? Kalunga na Lizu Lyenyi linapu limwe. Jino enu munevwushisa? Omwo eli Lizu linasoloka, chuma muka Echi? Talenu?

<sup>260</sup> Yesu ambile ngwenyi, “Tondenu mu Visoneka, enu munashinganyeka enu kupwa na-. . . Enu munafwelela muli Kalunga, kufwelela nawa muli Yami. Kachi Kangwalinga milimo ya Tata Yami ko, kahajino kanda Mungufwelelako. Oloze kachi Nangulinga milimo, Nguli na Tata Yami twapwa Umwe. Omwo enu namumona Yami, enu munamono Tata.”

<sup>261</sup> Kaha omwo enu namumona Lizu kusoloka, enu mwamono Tata Kalunga, mwomwo eli Lizu linapu Tata. Eli Lizu linapu Kalunga. Kaha eli Lizu, kusoloka, kupwa Kalunga Lyavene kuhanjika Lizu Lyenyi na kusolola Echi mukachi ka vakakufwelela. Kakweshi chuma chinahase kulingisa Echi kuyoya oloze vakakufwelela, kupwa vakakufwelela kaha. Echi kacheshi. . . Echi kacheshi. . .

<sup>262</sup> Ove kumbata tiliku na mutondo mu na—mu na—na kuhandunuka cha mavu, nauya nakukula. Oloze, chumamuka kupwa na wilo umwe mumavu kukaula tiliku yimwe. Kaha



kachi kuze chili...kachi kuze wilo kupwa mumavu keshi—keshi, ize tiliku kayeshi kusoka mwomwo ya wilo, nachiya nakukula. Shikaho numbathuhu Lizu layaholokela halihi, kachi Kachakalyeshi kuholokela ha muyachi wa muchima . . .

<sup>263</sup> Yesu ahanjikile ngocho. “Jimwe kuholokela mujila, hamavu amalwola, kaha tujila vamwilo kujilya.” Kaha jino Ikiye ambile ngwenyi, “Jimwe kuholokela hamingonga na mituvapoko, jikiko hakukula kupwa nakujitua tuva,” visemwa, vikungulwilo, vyakulizakamina Kujitua. Oloze ambile ngwenyi, “Jimwe jayile nakwingila mumavu amwaza kaha janehele likulukaji na likulukaji,” ambile ngwenyi, “uze ukiko Wangana wa Kalunga.”

Echi chinapu chuma chochimwe, talenu, vamwe kaveshi kuhasa kufwelela ko.

<sup>264</sup> Vamwe navakaya nakufwelela chindende, nge tumbaji. Vakiko kumukavangiza Ikiye, vavavulu, vaze likumi navavali kumukavangiza Ikiye hamyaka yayivulu, kuwana nge; pamo mwaka na chimbwa, mokomoko myaka yivali; kuwana kaha, palanga vakiko kuwana chumachimwe muli Ikiye, vamwe . . . nge jila yimwe Ikiye apwilenga na ngolo jimwe ja kulinga vyuma evi, mokomoko nge lihinji lya mbwanda, nge mukavisava, chuma Ikiye nahase kulinga nakuneha vyuma kana, omu Ikiye ahashile kutachikiza chumamuka chapwilenga mumichima ya vathu na chumamuka vakiko vapwilenganakunwa. Kaha vakiko makumishilo vawanyine nge Ikiye ahanjikile nge Ikiye “kwiza kufuma Mwilu,” Ikiye “apwilenga lize Lizu lya Ivene.” Kaha omwo vakiko valingile ngachize, chize chapwile chikuma hali vakiko. Vakiko ngwavo, “Naumwe muthu mwahasa kwivwushisa Echi.” Kaha vakiko kutambuka nakuya kufuma kuli Ikiye. Vaze vakiko vaze vaholokelele ha mingonga.

<sup>265</sup> Naiya nakuneha vyuma vyovimwe, mukala chikungulwilo, enu mukwechi vakakulifwanyisa kufwelela, vakakuzeneka kufwelela, kaha vakakufwelela. Echi chinapunga mukala chikungulwilo. Enu namuwana lwola lwosena. Vamwe muli vakiko vali nge vakakufwelela, vaze vakiko vavapi chikuma. Kaha jino vakiko vapwile navaze vene vakakuzeneka kufwelela; ikiye keshi kukuyanjisako, ikiye mwaya kaha nakutambuka nakuya nakunyikisa mutwe wenyi. Oloze vaze vakakulifwanyisa kufwelela, kuhanjika nge vakiko vakakufwelela, uze ukiko muyachi, uze ukiko muyachi enu mwatela kutalaho chikuma, vaze veji kulingisa kufwelela kufwelela. Kaha jino kuli vakakufwelela vamwe vamwenemwene. Talenu vakiko vatatu kuze?

<sup>266</sup> Kuze kwapwilenga vakakuzeneka kufwelela. Haze vene Ikiye ambile ngwenyi, “Kulya Nyama ya Mwana muthu,” mamalelo, muthu, mukiko chapwile!

<sup>267</sup> Veka nawa Vakakulifwanyisa kufwelela. Vakiko vatwaminenga palanga, kupwa kaha nge nakulinga nge Yuta

palanga nakusongo.

<sup>268</sup> Oloze jino vakakufwelela vamwenemwene, vakiko kavahashile kulumbununa Chizeko, oloze vakiko vafwelelele Chize, kalamwosena. Vakiko vayile nakuhita.

<sup>269</sup> Lize lihina, chisemwa cha vakakuzeneka kufwelela, kumbata, mwamono Kalunga. Omwo lize lihina lya visemwa vanafumisa, enu munahase kumona nge Kalunga hanga apwa Kalunga ka Lizu Lyenyi. Ikiye hanga alama Lizu Lyenyi. Ikiye napu—Ikiye napu Kalunga, Mukakuhana Lizu Lyenyi.

Chize chinapu chakusweka kunyima ya lihina, kuli veka. Eyo, echi chakwoloka. Kuli vaze kaveshi kuya kunyima ya lhinako, Ikiye hanga ali kunyima ya lihina.

<sup>270</sup> Tachikizenu. Kahajino, etu, kahajino etu tuneza nakupwa chihanda cha Ikiye, nge omu uli lihina lize Ikiye. Ove uli chihanda cha Ikiye, kachi nge Kulishitu ali muli ove, nge Kulishitu apwilenga wa Kalunga. Mwomwo Kalunga apwilenga muli Ikiye, amutengele Ikiye kupwa Kalunga. Kaha nge Kulishitu ali muli enu, litalililo lwa Upahu, enu namwiza nakupwa chihanda cha Kulishitu. “Wosena mwafwelela hali Yami, milimo eyi Ngulinakulinga naikiye nawa mwakayilinga.” Talenu? Enu namwiza nakupwa chihanda cha Kulishitu kachi nge Kulishitu ali wakuswama muli enu. Kahajino alifwikile kuli vakakuzeneka kufwelela, oloze munatachikiza Ikiye ali muli enu. Enu munapu tembele ya Kulishitu ize yili kunyima ya lihina, chize chikova. Jino etu, mwomwo-. . .Kunyima, mwomwo ya lihina, lize lihina cheka munyama yauthu, kusweka Kalunga (lize Lizu) kufuma kuli kala mukakuzeneka kufwelela.

<sup>271</sup> Nge omu vanachisoneka, talenu, “Chakusoneka, enu munapu mikanda ya kusoneka,” eyi Mbimbiliya ngwayo. Jino, *mukanda* wakusoneka chumamuka? Uli “lizu lyakusoneka.” Kaha enu munapu “vakusoneka.” Mazu akwavo, enu munahase kutanga Echi nge ngachize, “Enu,” Yahanjika, “enu munapu mikanda yakusoneka,” mokomoko, “enu munapu Lizu, lize vanasoneka, linasoloka,” kwauchi vyakuhakilako kuli Echi. Enu kamweshi kuhanjika, “Yami ngumukanda wakusoneka,” kaha kuyoya mujila yikwavo ya chumachimwe oloze chuma *Echi* vanachisoneka lyehi, mwomwo kwauchi vanahakeko mokomoko vanafumisako.

<sup>272</sup> Nge Ndotolo Lee Vayle kusoneka mukanda wa puho, Ngwatondo enu kumona echi hanyima chindende. Ndumbu walunga Vayle ali hano, ali ha mavu kumwe. Ngwamumwene ikiye kuweluka. Kangweshi kushinganyeka nge ikiye nahase kwingila. Oloze ikiye kusoneka mukanda kuze, kaha—kaha kupwa chuma chakulimanyina, chamu Chisemunino cha Lauchiseya. Kaha Ngwatondo enu. . .Echi nachiya nakufuma nakushindakana linwaha. Shikaho, etu tuli nakumbata kutanga

chamakumishilo jino. Kaha apwile nakusoneka, kaha etu twapwile nakushimutwila Echi muze, talenu, ha . . .

<sup>273</sup> Kala muthu lwolalwosena kwiza kuli yami, ahajikile, “Ndumbu walunga Branham, ize mikalateta yitanu nayivali ize yahanjikile, kaha Ikiye ambile ngwenyi, ‘Kanda Uyisonekako, talenu, oloze Yisoke,’” ambile ngwenyi, “ize nayiya nakupwa mikalateta yitanu nayivali navakaya nakuyisokolola mumakumbi akumakumishilo, talenu, mikalateta yitanu nayivali ize nayiya nakutulweka etu?” Jino, echi kacheshi nakwivwakana kanawako? Talenu? Oloze tala chuma muka ove uli nakuhanjikaho omwo ove muhanjika chize.

Ikiye ngwenyi, “Talenu nge enu kusoneka Echi keshi ngochoko.” Talenu? Ize mikalateta yitanu nayivali kuhanjika mazu avo, talenu, kaha Ikiye ngwenyi, “Kanda kusoneka chizeko, talenu, oloze Echi chatela kupwa vakujika mu Mukanda palanga makumbi akumakumishilo.”

<sup>274</sup> Jino muthuumwe napunga, vavavulu vali nakuhanjika kuli yami, kaha vakakutanga vyauthu ngwenyi, “Ndumbu walunga Branham, kachi Mwata Kalunga . . .” Ngwenyi, “Kachi—kachi . . . Na kutachikiza chove, nge Mwata nakuhane kuli vathu Jenyi,” kuhanjika mukulikehesa, ngwenyi, “ove muya nakupwa wakutela kusoneka na—na Mbimbiliya ove lyavene, Lizu lyove, kachi Kalunga nalisolola.”

<sup>275</sup> Ngwambile ngwami “Chize chinahase kupwa muchano.” Talenu, ikiye apwile nakweseka kungukwata yami. Talenu? Ngwambile ngwami, “Oloze, mwamono, Kangwahashile kulinga ngachizeko.”

Ikiye ambile ngwenyi, “Mwomwoika ove unahonena? Ove ukwechi vyosena vyatondeka.”

<sup>276</sup> Ngwambile ngwami, “Oloze, ove tala lizu kaweshi kukako mokomoko kufumisako.” Talenu?

<sup>277</sup> Kaha ikiye ambile ngwenyi, “Chamwaza, jino, ize mikalateta yitanu nayivali, mwamono,” ambile ngwenyi, “kumana yize mikalateta yitanu nayivali kuhanjika, kumana chize kacheshi Kusolokako vanahane kuli muthu umwe?”

<sup>278</sup> Ngwambile ngwami, “Nduma, mwane, nachiya nakupwa kuhakako chumachimwe kuli Echi mokomoko kumbata Chumachimwe kufuma muli Chize.”

<sup>279</sup> Vyosena vinasoloka Muze, kaha Tutachikijilo Tutanu na Tuvali kusokoloka chumamuka Chize chapwilenga. Omu mukiko chapwile. Talenu, echi chili lika mu Lizu. Enu mwamono, enu kamweshi kuhasa kulovoka muli lize Lizu ko. Echi kacheshi kuseza Lizu ko. Kaha Shipilitu ya Kalunga kaya nakuseza lize Lizu ko. Nachiya nakupwa chakwoloka naeli Lizu; kufwika vamwe, kaha kusokolola meso aveka. Nachiya lwolalwosena kulinga ngachize.

<sup>280</sup> “Enu munapu mikanda yakusoneka, yakutanga kuli vathu vosena.” Mokomoko... Ngwalumuna Chize, kwalumuka nakujinguluka mujila kana, talenu, kwalumuka kaha na Echi nakujinguluka, “Enu munapu mikanda yakusoneka yiza vanasoneka,” mwomwo kamweshi kuhakako kuli Echi, “chize kutanga cha malunga vosena; kusoloka Lizu lya Kalunga,” mujila ikwavo.

Kaha Petulu na Yowano, kusolola echi, omwo vakiko vayile kuze, vakiko vashinganyekele nge vakiko vapwile vakuhona kutachikiza kaha vakuhona kutanga, vakiko kavapwile na kutangako, oloze vakiko vambachile vakiko vapwile na Yesu. Talenu? Vakiko vapwile vakuhona kutachikiza kaha vakuhona kutanga, oloze vakiko vapwile vakusoneka mikanda, talenu, tangenu nge vakiko vanapunga na Yesu. Mwomwo, Yesu apwilenga nakulisolola Lyavene kuhichila muli vakiko, Kulishitu alifwikile mumujimba wavo; kusoloka, kupwa wamutonyi.

<sup>281</sup> Nge Ikiye apwilenga muli Mose. Omwo lize Lizu lyapwilenga muli Mose, ikiye apwilenga Kalunga mumusonyi. Omwo Chapwilenga muli Yesu, Apwilenga Kalunga mumusonyi. Talenu? Chuma chimwe Ikiye alingile shina kwalumuna likishi Lyenyi, keshi Lizu Lyenyi ko, keshi chisemwa Chenyi ko. Ikiye apwa youmwe zau, lelo, na haya myaka. Ikiye alumwine kaha chifwanyisa Chenyi. Ikiye alumukile kufuma kuli Nowa na kuli Mose; Ikiye alumukile kufuma kuli Mose na kuli Ndavichi; kufuma kuli Ndavichi, Yosefwa; kushikumuka palanga Ikiye ejile nakwingila mukuzalilila cha Ukalunga mumujimba. Talenu?

<sup>282</sup> Echi chili chochimwe Kalunga youmwe! Amena. Amena. Ngwafwelela chize chili nakuhita. Talenu? Ali Kalunga youmwe, oloze Ikiye eji kumbatanga lihina likwavo. Talenu, Ikiye ahakile lihina likwavo.

<sup>283</sup> Ikiye achilingile kuli vakakutungulula, kumbata lize lihina, kumbata lize lihina. Palanga, makumishilo, Chejile nakushikumuka kuhita muchisemunuino cha Luteleni, kushikumuka nakuhita muchisemunuino chikwavo, jino makumishilo Nayiza nakupwa Yakukuma. Kupwa kaha shimbu kanda Izenga, kapolofweto kukatuka cheka. Chumamuka chalingikile, cheji kuneha muvwimbimbi ha Lizu, kusolwesa kunyuma kuze hano, kusolola chumamuka chalingika, chumamuka chaseleho, nge Liuka kalyeshi kupwa chakuzeneka... chakuzeneka kwivwushisa. Jino omu naufuvalala, jino, nge Yowano ambile ngwenyi, “Ngwatela kukeha, Ikiye atela kutohwa,” jino mwosena na mwosena kwiza nakwingila muli Ikiye. Ikiye asolokele vene, kuhichila muli Luther, Wesley, na chisemunuino cha Pendekosita, kaha kushikumuka, nakushikumuka, Ikiye ali vene nakusoloka, wamono, kwiza nakushikumuka, kupwa kaha nakusoloka,

Kalunga kulifukununa: Talenu Ikiye (Jino, talisenu.) kuzalishiwa jishiko Jenyi ja likumbi *lino*, nge omu *vakiko* vapwilenga.

<sup>284</sup> Jino Mose apwilenga lize Lizu lize, mwomwo lize Lizu valihanyine kuli ikiye lize likumbi; Mose. Yosefwa apwilenga lize Lizu mumakumbi eyi, kusolola Kulishitu vene. Talenu, umwe wavo apwilenga lize Lizu.

<sup>285</sup> Kaha omwo Yesu ejile, Ikiye apwilenga Lizu mukuzalilila Chacho, mwomwo pungu yosena ya kusokola muli Ikiye. Ize pungu yosena ya kusokola kayahakile muli Mose ko, kayatwama muli Yosefwa ko, kayahakile muli Elija ko. Talenu, vakiko vapwile kaha chihanda cha Lizu, kwinyika kuli Chize. Talenu? Jino tachikizenu, lamenu vishinganyeka vyenu; hano Chejile, nge omu Nanguhanjika. Talenu, pungu yosena kayapwilenga muli vakikoko. Vakiko vapwile nakwinyika kuli Chize.

<sup>286</sup> Shikangaho, hanyima ya Ikiye, Kuzalilila, etu katweshi kuhasa kwinyika kuchuma chekako. Echi chili nakwinyika kuli Ikiye, eli Lizu. *Echi* chinapu Kusoloka chakukuma; kwauchi chakuhakako mokomoko kufumisako kuli Echi. *Kuli* Kusoloka chakukuma. Vyosena vize, muvwimbimbi wa Ikiye kwiza; oloze omwo Ikiye ejile, Ikiye apwilenga Wakukupuka. Hepeleu 1, “Kalunga mulwola lwakunyima kuhanjika kuli vakakuluka kuhichila muli tupolofweto,” Kalunga ahanjikile kuhichila mulihina, tupolofweto, “oloze mumakumbi akumakumishilo kuhichila muli Mwa Nenyi, Yesu Kulishitu.” Yenu haze vene. Kulifukununa muze mu Kavali, Mwana Kalunga, kulifukununa.

<sup>287</sup> Talisenu, “atulingishile kupwa wakuyoya.” Kaha, lelo, omu lize Lizu kusolola mumujimba wauthu, kuliwuva, echi chili vene Lizu kuzalishiwa muli lize likumbi, lize lyeji kukinduluka kuli Kalunga. Kupwa vakujimika muli Ikiye, kutesekesa na Kolinde Watete 12, etu tuneza nakupwa wakusoloka hamwe na Ikiye. Amena.

<sup>288</sup> Ngwambile ngwami chimbwa cha ola, oloze Ngunahase kupwa chindende? [Chikungulwilo ngwacho, “Amena.”—Muka.] Talenu? Tala, Kangweshi kuhasa kujimbalisa echiko hano vene. Tachikizenu, kulisolola hamwe na Ikiye!

<sup>289</sup> Jino tachikizenu. Vangahi venyembo va America vali hano? Zundulenu mavoko enu. Chosena chakwoloka, ove unapu mwenyembo wa America, jino ove uli wakusoloka hamwe na eli lifuchi. Kala lifuchi lili, enu mwatela kupwa. Echi chakwoloka? Enu munapu vosena vaupahu wenyi kaha enu vosena munapu vasonyi. Ove unapu wakusoloka hamwe na ikiye. Enu munapu vaka America, shikaho enu mbatenu America. Haleluya!

<sup>290</sup> Ngwapwile na George Washington omwo ikiye azaukile Delaware. Ngwalisolwele hamwe na ikiye. Echi chakwoloka. Ngwapwilenga na Abraham Lincoln kuze ku Gettysburg Address. Ngwapwile ngunemana kuze. Ngwapwile na maswalale

kuze ku Guam, enu vanyike vamaalunga, omu enu mwamikile ndembele. Ngwapwile kuze. Ngwapwa ka America; Ngunapu wakusoloka hamwe na echi. Amena. Jino, hakupwa ka America: kalamwosena musonyi muze Mukutuluka, Ngwambachile echi, mwomwo Nguli ka America. Echi chakwoloka.

<sup>291</sup> Kaha nge Mukakulishitu, Nguli wakusoloka hamwe na Ikiye. Amena! Ngwapwile na Nowa omwo ikiye ayile muwato. Ngwapwile na Mose omwo ikiye ejile nakulovoka mu Ejipitu. Amena! Ngwapwilenga Elija ha Pili ya Ngamela. Eyo, mwane! Upahu kuli Kalunga! Ngwapwile na ikiye omwo ikiye alingile chize. Ngwapwile mwamuchano na Ikiye, Ngwalisolwele amilyavene mu kufwa Chenyi kuze ku Kavali omwo Nangukafwa kuvyuma vya kaye, kuli yami lyavene na visemwa vyosena. Ngwalisolwele hamwe na Ikiye. Ngwalisolwele hamwe na Ikiye ha chimene cha Paseka omwo Ikiye asangukile kufuma kuvafu. Ngwalisolwele hamwe na Ikiye ha Likumbi Iya Pendekosita, omwo Shipilitu Wajila ejile nakushikumuka nge kuhuhwa cha peho yayinene. Ngwalisolwele hamwe na Ikiye. Vyosena vize Ikiye apwilenga Ngwapwa, vyosena vize Ngwapwa Ikiye apwilenga; amena, hakupwa wakufwa muli Ikiye etu tuli vakutachikiza na Ikiye. Chuma muka Ikiye ali Ngwapwa. Amena!

<sup>292</sup> Mwosena omu lili lino Lifuchi mukiko Ngwapwa. Nguwakuwahilia kupwa ngachize. Nguli wakulizanga kumbata sonyi yenyi. Nguli wakulizanga kumbata kutoleka hakupwa ka America. Echa chakwoloka. Kaha Nguli vavali kuli Yesu Kulishitu! Vyosena vize Ikiye apwilenga Ngwapwa. Ngwazanga kupwa wakusoloka hamwe na Ikiye.

<sup>293</sup> Vakiko vapositolo, omwo vakiko vakindulukile, vakiko vashinganyekele... vakiko vapwile nakusekeleka, kaha vasanyikile vyuma vyosena, vakiko kushinganyeka chapwile chakuvaumbi kumabta kutoleka ha Lijina Lyenyi.

<sup>294</sup> Ngunawahilila lelo kupwa umwe wavo, kupwa wakusoloka hamwe na Lizu, ou napu Kulishitu. Kulisolola hamwe na Ikiye! Kupwa vakujimika muli Ikiye, etu tuneza nakupwa wakusoloka; kusoloka hamwe na kufwana Chenyi, kusoloka hamwe na Lizu Lyenyi, kupwa Ikiye. Kachi Nguli muli Kulishitu, Yami ngunapu Lizu Lyenyi; mwomwo Ikiye napu Lizu, kaha chuma muka Ikiye apwa Ngwapwa. Amena! Enu munachivwushisa Echi? Chosena chakwoloka.

<sup>295</sup> Eli Lizu kusoloka, mokomoko kulisolola muli chize Kusoloka muli chize, jino chize cheji kuhakamo yami? Kachi Ikiye napu Upahu wa Shikina, Ngwapwa chihanda cha Echi. Amena! Mamalelo! Amena! Echi chakwoloka. Eli Lizu Livene kulisolola, kusoloka Chivene.

Shinganyeka! Awa mangana akusweka a Kalunga kuwalingisa kuwatachikiza kuli etu nakulikumbi lino, ha

Muluwa wa Mwilu uze vamutachikijile kuli vakiko mumakumbi aze; tachikizenu, ize Panda ya mulangi wa Kakahya ize yatumine Mose; ize Panda ya mulangi wa Kakahya ize yapwilenga hali Mose ize ya kusoneka eyi Mbimbiliya; ize Panda ya mulangi wa Kakahya ize Paulu aliwanyine mujila yakuya ku Ndamashiku.

<sup>296</sup> Kaha Paulu asonekele Tesitamende Yayihya. Anuka, Matewu, Mako, Luka, na Yowano, vakiko vasonekele chumamuka vakiko vamwene; oloze Paulu apwile na Kusoloka. Ikiye akokele Chize, mwomwo ikiye aliwanyine na Panda ya mulangi wa Kakahya, lyavene. Kaha shinganyeka, chochimwe. . .

<sup>297</sup> Kuze, Yosefwa, vosena kusoneka chuma vakiko vatwalileho, wosena asonekele kunyima muli lize likumbi. Oloze omwo Mose ejile nakusoloka, ikiye apwilenga na Kusoloka. Ikiye aliwanyine na Panda ya mulangi wa Kakahya, kaha Echi vachisolwele kuli Mose omu Kuputuka. Ikiye asonekele mikanda yatete ya Mbimbiliya, Mose alingile. Echi chakwoloka? Mwomwo ikiye aliwanyine na Kalunga muchifwanyisa cha Panda ya mulangi wa Kakahya, kulifwika mu Panda ya mulangi wa Kakahya.

<sup>298</sup> Omwo Paulu aliwanyine na Ikiye mujila. . . Vaze tumbaji vasonekele kaha chuma vakiko vamwene Ikiye kulinga, oloze Mose apwilenga na Kusoloka; ayile nakushikumuka mu Ejipitu mumyaka yitatu na kutanga, kaha kumona nge Kalunga wa Tesitamende Yamwaka apwilenga Yesu wa Chachihya, chize Kusoloka! “Kangwazachile ku chimweno cha Mwilu ko.” Echi chakwoloka. Chakwoloka!

<sup>299</sup> Kaha shinganyeka hali Echi! Ize Panda ya mulangi wa Kakahya ize yeyile hali vaze malunga vaze vasonekele eyi Mbimbiliya, napu Panda ya mulangi wa Kakahya yoyimwe hano, lelo, kulumbununa eyi Mbimbiliya. Amena! Omwo etu twasakwilila Ikiye hali chize! Chochimwe! Kuvendejeka kana! Katachikijilo kana! Ngunawahilila kupwa wakusoloka muli chize, Ngunahono kutachikiza chumamuka chakulinga! Ngwatela kupwa wakusoloka muli Chize kuhambakana va Mbaputishiti, Mesondisiti, Pulishiteliyani, Luteleni, na vosena vakwavo. Kulisolola muli lize Lizu kuze uze Upahu wa Shekina na kupwa na Kusoloka!

<sup>300</sup> Ize Panda ya mulangi wa Kakahya kusoloka mukachi ketu, kusolola nge Mujimbu uli wakwoloka, nge omu Ikiye alingile ha Pili ya Shinayi. Anuka, shimbu kanda mujimbu wamuchano kwiza nakulovoka, Mose anangwile kaha ikiye avatwaminyine kufuma mu Ejipitu; oloze kuze, shimbu kanda jishimbi jivene japwilenga haze (vaze Tutachikijilo kutuneha), Kalunga ejile nakusoloka kumeso avathu na kwinjikiza nge Mose vamutuminyine kuli Ikiye, (chize chakwoloka?) muze mu Panda ya Kakahya ize Mose ahanjikile ikiye kumona musenge nakuhanjika kuli ikiye.

<sup>301</sup> Mamalelo, mu makumbi akumakumishilo, kumona ize Panda ya mulangi wa Kakahya mukachi ketu, kuhanjika Lizu lyolimwe; keshi kaha chize kahako, oloze kulumbununa Echi ha kusolola Echi kusoloka, kaha kwinjikiza Echi, Ou unapu Muchano.

Shikaho, vase vathu kaveshi mujila yakuzeneka kufwelela, kuvanga vakiko vanatondo mwakulisakwila. Kaha, jino, “Wosena mwaya na kupwa na chinyingi cha Muchano, kakweshi cheka mulambu wahashili ko.”

<sup>302</sup> Tachikizenu, Panda ya mulangi wa Kakahya yoyimwe yatumine kuli Mose na kuli Paulu, ize vasonekele eyi Mbimbiliya, jino atumine Echi. Lize likoji lya Kalunga, Kalunga wakuzeneka kwalumuka, kuzalisa jishiko ja Mateu 28, “Tala, Nguli nayenu lwola lwosena”; kuzalisa Mukakujila Yowano 14:12, “Eyi milimo Nguli nakulinga, naenu nawa”; kuzalishiwa cha Mukakujila Luka 17:28-29, “Mumakumbi akumakumishilo Mwana muthu navakamusolola,” talenu, talenu; Malaki 4, “Tala, Nangukatuma kuli enu Elija kapolofweto, chize nachiya nakutungulula Lufwelelo lwa vathu kukinduluka ku Lizu lyatete.” Talenu? Omu echi. . . Talenu? Mamaah, yami!

<sup>303</sup> Ikiye afwile, kulisolola Lyavene kuli etu. Jino echa tufwenga kuli lyavene, kulisolola Ikiye kuli veka. Echa tufwenga kuvisemunuino na vyuma, kusolola kuli Ikiye kuliveka. Kufwa kuvikungulwilo, kusolola kuli Ikiye nakuveka.

<sup>304</sup> Talisenu, tembele yamwaka yapwilenga muli chize Upahu wa Shikina, kaha Kumunyika cha Shikina ha Lizu lya shikina. Eli Lizu kupwa Katachikijilo; Echi chanehele mbolo kuli vakakufwelela kaha. Aze Manyinga nawa ha lushiko; kaha Manyinga napu meya, aze meya kupwa kuyoya chamulinona, lze tiliku, mbutu, eli linapu Lizu.

<sup>305</sup> Nge Yesu ambile ngwenyi, “Nge Mose azundwile linoka lya unengu,” kaha jino cheka Ikiye ambile ngwenyi, “Kalunga azangile vakamavu Ikiye avahanyine Mwana umwe kaha lyamunwe; wosena afwelela hali Ikiye katela kunongako.” Mose avetele lize lilolwa muze mupambo, kulwila vathu vakunonga, mokomoko kuneha meya. Kalunga amuvetele Yesu, kuneha Shipilitu kumufumisa muli Ikiye, hali vathu vakunonga. Aze Manyinga afumine kuli Ikiye, ali, “Meya akukosa ha Lizu.” Uze, Meya kuneha Kuyoya ku Mbutu. Kaha chanehele Upahu wa Shekina; kumunyika hali eli Lizu, uze nanehe kufuma kumbolo. Kaha ize mbolo yapwilenga vene yakusakula vathu. Hu-huu. Echi chakwoloka?

<sup>306</sup> Jino kuhokola mulihina, kuhichila muli lihina, Kumeso Eyi, kuze kuli Lizu (keshi kunangula chauthu), eli Lizu; muze kumona Upahu wa Shikina, ize Shikina, Ngolo, Shipilitu Wajila kumunyika ha Lizu, kuneha cheka lushiko, kusolola nge enu muli kunyima ya lihina. Amena!



Ngunazauka lihina lya kakahya kuze kuli  
 Upahu kalyahonako, (Huu!)  
 Haleluya, Haleluya;  
 Nguli nakuyoyela Kumeso a Mwangana.  
 Ngunazauka mahina atulwiji kuze Upahu  
 kawahonako,  
 Nguli nakuyoyela Kumeso a Mwangana.

<sup>307</sup> Chize chikova cha chipupi chamwaka, vikungulwilo, kupulika. Ngunahokola chize, kwingila mu Upahu wa Shikina, kaha Ngunamono Lizu. Ngunamono Panda ya mulangi wa Kakahya kutambuka. Ngunamono Lizu kusoloka. Chuma Ikiye ahanjikile Ikiye mwaya nakulinga mumakumbi akumakumishilo, Ngunamono echi kukula. Ngunamono vaze vana kulya ize Mbolo ya Shekina kwiza nakufuma mukuhyu cha lize Lizu, vaze vafwelela Echi. Amena! Omu ola yamwaza etu tuli nakuyoyelamo! Talenu, ize Shekina yapwilenga mu Lizu; kaha mwishi kuze yapwilenga Mbolo. Kaha kuze kwapwilenga Manyinga, wakusapwile, akiko eji kuhana meya. Ou Shipilitu eji kuhana Kuyoya ku Lizu. Kaha va . . .

Vangahi vatanganga lyehi, vevwile eyi tepu hali *Chize Cheseke*? Eyo. Enu vavavulu muli navo. Enu mwamono kuze, cheji kumbatanga . . .

Lize Lizu lyatela kukula. Mangana kukula, Lyatela kupwa mumuyachi wakwoloka wahamavu. Talenu? Kaha Kalunga eji kulingisa lushiko, kaha nachiya nakuveta ha muchima, kacheshi kuhasa kuhonako.

<sup>308</sup> Nowa avandaminyine ha handulendi na twende. Apalahama avandaminyine ha myaka twende faifi, hali mwana. Kalunga ahanjikile ngocho, kaha chize chakumishile chize. Talenu? Chuma muka echi? Lize Lizu lyapwilenga muze mumeya ha lufwelelo, kufwelela Echi, kuneha na kusoloka. Chanehele mwana; chanehele vula; chanehele livaji; chanehele uze sanda uze apwilenga wakwimita.

<sup>309</sup> Kapolofweto ambile ngwenyi, “Mujike mwakaya nakwimita.” Kukakasana chauchi nge kala kanyike wapwevo kuya nakupwa nauwalo wa kema wakulizanga lyehi. Chamwaza, uze kapolofweto Isaya apwilenga kapolofweto wakwinjikiza, wakwinjikiza kuli Kalunga. Kaha Mwata ambile ngwenyi, “Mujike mwakaya nakwimita. Nguli nakuya nakuvahana chinjikizo chaukalunga, chinjikizo chachinene; sanda mwakaya nakwimita.”

<sup>310</sup> Kuze, vathu vosena, vaze vakakufwelela, chochimwe nge omu enu vosena. Kaha vakiko vevwile uze kapolofweto kuhanjika chize, kala kanyike wapwevo . . . Kala muthu ngwenyi, “Chize nachiya nakupwa mwanami wapwevo. Eyo, mwane.” Kalamuthu kuya na kuneha manjombolo nakutalila mumbango na vyumavimwe, kupwa vyakulizanga,

mwomwo vakiko vatachikijile nge mwaya nakupwa nacho. Chize chisemunino kuhita, kaha vakiko kushinganyeka, “Uze kapolofweto wakwinjikiza, kwinjikiza Kalunga, omu ikiye avalwekele kalachuma chapwile chakuhenga? Chize chatela kupwa ngocho!”

<sup>311</sup> Chapwilenga myaka handulendi yamwaka kulutwe, oloze ikiye anehele uze kamba. “Melu na mavu nawakahita, oloze Lizu Lyami kalyeshi kukahitako.”

<sup>312</sup> “Kaha nachikasoloka kumakumbi akumakumishilo,” mwanambe Kalunga. Talenu, hano etu tuli, va—va Kumunyika ha Lizu. Nge kumunyika cha likumbi kwalumuna mbuto kufuma mu upahu, etu nawa kwiza nakupwa—kupwa cheka chikuma nge Ikiye nge omu etu kuyoyelamo Kumeso Eyi; nge Ikiye, kupwa wakwumuna chifwanyisa cha kukisu Yenya nge etu kutambuka na Ikiye.

<sup>313</sup> Tala chumamuka cheji kuzatanga musana. Ove mutumba mbuto, chumamuka nachisoloka? Ize mbuto kupola. Mukachi ka mbuto muli kuyoya. Chize kuyoya chejile nakulovoka na kuneha chikota. Jino, chize kachasolokele nge chateteko.

Kuli Luther. Chapwilenga chikota. Chosena chakwoloka.

Chize chikota chayile kaha, chuma chatete munatachikiza, chanehele sangu. Talenu, chize chapwilenga kuhizumuka cha Wesley; kachapwile nge mukwavoko.

Kahajino kwejile kuhizumuka cha Pendekosita, talenu, kuneha lujimiko lwa Shipilitu Wajila. Chosena chakwoloka.

Chumamuka chasolokele? Etu kupwa na najimbandu kumatwitwi. Echi kuputuka kusoloka mwakuhenga. *Chuma* chimwe, *chize* chuma, kachasoloka nge lize Lizu ko. Kacheshi nge kunoka hali Echi. Echi chinapu nge Linona livene kuya lika.

<sup>314</sup> Oloze Kalunga hanga atwama lika kuze nakupwa na—na mwomumwe. Talisenu, chuma muka chalingikile? Echi makumishilo kukinduluka ku Mbuto yatete cheka. Omwo Ikiye ejile muchifwanyisa cha Martin Luther; omwo Ikiye ejile muchifwanyisa cha John Wesley; omwo Ikiye ejile muchifwanyisa cha Pendekosita; Ikiye atelele kusolola Lyavene cheka nge Mbuto yoyimwe yengililemo, uze Mwana muthu. Ikiye alisolwele Lyavene nge Mwana Kalunga, kuhichila muchisemunwino na vyangocho, oloze muli chino chisemunwino chamakumishilo Ikiye kulisolola Lyavene kupwa Mwana muthu cheka. Munachikwate? Chosena chakwoloka, nge kumaputukilo, kutungiwa!

<sup>315</sup> Chumamuka chalingisa chikota kukula? Chili nakukula lwolalwosena. Chize chikota chachindende kukula, hanga kacheshi nge linona lyatetko. Chipwe wapwilenga mujimbu wa Luther; nduma, kwejile ize—ize mijimbu yikwavo, Finney, Sankey, Knox, Calvin, kushikumuka, naumwe pimb. Vakiko

hanga vali namujimbu oloze, chumamuka chapwilenga, vakiko kavapwilengana Kusoloka chakukupuka cha Echi mwomwo kalwapwilenga lwolako. Ove kaweshi kuhaka linona Iya tiliku shimbu kanda lwola lwizenga. Talenu? Kaha jino, makumishilo, kwejile cheka Mbuto yatete ize yayile mumavu.

<sup>316</sup> Talenu, Kalunga kukavangiza chisemwa vene. Talenu, Ikiye asemukile mwana mukoko, ou ukiko mulonga Ikiye asemukile mumahina. Mikoko kavasemukila mumihelako. Talenu, Ikiye apwilenga *wakutetekela* ku Kavali. Mukoko wakutetekela. Echi chakwoloka. Vapembe kuvatetekela kuchijihilo, munatachikiza, zuvo yachijihilo. Pembe eji kuvatwaminyinanga, oloze vakiko vatela kumutwaminyina. Huu! Echi chakwoloka. Shikaho Ikiye vamutwaminyine kukujiha, talenu, mwomwo Ikiye apwilenga mwana Mukoko.

<sup>317</sup> Vyumavimwe kusoloka hamwe na Ikiye mu chisemwa. Ou ukiko mulonga Ikiye asemukile mu Kuwana mokomoko Kambambanalisa, keshi mu Kuvale; Ikiye keshi kupwa, kwapwile twendefoot ya meya amakaza kuze muli luze lwola Ikiye mwaka. Keshi numba musana wa kalunga ko, oloze Ikiye apwilenga Mwana Kalunga. Talenu? Loma kalunga walikombelo ha likumbi Iya twende faifi ya Kuvale, omu ize sola yahichile muvihela muze kaha vakiko kupwa vilika vya Vakaloma, kaha kuvuluka likumbi Iya kusemuka Iya kalunga musana, kaha vakiko veji kulingisa Mwana Kalunga. Nduma, nduma. Ikiye apwilenga Mwana Kalunga. Likumbi Iyenyi Iyakusemuka Iyapwile na chisemwa chosena. Mukiko vene.

Jino tachikizenu cheka jino shimbu tuli nakuya, etu tukwechi lwola lwalundende lwakuseza.

<sup>318</sup> Jino kupwa wakukupuka. Hanyima ya chikota kuwanyina; hanyima ya sangu kutungiwa; hanyima ya linona kwiza nakwingila muchihungu; jino kwiza nakupwa wakukupuka, kunyima kupwa na linona cheka.

Kaha, anuka, lize linona Iyatela kusoka. Talenu? Kachi kacheshi kuhasako, kacheshi kuhasa kuyoyako. Talenu? Kwauchi uze apwilenga kuweluka wa mijimbu kuya nakwiza mu Kuyoya. Echi kupwa yakusoka kuli Echi. Oloze, anuka, Kuyoya chochimwe chapwilenga mu chikota mulinona. Echi chili chakukula livene kuze vene kunyima, talenu. Ikiye alisolwele Lyavene, (ika?) Mwana muthu, lize linona lize Iyayile mumavu. Mbata Mujimbu?

Va Ngiliki vahanjikile kuli Ikiye, “Etu natuya nakumona Yesu.”

<sup>319</sup> Ikiye ambile ngwenyi, “Kuvangila linona Iya tiliku naliholokela hamavu.” Talenu? Chosena chakwoloka.

<sup>320</sup> Jino chuma muka Ikiye alisolwele Lyavene? Muchifwanyisa chakuhandunuka; chikota na sangu, na vyangocho, kaha mafwo osena na vyuma vyosena. Ikiye alisolwele Lyavene jino,

(ika?) Shipilitu youmwe, oloze muchifwanyisa chakuhandunuka. Talenu? Oloze nyi makumishilo a linona lika? Lyeji kwiza cheka kulinona livene. Echi chakwoloka?

<sup>321</sup> Kaha mulimo Wenyi kwiza, kufuma kuli vakiko kutungulula, kukinduluka ku Lizu lya kumaputukilo. Eli Lizu lyejile kuli kapolofweto. Kaha Ikiye ashikile echi, mu Malaki 4, “Kaha kutungulula Lufwelelo lwa vathu kukinduluka ku linona lyatete.” Chumamuka chengilile mumavu chili vene hano mwomwumwe. Lize linona kwiza nakuhita hano. Chejile nge Mwana Kalunga, jino Echi chinasoloka Chivene hano nge Mwana muthu, kaha jino Echi chinasoloka Chivene nge Mwana Ndavichi ha Litanda. Talenu, vakiko Vana vatatu, mukiko vene. Mamalelo, yami, cheka nge watete!

<sup>322</sup> Jino kumulimo wakukupuka wa Lyavene; keshi muthu umwe, keshi chikungulwilo chimwe, nge vakiko vazachile nakuhita muchisemunuino kuze talenu; oloze Lyavene alisolwele, kulisolola Lyavene ku lushiko, kulingisa Mukakujila Luka 17:28, Malaki 4, na vyangocho, Hepelewu 13:8, kupwa vene wakwoloka. Ha lwola luze, lwola muka lwatelele kupwa? Omwo Mbutu ya wangana ya Apalahama ili nakutala hali Mwana walushiko. Kaha miyachi yosena yatela kuzalishiwa. Kaha Kalunga Lyavene alisolwele muchifwanyisa cha muthu, ku mbutu ya Apalahama, shimbu kanda kwenyeka, kaha Yesu ambile ngwenyi nachiya nakupwa chuma chochimwe kuli eyi Mbutu ya wangana shimbu kanda Mwana walushiko ezenga.

<sup>323</sup> Talisenu lize lihina lize lyasekwele Upahu. Chize chikova cha chipupi chamwaka, kakweshi kuwaha chakufwila hali echi; chipwe apwilenga nyama Yenyi. Uze ukiko vathu vahanjikile, “Uze wamundende kulovoka hali Mukweze nge ngachize?” Kakavulu mwaka seti yamwaka, kaha usweha, kaha wevwu Wenyi usweha, kapwile chikumako hakutala hali chize. Eyi Mbimbiliya ngwayo, “Kakweshi kuwaha etu twatela kumufwila Ikiye.” Ikiye kasolokele nge Mwangana ko, chikova cha chipupi chamwaka, oloze, mamalelo, chumamuka chapwile mukachi!

<sup>324</sup> Kaha lizavu lyalindende lya “vakakujila vakulyalanga” kutwama hamwe muzuvo yakuzuma nge ngana, vakiko vavavuluka kupwa, keshi kuwaha chikumako kupwa wakufwila, oloze chumamuka chapwile mukachi! Ngunakunyuka kupwa wakufwika kumichima yayivulu, mwamono. Mwamono? Chosena chakwoloka.

<sup>325</sup> Kuweluka Chapwile chamokomoko, oloze vyosena vyapwilenga mukachi. Hakupwa mukachi ya Echi, jino mwamono Echi. Nauya ngachilihi muli Echi; kulimeneka mumavoko, kulinunga? Nduma. Kusemuka muli Chize. Kufwa, kupwa nakufumisa chikova cha chipupi, talenu, chize chove chamwaka, kupwa nakwingila umwe wamuha. Talenu? Kukana cha chikova cha chipupi chamwaka.

326 Chize Kumunyika cha Shikina kacheshi...Ivwililenu, vakakuzata! Vakakuzata, Ngwatondo enu kwivwulila kuli Echi. Kachi mukachi...Jino Nguli nakuya nakumbata chize chawashi, shikaho ove muya nakupwa wakukunyuka kupwa na Chize. Kachi mukachi ka lihina, mwishi ya Upahu wa Shikina lya Shikina, chize Kumunyika cha Shikina kachambachile Lizu lya Kalunga ko na kusolola Yesu kupwa “mukakutahisa,” nduma, nge vikungulwilo veji kulinganga lelo, “kutahisa, vakakujila vakulyalanga, Mbelezembule.” Uze Upahu wa Shekina kawamusolola Ikiyeke ya chize.

327 Oloze Upahu wa Shekina kuhya muli ize Mbuto ize vashikile hali ize ola, lize Lizu, kusolola Ikiye kupwa hanga Liya lya Chinema. Chanehele ize Mbuto, Liya lya Chinema, Mbolo ya Kuyoya, Alafwa na Omenga, youmwe zau, lelo, na hayamyaka. Ikiye napu chihanda cha vakakufwelela. Uze Upahu wa Shikina kusoloka, kuli vakakufwelela, Ikiye apwa youmwe zau, lelo, na hayamyaka.

328 Keshi, “Makumbi, Ikiye nahichi lyehi, kaha Ikiye afwile kaha chinahichi.” Shikaho sepa, kachi enu mwafwelela echi, kachi enu mwafwelela chize, enu kanda lyehi muveta ha Upahu wa Shikina. Nachipwa na Upahu wa Shekina kusolola Ikiye mulivathu watatu? Talenu? Nyi Upahu wa Shekina naumusolola Ikiye ngachilihi nge kupwa vakujimika, vathu, mu lijina lya “Tata, Mwana, na Shipilitu Wajila,” omu kuze kanda kupwenga muthu muze mu Mbimbiliya kujimika muli ize jila? Kaha Upahu wa Shikina ngachilihi Ikiye kupwa kapositolo, omwo Ikiye apwa youmwe zau, lelo, na hayamyaka? Talenu?

329 Uze Upahu wa Shekina kusolola Ikiye. Weji kuneha lize Lizu lya lushiko, kuli enu. Ou ukiko mulonga Ikiye apwilenga na lihina lya Mose, mwomwo muli ikiye apwilenga Lizu. Ikiye kulifwika muli Yesu, nge Muthu wakulikehesa, kuvalingisa vakiko kuhna kumumona Yehova. Kaha Ikiye kulifwika Lyavene lelo, vyuma vya mavu, na Shekina. Chize kusoloka cha kuweluka nge lizavu lya vakakulyalanga, chikova chamwaka cha chipupi, oloze mukachi ka Upahu wa Shekina.

Kaha Cheji kuhisa jimbolo jize etu kuchilika, kaha kutambuka nakuhita kusali ya lifuchi, handulendi milosi, talenu. Echi chinapu Kulya cha vakakufwelela. Echi chili kaha cha mukakufwelela. Kwanuka, jize Jimbolo japwilenga kaha ja vakakufwelela kaha, talenu, jize Mbuto ya Jimbolo. Talisenu. Chumamuka chakulinga? Uze Upahu wa Shekina, helu lya jize Jimbolo, Kujilama kufuma kukulyenyeka.

330 Anuka, ize mana yejile kufuma Mwilu, yapwile yakutwama mu Upahu wa Shikina, kufuma muchisemunuino chimwe na chikwavo. Kuweluka, kupwa na mikila muli echi, ufuku wosena, kupihisa. Echi chakwoloka?

331 Kuweluka wa Upahu wa Shikina lya Shikina, “Makumbi avikomwesa ahita lyehi. Talenu, echi chinapu kuzaluka.” Oloze mukachi. . .

332 Tala, vakiko kupwa na mbuto ya sunflower ya wande mu Ejipitu ize yapwilenga kuze mumakimbi a Yosefwa, myaka fwo sauzande, hakamwihi, kunyima okwo. Yosefwa avahakile mu chisete. Vakiko vavatumbile. Vakiko vayoyele. Mwomwoika? Vakiko vapwile na kuyoya.

333 Nyi ou Upahu wa Shikina lelo? Kuhokola kuhita helu lya lihina, vakamone Hiya Kalunga kupwa nakwimana kumeso enu, talenu Hiya Kalunga emanyine hano kumeso etu, eyi—eyi Panda ya mulangi wa Kakahya. Ikiye napu wakulifwika munyama yauthu. Oloze chumamuka Shekina, yalingile chumamuka? Ize Mbuto ya Jimbolo, lize Lizu lize etu twayoyela muli lize likumbi, hali jize jishiko, uze Upahu wa Shekina kuhisa jize Jimbolo, kuneha Echi kuhisa, kupwa na Jize Mbololo javakakufwelela; vaze vanasavala mumapapilo a Mbimbiliya, hamwaka hamwaka hamwaka, eli Lizu lya chino chisemunuino.

334 Ku vikungulwilo, Chinapu chimbuji. Ku vikungulwilo, vakiko veji kutalyangila hali Chize. Kuhita mummyaka, Luther, Wesley, Martin Luther, kaha vyosena, Sankey, Finney, John Smith, Knox, vosena kulimbuka hali Echi.

335 Oloze chuma muka chatela kulingika mumakumbi akumakumishilo? Chuma muka “*kusolola*”? “Kuneha vyangocho!” Nyi Malaki 4 kulinga ika? Kukindulwisa vathu kufuma mukupwa chimbunji chakulimbwisa, nakuhokola visemwa, kaha kusolola Mbololo na Upahu wa Shikina. Tala Ili nakuhisa nakuneha vene chumamuka Yahanjika Echi kupwa, mamaah, yami, jize Jimbolo jachino chisemunuino. Ku chikungulwilo, chimbunji, “lizavu lya vakutoleka.” Oloze, etu twafwelela!

336 Oloze jino nge Kusoloka 10 nashiki, “Mangana akusweka a Kalunga, aze anapunga akusweka mumapapilo kushikumuka mummyaka yavo, nayikaya nakuhisa, kuneha chisemunuino cha Mujimbu wa kangelo wa muchitanu nakavali.” Echi chakwoloka?

Chuma muka Ikiye ahanjikile, mwaka na tukweji sikisi kunyima okwo, hazevene ha myaka yivali jino? “Yako nakulovoka nakwingila mu Tucson; kupwa na north Tucson, na kutuva chachinene,” kaha chumamuka chasolokele, “Tutachikijilo kupwa kwakusolola,” eyi Tutachikijilo twasolola vyuma evi. Kwiza nakukinduluka nge omu Ikiye ahanjikile.

Chuma muka echi? Echi chinasoloka Echi kacheshi kupwa muthu ko. Echi chili nakuveta mwakukupuka, hazevene nge omu chinahase kupwa, lwola lwosena. Chuma muka echi? Eli linapu livoko lya Kalunga, talenu, shimbu kanda etu. Kaha mwomwo chili mu lizavu lyalindende, kulifwika mu nyama yauthu, chili

chakufwika kuweluka wa kaye. Ikiye ali wakuweka kufuma kuweluka wa kaye. Ikiye alisolola Lyavene kuli va kamba vaze vanahase kulinangula. Talenu? Echi chakwoloka.

<sup>337</sup> Kala, talenu, kala chishimo mu Mbimbiliya, kala muyachi wa Mbimbiliya, kulisolola hano kumeso etu. Uze Kalunga youmwe, mu Panda ya mulangi wa Kakahya, uze asonekele eyi Mbimbiliya, vosena mu Tesitamende ya Mwaka, echi chakwoloka hano kusoloka Echi, kusolwesa chivene chumamuka chapwile, kulumbununa kunyima vene, kaha kulingisa kupwa chakukunyuka nge chili chakulumbununa.

<sup>338</sup> “Etu tukwechi kulumbununa!” Kahajino echa tutalenu echi kusoloka. Talenu, mukiko kaha, echa tutalenu chinasoloka.

<sup>339</sup> Kusoloka! Yesu ngwenyi, “Kachi Kangweshi kuzata cha Tata Yami ko, fwelela Yami keshi ngochoko.” Talenu, echi chatela kupwa kwinjikiza.

<sup>340</sup> Oloze jino—jino, kuhona kwinjikiza nge Yesu, vakiko kuhaka—kupwa lilambu kujinguluka mutwe Wenyi na kumuveta Ikiye hamutwe, ngwenyi, “Kachi Ove unapu Kapolofweto, tufweke hiya nakuvete Ove.” “Kaha kachi Ove uli Mwana Kalunga, kwalumuna mbolo.” Talenu, uze ikiye liyavolo. “Kachi Ove uli Mwana Kalunga, lovoka muli chize ukalu- . . .”

<sup>341</sup> Ngunakulumbununa, mu Kusoloka chize Ikiye chili chakutela kulinga, chize chumamuka Echi chili. Oloze jino, nge Kusoloka 10 vanachisolola, mangana akuswamana a Kalunga anasoloka, kutachikiza, nge Mukanda wa Tutachikijilo Tutanu Natuvali wa lushiko.

Jino echa lufwelelo lweni muli Ikiye Hiya eli Lizu . . . Mwomwo, mu Kusoloka 10 kuhanjika . . .

<sup>342</sup> Mokokoko, Kusoloka 19, mukiko vene. Ngwapwanga na kusoneka hano, Kusoloka 10, kuya kuli chize; oloze echi kacheshi 10, chili na 19. Omwo Ikiye mwakeza, Ikiye mwakaya nakupwa wakusanyika, “Eli Lizu lya Kalunga,” kutambuka ha chimbula, kaha jitemo ja Mwilu kupwa kunyima ya Ikiye.

<sup>343</sup> Kuhokola lihina lya vikungulwilo! Kuhokola lihina lya vikungulwilo! Kupula aze mahina kumusweka Ikiye kufuma kuli enu! Kupula aze mahina akulivwimba, enu mapwevo. Ove uli—ove uli mwana Mwangana wapwevo; kulinga nge echi, kuyoya nge echi. Kupula lihina lyakala, chipwethuhu chumamuka Ph.D. kaha LL.D. kuhanjika. Kachi echi chilikulimbalaka na ize Mbimb iliya, kupula kuhita muli lize lihina!

Mwomwo, etu tunazauka lihina lya kakahya. Etu tuli kusali ikwavo jino, kusali ikwavo. Kaha enu namuya nakumona, kachi enu namuya nakulinga chize, kuhokola vize visemwa vya mwaka na vyuma, kaha kwiza kuli Ikiye, enu namuya nakumona Ikiye kwimana, Chindume Mukakufungulula, eli Lizu lya lushiko

Iwa chino chisemunuino, kulisolola. Enu namuya nakumona Kalunga wa Undume kulifukununa, talenu Ikiye mukachi ketu hano, kulifukununa, Kalunga wa Undume, vakuzeneka kufungulula ha visemwa.

<sup>344</sup> Vakiko kweseka kumuswama Ikiye kunyima kuze; vakiko valingile, ha myaka, oloze lwola lwa lushiko lwapandamine. Kalunga akatwile Mose lwola lumwe, kaha ikiye ahakile vana kukasunuka kufuma kuvyuma vimwe. Kaha Ikiye hanga ali. . . Ikiye keshi kuhasa kufungululako. “Melu na mavu nawakahita, oloze Lizu Lyami kalyeshi kukahitako.” Ikiye apwa youmwe zau, lelo, na hayamyaka.

<sup>345</sup> Vakiko ngwavo, “Echi kacheshi kulingikako.” Oloze vanachilingi. Kahajino, omwo chapwile kulingika, vakiko ngwavo, “Chinapu cha liyavolo.”

<sup>346</sup> Oloze chize kacheshi kwalumuna Lizu lya Kalunga ko, chindende kaha. Hanga lika “Kalunga,” kuli mukakufwelela, “Chindume Mukakufungulula; youmwe zau, lelo, nahaya myaka,” ha chisemwa Chenyi, ha Lizu Lyenyi, Hepelewu 13:8.

<sup>347</sup> Nguli nakusoka, mukuhanjika echi, mwomwo yinapu minyutu yitanu na twolufu, kuhanjika echi. Ngukwechi pamo teni, mapapilo amavulu. Nanguya nakumbata lwola lukwavo, pamo ufukuuno.

<sup>348</sup> Talisenu, talisenu echi. Kuze kwapwilekulanjisa lwola lumwe, kaha vakiko kupwa wakuzeneka kushishika. Enu mwevwa echi lwola lwaluvulu. Kaha violin yamwaka; kaha mukakulanjisa ahanjikile, “Chumamuka Ngwahanyine hali echi?” Kangweshi pamo kupwa chakwoloka, kutesekeka na hanjikiso. Echi chilikakavulu, myaka yayivulu, oloze kwiza kuvishinganyeka. Kaha vakiko kumbata kangita, kayasolokele chikumako; kusoloka kulikasa, vyumavimwe. Ikiye kahashile kupwa wakukashiwa kuli echi. Makumishilo, Ngwashinganyeka ikiye kupwa vakukashiwa ha ndola, mokomoko chumachimwe nge ngachize.

<sup>349</sup> Kaha kuze kwapwile umwe kwimana kuze kakwapwile kushinganyeka nge atela kulanjisa hali chize, shikaho ikiye ayile na kumbata chize. Ikiye kuveta mumavoko, kaha kumbata kunongama na kuvuma, kaha kwimba na yimbiso. Kaha omu ikiye alingile, kalaumwe kuputuka kulila. Vakiko kanda vevwenga myaso kana muchiyoyelo chavo.

Uze mukakulanjisa ngwenyi, “Chuma Nguli nakuha?”

<sup>350</sup> “Masauzande avali!” “Faifi sauzande!” “Teni sauzande!” Talenu? Chumamuka chili? Lize livoko lya mukulwane kusolola chumamuka chapwile chakufwika muzachiso yamwaka.

<sup>351</sup> Vamwe jino! Uze Mukanda wamwaka, Uli wakufukuluka, Unapunga kuuseha, kuwema, kupwa wakusehewa. Oloze lwola kwiza nge vakiko kupwa na vikungulwilo, mu Kasulu ya Kaye



ka Mauka. Vakiko kulanjisa Echi nge naumwe mukakusekasana. Kuze kuli kulanjisa cha chikungulwilo kwiza.

<sup>352</sup> Oloze, anuka, kuli chumachimwe mu Mukanda wamwaka uze ashikile nge nakuya nakupwa vakutongola lyehi, livoko lya kutongola kwiza likumbi limwe, nge nachya nakumbata Echi helu na kulinga Lizu mu Mukanda, kuhita mumuchima wa kutongola, kuzamisa chize nge Echi kulingasa, kusolola jishiko jize jili muli Echi. Echi chinahase kutala, mamalelo, nge lizavu lya vakakujila vakulyalanga, mokomoko chumachimwe chikwavo; oloze kupwa mulivoko lya Mukulwane, eli Lizu ha Echi, kusolola lize Lizu, kaha kwiza chikuma kuhambakana mukulyalanga wakujila. Echi kwiza nge kalamuthu kuli etu, keshi, masepa? Eli lizavu lya vakakutoleka. Echi chinemanuyina ha livoko Lyeya uze nanongama.

Echa tulombe.

<sup>353</sup> Ove Tata wa Mwilu, ha lufwelelo, lelo, Ngunamono Mukakunangula wa Mukanda wamwaka, nge vakiko kutambasana na visemwa. Vakiko kutambasana hali Echi ha vikungulwilo. Vakiko kweseka kulanjisa Echi nakufumisa. Jino vakiko kulanjisa Echi ha—ha Kasulu ya Kaye ka muthu, ha mauka, communistic, atheistic. Chize kualnjisa hali, Mwata.

<sup>354</sup> Kalunga, fuma! Punduvane, Ove muya. Kutuma kuli etu uze kapolofweto, Mwata, nge kumbata nakunongama, chize chinambate eli Lizu na kwinjikiza nge Yesu Kulishitu apwa yomwe zau, lelo, na hayamyaka. Vavavulu, Mwata, navakaya nakulanjisa viyoyelo vyavo, vakiko kuya nakumbila visemwa vyavo, vakiko kupula mahina. Vakiko vanatondo Echi, Mwata. Vakiko navaya nakuhana kalachuma, kalachuma, kuvahana vakiko Yesu.

<sup>355</sup> Mwata, Ngwashinganyeka Ove unenjikiza Echi kuli vakiko jino. Vakiko vejile kufuma kwosena. Vakiko veji kumbatanga kuyoya chavo. Vakiko kulinga vyumavimwe, kweseka kupwa na kuliwana, kulinga vyosena vakiko vahase, mwomwo vakiko kuwana Pela ya ndando yayikalu. Vyuma vikwavo vinapu vyavindende. Vakisule vakiko, Tata.

<sup>356</sup> Kusavala hakamenga, chimene chino, Mwata, malesu. Pamo vamwe vavo vatela kuseza lelo, shimbu kanda kutanga cha kuka ufukuuno. Ove Kalunga wa Hayamyaka, tala hamavu. Ngunatachikiza Ove uli hano, Ove uli wakufwika. Kaha Nguli nakutuma eli lihina lyalindende, Mwata, kusanyika “malesu,” kaha wamundende “mahina,” kaha wamundende “majombolo” hali vakemba vavandende. Kaha Nguli nakuvatuma nge lihina lyalindende, nge Lizu Lyove vanalinangula hali echi chimene chino, kaha, nge mukakufwelela, Ngunahake mavoko ami hali vakiko, mujimba wami, chinjikizo kwinjikiza nge Ngwafwelela Echi. Kaha, ha lufwelelo, wosena muli ino zuvo ali nakulinga mwomumwe, Mwata. Echa vakakuviza vambate kanawa.

357 Enu munahase kulehuka na—na Lizu kufuma hano, Mwata, nge tungita twamwaka kwimba, kulinga ngachize, Mwata. Lingisa kuhema nakwingila, kunongama mu livoko lya Mukulwane, jino etu natuya nakumona Ikiye kwimana mukuzalilila na mukusoloka.

358 Omu vaze vathu kupwa nakushinganyeka lize likumbi, omu vakiko kaveshi yakuhana chuma, omu vakiko kavahanyine chumachimwe kangita kamwaka. Vakiko kavatondele echiko. Vakiko kavyapwilenga muze muzuvo yavo ko. Oloze omu lwola lumwe vambachile umwe uze ahashile kutachikiza, jino vakiko kulanjisa vyuma vyosena vakiko vapwilenga navyo, mangana vatambule. Vakiko vapwile nakulipika na kuzunga hali chize. Chapwile kukotokela jino.

359 Shikaho mukiko nachikapwa lwola lumwe omwo Ndolombita ya Mwata nayivuma, lwola kalweshi kukapwako chekako. Vaze vahombwanyishile kaha vasehele, kwimana kuze shimbu kusokolola lihina na kumona lize Lizu lya Kalunga kusoloka (*veka* kuya nakutambakana hali Echi, oloze, nge omu Ove wahanjikile, “Nachiya nakupwa kukotokela jino”), vakiko vayile nakwingila mu Kulya cha Wenga; kaha *vakiko* vavasele nakulovoka kuze nakulila, kutetumuka, kaha kulingejunga kumazo.

360 Ngukafweko muthu wosena kufwelela, chimene chino, Tata; kuhokoka kuhita kala lihina lya lifwa, kala lihina lya kuzeneka kufwelela, kaha kumona Mukakufunguluka wa Chundume kulifukununa kumeso a vakakufwelela. Mwomwo, “Tala, Nguli nayenu lwola lwosena, na kumakumishilo akaye. Chindende kaha kaha kaye kakeshi Kungumonako chekako, oloze enu namukaya Nakungumona.” Kusolola Ove lyavene mukachi ketu, Mwata, nge omu Ove unapunga nakulinga. Kutwalilaho mujila palanga kumona shimbu kanda Ove, omu *en morphe* kwalumuka kaha Enu kwiza cheka Mwana muthu, kaha Mwana Nдавichi. Tuhane echi, Mwata, kuhichila mu Lijina lya Yesu Kulishitu.

Shimbu tuli na mitwe yetu yakunongama, vosena mukulomba.

361 Shikangaho lelo kachi kuli vamwe hano...mukachi mokomoko kuweluka. Kuze kakweshi numba jila kuneha kamenga kumuvuluka hano, mwomwo kakweshi kapeteko. Oloze Ngwalikomokela, shishika, enu mwafwelela echi kupwa Muchano? Enu mwafwelela echi mulikumbi lino nge etu tuli nakuyoyela, kaha vyosena evi vyamokomoko na chisemunuino cha sayasi nge omu chapwilenga mumakumbi a Nowa, mumakumbi a Mose, makumbi a Kulishitu, nge Kalunga, Tata wamunene wa etu vosena vaze twasemuka muli Ikiye, kwimana mukachi ketu lelo?

362 Eyi Panda yamulangi wa Kakahya ize yakwinjikiza kuhichila musayasi, myaka yayivulu kunyima okwo, nge

kanyike walunga, kuhanjika kuli yami kuze na kungulweka yami Nanguyoya hano vene, chuma muka nachisoloka. Kumilweka hali echi, kaha jino Echi. . . Likumbi limwe kuze kukalwiji, shimbu kanda mulimo waputukile, kuhizumuka chatete, Ikiye alisolwele muutangatanga, kulisolola Lyavene na kuhana kutuma. Myaka yosena Ngunasweke echi mumuchima wami, lihina lya Kulishitu, Panda ya mulangi wa Kakahya kulumbununa eli Lizu, nge lushiko. Etu tuli mulikumbi lya makumishilo, kupwa kaha Kwiza cha Mwata. Kaha kachi enu nakuwana ovelyavene kuweluka lize lihina, kupwa kufwa kutwama nakulovoka, ove muya ha lufwelelo, chimene chino, kuhanjika, “Ha kukafwa cha Kalunga. Kaha na kukafwa Chove, Mwata, Ngwatondo kuhokoka kuhichila muli lize lihina. Ngwatondo kwingila muze Ove uli, kumona Lizu lya kuzala cha Kalunga”?

<sup>363</sup> Kanda kweseka kupwa Mose ko. Kanda kweseka kupwa Alone. Kanda. Pwako kaha hiya, oloze pwako Mukakulishitu.

<sup>364</sup> Munahase, na mitwe yenu yakunongama, katulenu mavoko enu kuli Kalunga, na kuhanjika, “Mwata Kalunga, ngukafwe mukachi ka lihina”? Kalunga akukisule. Kalunga akukisule. Echi chili, tala kaha kumavoko!

<sup>365</sup> Kuweluka, anuka, Kangweshi kuhasa kumona livoko lyove ko. Echi kacheshi—echi kacheshi chakutelako kuli yami kumona echi, kalamwosena; chili, Kalunga. Echi chili kaha, kuli yami, cheji kungulingisa yami kumona nge—nge Mbuto yinaholoka kumwe, kaha, oloze Kalunga eji kumona muchima wamwenemwene.

<sup>366</sup> Kachi kuli veka vase kavahashile kukatula mavoko avo, vanatondo kuwakatula jino, katulenu mavoko enu na kwanuka mukulomba. Katulenu mavoko enu. Kalunga amikisule. Echi chamwaza. Kalunga amikisule.

<sup>367</sup> Tata, etu twalombo lelo nge evi, Mwata, uze keshi kuhichila muli lize lihinako. Vakiko kwimana kuze nge va Isalele; vakiko vali nakutala. Vakiko kufwelela, oloze vakiko kanda kuholoka kwingila Echi oloze, kumona chize chachinene Kumunyika cha Shekina, vosena vavali mushipilitu na kumujimba, mukachi ka liso lyalikina lya camera kulama kulama chifwanyisa; kupwa kaha milungu yivali okwo, kukwata Echi cheka. Ove uli nakulisolola Ove lyavene, Mwata, Kalunga Waundume kuli mukakufwelela; hanga valifwika kuli vakakuzeneka kufwelela, oloze kulifukununa kuli vakakuzeneka kufwelela.

Echa vakiko kuhita, lelo, Mwata, kumona kwenyeka Chenyi chachinene na Upahu. Echa michima yavo kwalumuka kumeso etu kupwa nakukinduluka kuliuka ufukuuno. Echa vakiko vosena vapwenga vakuzala na Shipilitu Yove, Kupwa Chove. Echa Mukulwane kumbata luze lufwelelo luze vakiko kupwa, kuveta nakuhita mu Lizu; echa tututalenu kunyima, “Ove kupwa

vakutongolo, shimbu chikuku cha kaye na kufwelela Echi. Kufwelela, Mwanami, kaha kupwa vakulwila.”

368 Tata Kalunga, etu tweji kuvakunjika mumavoko Ove jino, kutachikiza nge kakweshi chuma cheka etu tunahase kulinga. Echi chili chosena na Ove jino, Tata. Ngunavahane kuli Ove. Mu Lijina Iya Yesu Kulishitu, Mwana Nove. Amena.

Ngwamuzanga Ikiye, Ngwa . . .  
Mwomwo . . . chatete anguzangile yami  
Kaha alanjile ulwilo wami  
Ha mutondo wa Kavali.

369 Enu mwamuzanga Ikiye?

Wakukomwesa, wakukomwesa, Yesu kuli  
yami,  
Uze Wakulweza pungu, Mwangana wa  
Kuunda, Kalunga Waundume ali Ikiye;  
Ikiye kungulwila yami, kungulama yami  
kufuma kushili josena na sonyi,  
Wakukomwesa Mukakusokola yami, valise  
Lijina Lyenyi!

Ngwapwile wakuimbala, jino Vananguwane,  
kukasunuka kufuma kukupaisa,  
Yesu nahane kukasunuka na kuzala cha ulwilo;  
Kungulwila yami, kungulama yami kufuma  
kushili josena na sonyi,  
Wakukomwesa Mukakusokola yami, valise  
Lijina Lyenyi!

Mamalelo, wakukomwesa, wakukomwesa,  
Yesu kuli yami,  
Uze Wakulweza pungu, uze Mwangana wa  
Kuunda, Kalunga Waundume ali Ikiye;  
Mamalelo, kungulwila yami, kungulama yami  
kufuma kushili josena na sonyi,  
Wakukomwesa Mukakusokola yami, valise  
Lijina Lyenyi!

370 Vangahi vali nakumona Ikiye kwimana, chindume Mukakufungulula, eli Lizu alilingishile kupwa musonyi, kulifukununa kumeso etu; va Alafwa, va Omenga; Ikiye uze Apwilenga, Hiya, kaha Mwakaya Nakwiza; Mwiji na Mwana Ndavichi; apwilenga Mwana muthu, Mwana Kalunga, Mwana muthu, kaha mwaya nakupwa Mwana Ndavichi? Enu mwafwelela Echi na muchima wove wosena? Kulifukununa Lyavene mukala chisemunuino, kuneha vakakufwelela, kulifwika Lyavene mumujimba wanyama kuli vakakuzeneka kufwelela. Ikiye aliswekele kunyima ya lihina. Echa Kalunga kuhokola kala lihina, kaha etu twamumono Ikiye kupwa nge omu Ikiye ali!

Yesu kuvatula kala jingoji,

Yesu kuvatula kala jingoji,  
Mamalelo, Yesu kuvatula kala jingoji,  
Omu Ikiye akukasununa!

Kusali ikwavo ya Yotane,  
Mumawande ayema a Etene  
Kuze kuli Mutondo wa Kuyoya kufukukila,  
Kuze kuli kunoka hali yami.

Yesu kuhokola . . .

Kanda enu munatondo kuzauka Yotane jino? Kayeshi kushimbulako muze mupambo? Echa kuya kuze mu jishiko!

Yesu kuvatula kala jingoji,  
Yesu kuvatula kala jingoji,  
Mamalelo, omu Ikiye akukasunuine!

<sup>371</sup> Echa twimike livoko jino.

Nanguya, kuya nakumwalisa Ikiye,  
Nanguya, kuya nakumwalisa Ikiye,  
Nanguya, kuya nakumwalisa Ikiye,  
Mwomwo Ikiye angukasununa!

<sup>372</sup> Amena! Kanda kukulingisa ove kwivwa kanawa? Mamalelo, omu chawaha! Omu chawaha, keshi Ikiye ko, kahajino? Echa tulimeneke mumavoko na umwe namukwavo jino, kuhanjika:

Yesu avatula kala jingoji,  
Yesu avatula kala jingoji,  
Mamalelo, Yesu kuvatula kala jingoji,  
(Kalunga akukisule, ndumbu walunga.)  
Mamalelo, kaha Ikiye atwama wakukasunuka!  
Nanguya, kumwalisa Ikiye, (Kalunga  
Waundume!)  
Nguli . . .

“Youmwe zau, lelo, na hayamyaka,” kwalumuna chifwanyisa Chenyi.

. . . kumwalisa Ikiye,  
Nanguya, kuya nakumwalisa Ikiye,  
Mwomwo Ikiye (kumbata jishimbi josena  
jakufuma kuli yami) kunguhaka . . .  
(kufwelela Lizu Lyenyi).

<sup>373</sup> Mamalelo, kamweshi kwivwa ize ngita ya Mukulwane kuhitako, kunongama nakuhita ha eli Lizu? Ikiye napu youmwe zau, lelo!

Nanguya, kuya nakumwalisa Ikiye,  
Nanguya, kuya nakumwalisa Ikiye,  
Ngwa . . . (Ikiye, eli Lizu!) . . ., Ikiye,  
kumwalisa Ikiye, (Chuma muka Ikiye  
alingile?)

Mwomwo Ikiye atwamine (kunyima ya lihina)  
yami kukasunuka!

<sup>374</sup> Kwalisa chipwenga kuli Kalunga! Ngwamuzanga Ikiye. Ove kawamuzanga Ikiye ko? Echi kacheshi cha Mwiluko? Ngwazanga chize vilinga vya Lizu, talenu, kupwa kaha Shipilitu Wajila muli chize kuyema, jila yakulikehesa. Ngwa—Ngwazanga kaha Chize. Mamalelo, shinganyeka kaha!

Kusali ikwavo ya Yotane, (Nguli nakupandama  
kuze jino.)  
Mukuwaha . . . (Wakuzeneka kufwa!) wa  
Etene, . . . (Chuma muka Nanguwana kuze?)  
Kuze Mutondo wa . . . (uze wapwilenga  
mulitepa lya Milemba) kufukila,  
Muze muli kunoka chami.

<sup>375</sup> Ove unatondo kuya? Ikiye kuvatula kala jingoji.

Yesu kuhokola (kala chisemwa) kala malenge,  
Yesu kuvatula kala jingoji, (vikungulwilo  
vyosena, jishimbi josena)  
. . . kuvatula kala jingoji,  
Mamalelo, omu Ikiye akukasununa!

<sup>376</sup> Kwalisa chipwenga kuli Kalunga! Ngwamuzanga Ikiye. Shikangaho Isaya ambile ngwenyi, “Ikiye napu Wakulweza pungu, Mwangana wa Kuunda, Kalunga Waundume, Tata wa Hayamyaka, Wakukomwesa!”

Wakukomwesa, wakukomwesa, Yesu kuli  
yami,  
Wakulweza pungu, Mwangana wa Kuunda,  
Kalunga Waundume ali Ikiye;  
Mamalelo, kungulwila yami, kungulama yami  
kufuma kushili josena na sonyi,  
Wakukomwesa, Mukakusokola yami, valise  
Lijina Lyenyi!

<sup>377</sup> Mamalelo, yami! Chize cheji kutambuka mumuchima wami. Omu chawaha Ikiye ali! Nangumilweka, kakweshi makumishilo kuli Echi. Echi, Nguneza nakwingila muli Echi myaka seti seli kunyima okwo, kwivwa eyi jila. Kaha kachi Ikiye mwashimbula, likumbi limwe Nguli nakuya nakusoka meso ami, Nguli nakuya nakulovoka mujila yoyimwe. Amena!

Wakukomwesa, wakukomwesa, Yesu kuli  
yami,  
Ikiye napu Wakulweza pungu, Mwangana wa  
Kuunda, Kalunga Waundume ali Ikiye;  
Ikiye kungulwila, Ikiye kungulama kufuma mu  
shili josena na sonyi,  
Wakukomwesa, Mukakusokola yami, valise  
Lijina Lyenyi!

378 Ngunahase kutwama hano likumbi lyosena, muli Chize. Paulu ngwenyi, “Kachi Nangu kwimba, Nanguya nakwimba mu Shipilitu.” Huu-hu. “Kachi Nangunangula, Nanguya nakunangula mu Shipilitu. Kachi Nangutambuka, Nanguya nakutambuka mu Shipilitu. Kachi Nanguhanjika, Nanguya nakuhanjika mu Shipilitu.” Echa vyuma vyosena vyatela kulingika na Lizu na Shipilitu. Eyo, mwane. Amena! Echi chinapu Muchano wa Kalunga.

379 Ngwamumwene Ikiye, Kalunga Waundume, kulifukununa. Ngunamono Ikiye kukoka jishimbi jauthu, vikungulwilo; kukoka na—na kuleyela, kwala cha shikola, kaha vyumavimwe; kutambuka nakuya kulutwe, kwimana kuze. Enu mwashinganyeka jishimbi jauthu kufungulula Ikiye? Enu kushinganyeka vikungulwilo kufungulula Ikiye? Enu kushinganyeka Kasulu ya Kaye kufungulula Ikiye? Ikiye kufungulula kalachuma, kuhokola kala koji, kusokolola hetese; kupula kaze katachikijilo, kwingila muze Mwajila kaha mwajila; kulifukununa Lyavene kuli etu, kupwa Lizu, youmwe zau, lelo, na hayamyaka. Amena. Ngwamuzanga Ikiye.

380 Jino, palanga etu natukaliwana na musana uno, etu twatondo kulinga chuma chimwe, chize chili:

Mbata Lijina Iya Yesu na yove,  
Mwana waushona na mamalelo;  
Echi nachikuhana kuwahilila na kuvendejeka,  
Mamalelo, limbate kwosena okwo ove muya.

Lijina Iya Mwaza, Omu Iyayema!  
Lutalililo Iwa mavu na kuwahilila cha Mwilu;  
Lijina Iya Mwaza, (Yaah, Nguvakwechi vakiko,  
Iyehi.) Ove omu Iyayema!  
Lutalililo Iwa mavu na . . . ( . . . ? . . . )

381 Kachi uze Satana kweseka kumyeseke, nge enu muli kamweshi nakutala hachuma chakwolokako, kwinyika kuli ikiye ku Lizu nge omu Yesu alingile. Talenu? Talenu? Amena!

Ha Lijina Iya Yesu kunongama,  
Kuholoka ulukutu kumahiji Eyi,  
Mwangana wava myangana Mwilu etu natuya  
nakumuvwika muchama Ikiye,  
Omwo ungeji wetu naukakuma.

Lijina Iya Mwaza, (Lijina Iya Mwaza!) . . .  
Lutalililo Iwa mavu na kuwahilila cha Mwilu;  
Lijina Iya Mwaza, Ove omu Iyayema!  
Lutalililo Iwa mavu na kuwahilila cha Mwilu.

382 Billy mwaya nakupwa, pamo sikisi koloko, kuhana makati akulombelela kuli vaze vanatondo kwiza mumukana wakulombelela. Ngwashinganyeka etu twatela kulinga kanawa. Etu katweshi kuya, oloze, hakupwa lizavu, etu twatela kulinga echi, mwamono.

383 Jino anuka Ikiye! Lama Ikiye lwola lwosena  
muvishinganyeka vyenu, mumuchima wove. Kwosena  
namukaya, talenu, lama Yesu mumuchima wove.

Mbata Lijina lya Yesu na (Jino ivwililenu.) enu,  
Nge lukepwe kufuma mukala muheto;  
(Chumamuka chasolokele?)


Omu vyeseko kukujinguluka, (Ove watela  
kulinga ika?)

Hwima kaha chize cha Lijina lya Jila  
mukulomba.

Lijina lya Mwaza, (Lijina lya Mwaza!) Ove omu  
lyayema!

Lutalililo lwa mavu na kuwahilila cha Mwilu;  
Lijina lya Mwaza, Ove omu lyayema!

Lutalililo lwa mavu na kuwahilila cha Mwilu.

384 Echa tunongamenu mitwe yetu jino. Nguli nakuya  
nakulomba kafunga kachi ikiye mwaya nakwiza na kumwanga  
lizavu. Ndumbu walunga Neville, Kalunga akukisule, Ndumbu  
walunga Neville. 



64-0614M Kuli fukununa cha Kalunga  
Branham Tabernacle  
Jeffersonville, Indiana U.S.A.

LUVALE

©2024 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonkelenu ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)